



# समानि विद्युंसार



दिहूनगिरि आरो फोसावगिरि  
दुलाराय बर' फरायसा आफाद

दानथामारि लाइसि : 10 थि बिसान : 30 जुन, 2022

# समानि विद्युत्सार

दिहुनगिरि आरो फोसावगिरि  
दुलाराय बर' फरायसा आफाद

गाहाइ मावखुलि  
बड'फा हाउस, बागानसालि-7  
क'क्राझार, बि.टि.आर. (आसाम)  
पिन नं 783370

बोसोनगिरि  
दिपेन बर'  
खनिन्द्र बसुमतारी

सुजुगिरि  
समित नार्जारी  
रंगिना बरगयारी  
बिबारि बर'  
अबित नार्जारी  
मनिराम बरगयारी  
बिरखां नार्जारी  
मिनिसोरां ब्रह्म

बेसेन : 100/- रां

सेबखांसालि :  
आईग्ल'बेल ग्राफिक्स (iGlobal  
Graphics), अदालगुरि

## बे विसानाव दड

- \* गोहोम गोनां बिबिंधि / 10  
ड० आदाराम बसुमतारी
- \* Hybrid Culture and Its Impact on Bodos :  
A Short Discourse" / 13  
Dr Sunil Phukan Basumatary
- \* बर' फोरनि दोरोडरि समाज : गोदान हास्मिआरि  
जांख्रिखांनाय आरो सोलायनायनि गुथाल / 15  
सिमानि बर'
- \* जिउनि जोबथा बुब्लिसिम्बो / 19  
आलेरा बर'
- \* Are we prepared for Jobs? / 20  
Ranjan K Baruah
- \* गावखौ...गावनि थाखाय / 22  
धिर्ज्य ज्योति बसुमतारी
- \* निखाउरि मोदाइ आरो राजखान्थियारि दैदेनगिरिफोरनि बिफाव / 23  
रवेस्वर बसुमतारी
- \* सोदोब / 26  
ग'पीनाथ हाज'वारी
- \* बर' राव, थुनलाइ आरो हारमि जौगानायाव बर' बिजोनि बिहोमा / 27  
महेस्वर बसुमतारी
- \* गथ'नि गियान आरो हारि जौगाहोनायाव बिमा रावनि गोनांथि / 32  
चिर'ती स्वर्गीयारी
- \* दुलाराय बर' फरायसा आफादनि मावफारि / 35

## बाउनाय



बर' हारिनि सिनायथि, रैखाथि आरो थामोन्थानि थाखाय  
जायफोर बिर जोहोलाव-जोहोलावजोमोना गावनि जिउखौ  
बाउसोम लांबाय बिथांमोननि गोथार गोसोखांथियाव  
दुलाराय बर' फरायसा आफादनि  
10 थि बिसान  
समनि बिबुंसार  
दान्थामारि लाइसिखौ बाउनाय जाबाय ।

समनि  
बिबुंसार



**‘बर’ हारिखौ गेरेमसा हारि  
दानायाव बयहाबो बिबान ढड,  
बिनिखायनो बयबो  
गाव-गावनि बिबानखौ गोसो  
गोथारै रुजुननानै लानांगोन  
आरो मावनो गोनां आयदानि  
सायाव गोखोडै नोजोर लाखि  
नानै हाबा मावनायनि सम’**

आथिखाल मुगाखौ बयबो बिगियान आरो बिरेंदामिननि मुगा होननानै मोनथियो, बिनिखायनो बयबो गावबा-गावनि जिउ दानायाव नारा-नाथा नाजाथारदों आरो गाव-गावनि समाज आरो हारिखौ गेरेमसा महर होनो थाखाय गोखोडै खामानि मावगासिनो थानायखौ नुनो मोन्दों। बिनिखायनो जौनि हारिखौ जों गेरेमसा हारि



दानायाव बयहाबो बिबान दड' । आं सानो गोजोन आरो खौसेथिनि गेजेरजों जेखि बिफानाव थानानै खामानि मावा मानो समजों लोगोसे गाव-गावनि हारि दानायनि बिबानखौबो जोंनि साफ्रोमबो सुबुडानो मावलांबाय थानांगोन आरो अराय हारिनि जेंनानि सायाव नायबिजिरसंनायनि गेजेरजों सुझानायनि राहा-लामा दिहुननांगोन । मानोना आथिखालनि मुगायाव मोनसे हारिखौ गेरेमसा महर होनाया गोरलै बाश्रा नड । आथिखालनि बिगियाननि मुगायाव बयनिखुइबो साननो गोनां बाश्राया गावनि राव । बर' रावा भारत संबिजिरनि दाइनथि फारिलाइआव सोस'नजानायनि उनाव मोनसे सनमान गोनां राव महरै गनायथिजाबाय नाथाय बिब्दि होन्नानै बर' रावा एरैनो थानानै थासिगोन होन्ना जोंनि गोसोनि साननायखौ ज्राब गारोब्ला गोरोस्थि मानोना जौगानाय रावफोरा गोरलै गोरलै रावफोरनि सायाव जोबोद गोहोम खोख्लैयो जायनि थाखाय मुलुगनि गोरलै गोरलै रावफोरा मिरै-जिरै जानो गोनां जादों । बिगियान आरो बिरोंदामिननि मुगायावबो जोंनि बर' रावखौ माबोरै गुबुन रावफोरजों समान-समान लांफानो हागोन बेनि सायाव गोख्रों खामानि मावनांगोन मानोना आथिखालाव गुबुन गुबुन हादरनि रावफोरखौ Digitise खालामनायखौ जों बयबो नुगासिनो जायनि थाखै गुबुन-गुबुन रावारि आरो हादरनि सुबुंफोरा गोरलैयैनो Electronic Device नि गेजेरजोंनो गुबुननि रावफोरनि खौरां बिलाइ फरायनाय, लिरबिदां फरायनाय आरो राव सोल्लोनायनि खाबुखौ गोरलैयैनो मोननो हादों । गिबियावनो जों इंराजि रावनि गोख्रों जौगानाय आरो गुबुन गुबुन रावनि सायाव गोहोम खोख्लैनायखौ मख'थारनांगोन मानोना आथिखालनि Technology नि मुगायाव गासैबो मुलुगनि खौरां, आयदा, गुबुन गुबुन फरा-बिजाबनि बागै मोनथिनो गोनांफोरखौनो Internet नि गेजेरजों नागिरनो हानायनि गोरलै सुबिदा दंसै जायखौ इंराजिजों लोगोसे गोबां हादर आरो हारिया गावबा-गावनि रावखौ Google आव सोस'ननायनि गेजेरजों मुलुगनि सुबुंफोरनो रावफोरखौ गोरलैयै मोनथिहोनो हादों । बिनिखायनो जोंनि रावखौबो जोंनि गेजेरावल' दिनालासे Digitise खालामनायनि गेजेरजों मुलुगावनो मोनथिहोनो आरो दैथायहरनो थाखाय रोंग'सा बिथांमोना बर'नि माहारियारि आफाद बर' थुनलाइ आफाद आरो दुलाराय बर' फरायसा आफाद आरो गुबुन गुबुन बर'नि राव, थुनलाइ जौगाहोनायनि खामानि मावग्रा आफादफोरखौ हेफाजाब होनायनि गेजेरजों राव जौगाहोनायनि थाखाय गोख्रोडै खामानि मावनो थाखाय

खावलायहरबाय, बेबायदि मावलांबाय थाब्लानो गुबुन-गुबुन रावफोरजों जोंनि रावाबो समान दावगानो हागोन आरो जोंनि रावखौबो दिनैनि Science and Technology नि मुगायावबो फोथांना लाखिनो हागोन ।

दुलाराय बर' फरायसा आफादा 1967 मायथाइनि 15 फेब्रुवारिआव जोनोम जाजेन्नायनिफ्रायनो बर'नि राव, थुनलाइ, हारिमु, समाजखान्थि आरो रांखान्थि जौगानायनि थाखाय थद'नाय गैयालासे खामानि मावबोदों बेबायदिनो आथिखालावबो मावगासिनो दड । बर' हारिखौ गेरेमसा हारि दानायनि थांखिजों आरो हारियाव सुबुं सम्फद दानांगौनि थांखिजों एबसुवा सोल्लोथाइखौ लानानै थद'नाय गैयि खामानि मावबोदों । 2006 मायथाइखौ "सोल्लोथाइ बोसोर" फोसावनानै आरो 2007 मायथायनिफ्राय 2020 सिम "गुन गोनां सोल्लोथाइ" नि मावथांखि फोसावनानै गोख्रोंयै सोल्लोथाइनि सायाव गुबुन-गुबुन सांग्रांथि मेल लानाय आरो UPSC आरो APSC आनजादाव उश्रिसार जानो हानायनि थाखैबो गोबां सांग्रांथि मेल लाबोनाय जादों । बेबायदिनो 15 फेब्रुवारी, 2021 खालाराव "आदब आरो गुनगोनां सोल्लोथाइ मावथांखि" फोसावनानै खामानि मावगासिनो । बर' हारिनि गेजेराव गुनगोनां सोल्लोथाइजों लोगोसेनो आदबनि सायावबो सांग्रांथि लाबोनो आरो बर' हारिनि गेजेराव थाखोमा आदबफोरखौ थासारिजों गोरोबनानै बाहायनो हानायबादि दुलाराय बर' फरायसा आफादआ खामानि मावगासिनो दड' । बिनिखायनो Nelson Mandela आबो सोल्लोथाइखौ लानानै एरै बुंदोंमोन "Education is the most powerful weapon which you can use to change the world" । मख'नो गोनांदि बर' बिजोंनि फरायसाफोरनो गुनगोनां सोल्लोथाइ मोनहोनांगौनि थांखिजोंनो दुलाराय बर' फरायसा आफादा सरकारि फरायसालिफोराव सासेल' फोरोंगिरि थानाय आरो सासेबो फोरोंगिरि गोयै 1000 गुदि आरो गेजेर फरायसालिफोराव बेसेन नाडै फोरोंथाइ बादा होनायनि थांखिजों थानाय इं 2022 मायथाइनि 11 मे अक्ट'आव सिरां जिल्लानि जिथि दुवार दख'रा एबसुनि बेन्दोडव थानाय "नांदरबारि गुदि फरायसालि" आव गिबियै बेखेवजेननानै होयो आरो बेनि उन समनिफ्राय गुबुन-गुबुन जिल्ला सिंनि फरायसालिफोरावबो बेसेन नाडै फोरोंथाइ बादा बेखेवनायनि गेजेरजों फोरोंथाइ होनाया जागासिनो । आसाम सरकारा बर' बिजोंनि फरायसालिफोराव माब्ला

फोरेंगिरि थिस'नगोन बेखौ रावबो रोखा बुंनो हाया बिनिखायनो फरायसाफोरनो गुन गोनां सोलोंथाइ होनोब्ला फोरेंगिरिया जोबोद गोनांथि जायनि थाखाय दुलाराय बर' फरायसा आफादा सरकारि फोरेंगिरि थिस'ननायखौ नेयालासिनो बेसेन नाडै फोरेंथाइ बादा होनाय जादों। सरकारा जेसे दिन अरायथा फोरेंगिरि थिस'नहरा अब्लासिम बेसेन नाडै फोरेंथाइ बादाया सोलिबाय थागोन।

मख'नो गोनांदि इं 2022 मायथाइनि बर' बिजोंनि मेट्रिक आनजाद होगोरिफोरा मोजां फिथाइ मोननायखौ जों बयबो नुबाय बेयो जोंनि थाखाय जोबोद गोजोन्थाव आरो इयुन जोलैनि थाखाय थुलुंगानि नेरसोन जानानै थाबाय। गासै सा 17,303 फरायसाफोरा आनजाद होदोंमोन बेनिनो गासै 10,454 फरायसाफोरा उश्रिसार जानो हादों। जौखोन्दो बिथिडाव नायोब्ला 60.42 नुनो मोनो। मख'नो गोनांदि सिगां बोसोरफोरनि रुजुनायाव इं 2022 मायथाइनि मेट्रिक आनजादनि फिथाइया साबसिन जादों। बिनिखायनो बोसोरफोमबो जोंनि बर' बिजोंनि उश्रिसार जानायनि जौखोन्दोया बांलांबाय थायोब्ला जोंनि समाजाव जों थोजासे सुबुं सम्फद मोननो हागोन। बेराफारसेथि दुखुनि खौरां जे इं 2021 मायथाइनि UPSC आनजादाव बर' हारिनिफ्राय सासेबो उश्रिसार जानो हायासै। बिनिखायनो उश्रिसार जानो हायैखौ लानानै सानबाय थायालासे सिगां फारसे नोजोर होनानै फैगोन समफोराव फरायसाफोरा उश्रिसार जानो हानायनि थाखाय गोब्राब नाजानांगौनि गोनांथि दड' होन्नानै आं सानो। मुलुगावनो बिमा होन्नानै मोनथिजानाय मादार टेरेसाआ एरै बुंदोंमोन- “मैयानि दिना थांबाय गाबोना दासिमबो फैथ'याखै, जोंहा दिनैनि दिनाल' दड', दे जों जागायदिनि। जों जेखि सिमां

नुवामानो समजों खारफोनो हायाब्ला रावबो गावनि सिमांखौ आबुं महर होनो हानाय नडा बिनिखायनो साफ्रोमबो समनि बेसेनखौ मोनथिनानै आरो समबायदि खामानि मावनानै गावनि सिमांखौ आबुं महर होनायजों लोगोसेनो नखर, हारि आरो हादरनि सुबुं सम्पद जानांगोन।

**10थि बिसान “समनि बिबुंसार”** दान्थामारि लाइसिखौ जाफुंसारहोनायाव आंखौ दिथा होनानै सुबुरन आरो मदद होनाय आफादगिरि मानगोनां मुस्त्रि दिपेन बर', गाहाइ नेहाथारि मानगोनां मुस्त्रि खनिन्द्र बसुमतारी आरो लोगो आफादगिरि मुस्त्रि खोरोंमदाव औवारि बिथांमोननिसिमबो जोबोद गोजोन्नायजों साबायख'र बाउहरबाय। आंजों थाफानानै दुखु-खस्थ' सहायनानै सान-हर खामानि मावफानाय फारियै लोगो थुनलाइ नेहाथारि मनिराम बरगयारि, सुबुं फोनांजाब नेहाथारि मुस्त्रि बिरखां नारजारि लोगो गेलेमु नेहाथारि मुस्त्रि मिनिसोरां ब्रह्म आरो बिथांमोननिसिमबो आंनि गोसो गोरबोनिफ्राय साबायख'र बाउहरबाय। लोगोसेनो गावनि बेसेन गोसा समखौ दोन्थ'नानैब्लाबो आंनि खावलायनायबादिनो लिरबिदां हरनानै मदद आरो थुलुंगा होनायनि थाखै गासै गागि, गोजाम आरो गोदान लिरगिरि बिथांमोननिसिम साबायख'र बाउहरबाय। **समनि बिबुंसार** लाइसिखौ DTP खालामनानै आबुडै सेबखानानै होनायनि थाखै **आइग्लबेल ग्राफिक्स** नि बिगोमा मुस्त्रि रातुल बसुमतारिनिसिमबो साबायख'र बाउहरबाय।

जोबथारनायाव “**समनि बिबुंसार**” लाइसिखौ बयनिबो अनसायनाय मोनगोन मिजिंथिनायजों लोगोसे फरायगिरि आरो अनसायगिरि बिथांमोना बानान आरो बाथ्रा जथायनायाव माबाफोर गोरोंथि थालांफलांनयफोरखौ सुद्रायना निमाहा होगोन होननानै मिजिं थिबाय।

**समित नारजारी**  
सुजुगिरि, समनि बिबुंसार

(लिरबिदांआव बेरखानाय दान्थे-बिदान्थेनि थाखाय सुजु आफादा दायनिगिरि नडा।)

1 इ 2022 मायथाइनि SEBA BOARD जों खुंजानाय थाखो जि (10) एबा HSLC आनजादाव आसामनि गासै सा 4,05,582 फरायसाफोरा आनजाद होदोंमोन, बेनिनो गासै 2,29,131 सा फरायसाफोरा उथ्रिसार जानो हादों ।

सेथि मासि - 65,176      नैथि मासि - 99,854      थामथि - 64,101

मख'नो गोनांदि इ 2022 मायथाइनि SEBA BOARD जों खुंजानाय HSLC आनजादाव बर' बिजोंनिफ्राय गासै 17,942 सा फरायसाफोरा Apply खालामदोंमोन आरो गासै 17,303 फरायसाफोरा आन्जाद होदोंमोन बेनिनो गासै 10,454 फरायसाफोरा उथ्रिसार जानो हादोंमोन ।

जोबोद गोजोनथाव दि बे बोसोराव बर' बिजोंनिफ्राइ गासै 60.42 जौखोन्दो फरायसाफोरा उथ्रिसार जानो हादों ।

सेथि मासि-1,977      नैथि मासि-5,118      थामथि मासि-3,357

बर' बिजोंनिफ्राय इ 2022 मायथाइनि HSLC आनजादाव बयनिखुइबो बांसिन नम्बर लानानै उथ्रिसार जानो हानाय सानै गोख्रों आरो मेलेमजिबि फरायसाफोरा जादों मुस्त्रि दिपक बर', तामुलपुर जिल्लानि, कुमारिखाटा इउ.एन. एकादेमिनिफ्राय आरो मुस्त्रि मन्दिप बर', उदालगुरि जिल्लानि खैराबारि इउ.एन. एकादेमिनिफ्राय । सानैबो 97 जौखोन्दो मोन्नानै सेथि मासिखौ आवग्रिनो हादों । बिथांमोननि बर' बिजोडव फरायनानै बयनिखुइबो बांसिन नम्बर लाना उथ्रिसार जानो हानाया इयुन जोलौनि थुलुंगाखां नेरसोन जानानै थागोन ।



2

इ 2022 मायथाइनि आसामनि SEBA Board जों खुंजानाय थाखो जि नि सेथि मासिखौ आवग्रिनो हादों सा लखिम्पुरनि St. Mary's High School नि फरायसा **Raktopal Saikia** आ । बिथाड गासै मोन द' आयदायावबो लेटार लाना 597 नम्बर 99.5 जौखोन्दो मोननो हादों ।

3

Assam Higher Secondary Education Council (AHSEC) जों खुंजानाय गोजौसिन फरायसालि (H.S.) नि आनजादिनि फिथाइखौ 27 जुन, 2022 खालाराव मोननो हादोंमोन ।

बेनिनो फिथाइ बादियै- (क) बिगियान (Science) आयदायाव **Dhritiraj Bastav Kalita**, Trinity Jr. College, Sipajhar (98.2%), (ख) आरिमु (Arts) आयदायाव **Sadhana Devi**,

Ramanujan Academy, Baihata Chariali (97.4%) आरो **Cherry Gohain**, Womens College, Tinsukia (97.4%) आरो (ग)

फालांगियारि (Commerce) आयदायाव **Sagar Agarwal**, Vivekananda Senior Secondary School, Cachar (96.4%)

जौखोन्दो लानानै बिथांमोनहा आसामावनो सेथि मासि आवग्रिनो हादों । बिथांमोननि बयनिखुइबो बांसिन नम्बर लाना उथ्रिसार जानो हानाया इयुन जोलौनि थुलुंगाखां नेरसोन जानानै थागोन ।

जौखोन्दो लानानै बिथांमोनहा आसामावनो सेथि मासि आवग्रिनो हादों । बिथांमोननि बयनिखुइबो बांसिन नम्बर लाना उथ्रिसार जानो हानाया इयुन जोलौनि थुलुंगाखां नेरसोन जानानै थागोन ।



## गोनां खौरांफोर

4 दुलाराय बर' फरायसा आफादा सुबुं सम्पद सोरजिनो थाखाय इयुन जोलैखौ लानानै सोलोंथाइनि बिथिडाव अरायबो खामानि मावबोदों आरो मावलांबाय थागोन । बे बिथिंखौ नोजोर होनानै दुलाराय बर' फरायसा आफादानि बानजायनाय आरो BEACON IAS INSTITUTE, NEW DELHI नि हेफाजाबाव हारिनि, ओनसोलनि आरो हादोरनि इयुन जोलैफोरखौ थुलुंगाखांहोनायजों लोगोसे बादायलायनाय आन्जादाव जाफुसार जाहानो दुलाराय बर' फरायसा आफादा गुबुन-गुबुन जिल्लायाव सुबुं मावमिन आरो भारतारि हाग्रामा मावमिन अन्जाद (UPSC/APSC CIVIL SERVICES & INDIAN FOREST SERVICE EXAM) नि जर'खा फोरोंथाय हाबाफारिखौ खुंफुं नाय जादों । जर'खा फोरोंथाइनि मोनफ्रोमबो हाबाफारियाव गाहाइ आलासि महरै Mr. Jitendar Kumar Bhardwaj, Director, Beacon IAS Institute, New Delhi आरो जर'खा आलासि महरै मुस्त्रि रन्जन कुमार बरुवा (फाउण्डार, नर्थ इस्ट इथ फाउण्डेसन) बिथाडाबो बाहागो लायो ।



गिबि हाबाफारि बादियै 25 जुन, 2022 अक्ट'खालि कक्राझार जिल्लानि Science College Auditorium आव बेखेवजेनदोंमोन । हाबाफारियाव गाहाइ आलासिजों लोगोसे मुस्त्रि प्रफुल्ल कुमार हाज'वारी, ACS, Former Commissioner & Secretary, Welfare of Plain Tribes & Backward Classes Department, Mines & Minerals, Govt. of Assam and former member of APSC आरो कक्राझार जिल्लानि Sri Thube Prateek Bijay Kumar, IPS (SP, Kokrajhar) बिथाडाबो बाहागो लादोंमोन ।



नैथि हाबाफारि बादियै 26 जुन, 2022 अक्ट'खालि चिरां जिलानि बिजनि फरायसालिमानि बिरेन्द्र गिरि बसुमतारी नयुडाव खुंफुं जादोंमोन । बे हाबाफारियाव गाहाइ आलासिजों लोगोसे मुस्त्रि नरेन्द्र कुमार साहु, आई.ए.एस. (जिला बेंगिरि चिरां), मुस्त्रि नरेन चन्द्र बसुमतारी, ए.चि.एस. (सेक्रेटारि, बि.टि.आर.) आबो बाहागो लायो ।

थामथि हाबाफारि बादियै 27 जुन, 2022 अक्ट'खालि बाक्सा जिलानि ग्यानपित डिग्रि कलेजनि (निकासि मछलपुर) नयुडाव खुंफुं जादोंमोन । गाहाइ आलासिजों लोगोसे मुस्त्रि आयुस गार्ग, आई.ए.एस. (जिला बेंगिरि, बाक्सा), थरायना निजोरा बर', ए.चि.एस., (Assistant Commissioner, Baksa) आबो बाहागो लायो ।

ब्रैथि हाबाफारि बादियै 28 जुन, 2022 अक्ट'खालि अदालगुरि जिलानि अदालगुरि फरायसालिमानि नयुडाव जर'खा फोरोंथाइ हाबाफारिखौ खुंफुं नाय जादोंमोन । बे हाबाफारियाव गाहाइ आलासिजों लोगोसे ड० पि. उदाय प्रबिन, आई.ए.एस. (जिला बेंगिरि, अदालगुरि) आबो बाहागो लादोंमोन ।

बाथि हाबाफारि बादियै 29 जुन, 2022 अक्ट'खालि सनितपुर जिलानि तेजपुराव थानाय बान थियेटार नयुडावबो मेहेर गोनाडै खुंफुं नाय जादोंमोन । हाबाफारियाव गाहाइ आलासिजों लोगोसे सनितपुर जिलानि कबिता फांसु, ACS, Assistant Commissioner आबो बेखेवगिरि महरै बाहागो लादोंमोन ।

द'थि हाबाफारि बादियै 30 जुन, 2022 अक्ट'खालि गुवाहाटी नोगोरमानि कुमार भास्कर नात्य मन्दिर, उजान बाजार, गुवाहाटीआव जर'खा फोरोंथाइ हाबाफारिखौ खुंफुं नाय जायो । गाहाइ आलासिजों लोगोसे Sri Hiren Ch. Nath, IPS, ADGP (STF/SB), Assam आबो बाहागो लादोंमोन ।





5 भारतनि मुंदांखा लिरिगिरि गीतानजली स्त्री (Geetanjali Shree) बिथाड हिन्दी सल'मा "Ret Samadi" इराजीयाव Daisy Rockwel आ रावसोलायनाय "Tomb of Sand" सल'मानि थाखाय 2022 मायथाइनि "International Booker Prize" बान्थाखौ मोननो हायो। बे सल'मायाव भारतनि जेनाजों लोबबा गोनां नख'रारि सल'वानो जायगा मोन्दोंमोन।



6 India Book of Records आव जायगा आवग्रिनो हादों बर'नि फिसा भानु रानि बसुमतारीआ। आमबारिनि थागिबि बिथाड भारतनि मोन दाइन (8) रोखोमनि ख्लासिखेल (Classical) मोसानाय -Bharatnatyam, Kathak, Kuchipudi, Odissi, Kathakali, Sattriya, Manipuri आरो Mahiniyattam बायदिखौ मोसानानै India Book of Records आव जायगा आवग्रिनो हायो। बिथानि बे जायगा आवग्रिनो हानाया जौनि हारिनि थाखाय जोबोद गोग्गाथाव।

7 21 मेनिफ्राय 22 मे, 2022 खालाराव अडिसानि, भुबनेश्वरआव खुंफुंजानाय 24<sup>th</sup> All India Wadokai Karate Championship-2022 आव बागसा जिल्लानि गरेस्वर हालामनि पदमधर बसुमतारी आरो दिम्बेसरि बसुमतारिनि फिसाजो उसा रानि बसुमतारीआ स'नानि मेदेल देरहानो हादोंमोन।



8 27 मेनिफ्राय 29 मे खालारसिम पान्जाबाव खुंफुंजानाय 2<sup>nd</sup> ISKF National Karate Championship बादायलायनायाव धेमाजि जिल्लानि गेजेर जनाइ हालामनि 1 नं मुलन गामिनि मुस्त्रि निजिराम बर' आरो मुस्त्रिमा नमि बर'नि फिसाज्ला रामा बर' आ सेथि मासि आवग्रिना स'नानि मेदेल मोननो हादोंमोन।



9 इं 2021 मायथाइनि UPSC आन्जादाव सेथि मासिखौ आवग्रिनो हादों उत्तर प्रदेश राज्योनि बिजनर हालामनि स्त्रुति सर्माआ। बिथाड Jamia Millia Islamia Residential Coaching Academy आव Coaching लादोंमोन।



10 दुलाराय बर' फरायसा आफादा जोनोम जानायनिफ्रायनो हारिनि थैनाय-थानायनि थाखाय खामानि मावबोनायखौ नुबोबाय थाबोदों। मोनफ्रोमबो जेनायावनो दुलाराय बर' फरायसा आफादा गसंथाबोदों। दिनैनि दिना बिगियान आरो बिरोंदामिननि मुगा बिनिखायनो गुनगोनां सोल्लोंथाइ लानाया गोनांथार बेबायदि समावनो बर' बिजोंनि गुदि

## गोनां खौरांफोर

फरायसालिफोराव थोजासे फोरोंगिरि गैया आरो बिजाबफोराबो सम मथे सहैनाय एबा मोन्नायखौ नुनो मोना ।

दुलाराय बर' फरायसा आफादा आसाम सोरखारखौ गोबां खेब नारसिनबोगासिनो दं बर' बिजोंनि गुदि फरायसालिफोराव फोरोंगिरि थिसननो थाखाय । नाथाय थि समाव फोरोंगिरि थिस'न्नायखौ नुनो मोननाय जाबोयाखै बेनिखायनो एबसुआ फरायसाफोरनो गुन गोनां सोल्लोंथाइ मोनहोनांगौनि थाखाय जाय फरायसालियाव सासेल' फोरोंगिरि आरो सासेबो फोरोंगिरि गैयै बर' बिजोंनि से रोजा (1000) फरायसालिफोराव बेसेन नाडै फोरोंगिरि थिस'ननायनि बिथांखि लादों । बिथांखि लानाय लेखायैनो दुलाराय बर' फरायसा आफादा से रोजा (1000) फरायसालिफोराव फोरोंगिरि थिस'ननाय खामानिखौ मावजेनबाय । सासेल' फोरोंगिरि थानाय आरो सासेबो फोरोंगिरि गोयै फरायसालिफोराव फोरोंगिरि थिसनजानाय फोरोंगिरिफोरा आसाम सोरखारा जेब्लासिम फोरोंगिरि थिस'ना बे समसिमहालागै सोलिबाय थागोन । गाहायाव दुलाराय बर' फरायसा आफादा फोरोंगिरि थिस'ननायखौ गाहायाव चार्टजों दिन्थिनाय जाबाय-

### TOTAL NUMBER OF TEACHER APPOINTMENT IN SINGLE AND ZERO TEACHER SCHOOL OF BODO MEDIUM

SL. NO.	NAME OF DISTRICT	NO OF SCHOOL	TOTAL NO OF APPOINTMENT
1.	Kokrajhar	LP-5, ME-1	7
2.	Chirang	LP-2	2
3.	Baksa	LP-13, HS-3	16
4.	Udalguri	LP-22	22
5.	Sonitpur	LP-13	13
6	Biswanath	LP-2	2
	Total	61	62

11

18 मेनिफ्राय 22 मे, 2022 खालाराव केरेलानि तिरुवनंतपुरम (Thiruvananthapuram) आव खुंजानाय ब्रैथि नेसनेल मास्टर गेमसआव 800 मिटर खारनानै स'नानि मेदेल मोननो हादों कार्बि आंलं जिल्लानि **पबन बाग्लारि** बिथाडा । बिथांनि बे मेदेल मोननो हानाया जोंनि हारिनि थाखाय जोबोद गोग्गाथाव ।



12

इं 2022 मायथाइयाव आसामनि SEBA Board जों खुंजानाय थाखो जि नि आन्जादाव बर' बिजोंजों फरायनानै कामरुप जिल्लानि **रिमपि दास**आ 83 जौखोन्दो, बागसा जिल्लानि **नेलसन सर'निया**आ 67.50 जौखोन्दो, **अनजालि गर**आ 67 जौखोन्दो आरो **धोनस्त्रि बर्मन**आ 63.50 जौखोन्दो मोननो हादोंमोन ।



13

इं 2022 मायथाइआव साहित्य अकादेमीजों फोसावजानाय इं 2021 मायथाइनि “साहित्य अकादेमी बान्था” खौ बर’ हारिनिफ्राय बड’लेण्ड मुलुगसोलोंसालि बर’ बिफाननि प्रफेसार इन्दिरा बर’ बिथाडबो राव सोलायनाय (Translation) थुनलाइनि थाखाय सायख’जानो हादों। बिथाड अस’मिया लिरगिरि जय’न्ति गौनि लिरनाय “हिरिम्बा” सल’मा बिजाबखौ बर’ रावाव “हिरिम्बा” बिमुंजोंनो राव सोलायनायै बे बान्थाखौ मोननो हादों। बिथाड सासे गागि लिरगिरि आरो राफोद थुलाइगिरिबो।

14

Zee TV आव 12 मार्च, 2022 मायथाइनिफ्राय दिन्थिफुंजानाय Reality Show “DID Little Master Season 5” नि बादायलायनायाव बर’हारिनि आंगो फिसा ग’लाघाट जिल्ला सिसुपानि दख’रानि सिडव थानाय सांखाति गामिनि उपेन नार्जारी आरो अनु नार्जारीनि फिसाज्ला **मुस्त्रि नबजित नार्जारी**आ देरहासाद जानो हादों। बिथानि बे गिदिर देरहासादनाया बर’ हारिनि थाखाय जोबोद गोग्गाथाव-बाखनायथाव। मख’नो गोनांदि बे बादायलायनायावनो साथामबो देरहासार जानो हानाय बिथांमोना आसाम रज्योनि फारियै-

1<sup>st</sup> Runners up

-थरायना आपुन पेगु

2<sup>nd</sup> Runners up

-थरायना आध्याश्रि उपाध्याय



15

इं 2022 माइथायनि माध्य प्रदेश इनदर दिवास आव Sports Muay Thai Association Madhya Pradesh जों खुंफुजानाय UMAI National muay Thai Championship, 2022 नि बादायलायनायाव गुवाहाटी नोगोरमानि बाथौफुरि गामि ( near ISBT)नि रुंसारि खुडिरआम बर’ आरो पुर्निमा बर’ नि फिसाजो **सनामालि बर’**आ 48 weight category नि बादायलायनायाव सनानि मेदेल मोननो हायो।



# गोहोम गोनां बिबुंधि

ड० आदाराम बसुमतारी

EFFECTIVE SPEECH

Effective Speech नि आरिमु एबा गोसो बोनो हानाय बिबुंधि एबा लिरनाया जादों-सोदोबनि गहेना (figures of speech) फोरखौ बाहायनो हानाय एबा सोदोबफोरजों गेलेफानो हानाय। बेनि अनगायैबो बुंनो हायो बे आदबा जादों बाश्रा दानायनि आदब आरो राव साजायनायनि रोंगथिफोरनि मदतजों खोना संग्रा सुबुंफोरनि गोसोखौ बोनो एबा गोहोम खोख्लैनो हानाय।

राइजोफोरनि सिगाडव गसंनानै बाश्रा बुंनंगौ जानाया मोनसे जोबोत गोनां आयदा; बेनि सेर-सेर बेयो जोबोत गिथावथाव मोनसे फोनांजाब राहाबो।

Effective Speech होनो थाखाय जिरायनायनिफ्राय सिखांनानै बाश्रा बुंग्रा जायगा (Box) सिम सिगां लानांगोन आरो खोनासंग्राफोरजों गोसो, आरो मेगन फोनांजाबनांगोन, बिसोरजों सोमोन्दो खालामनानै बिसोरखौ मुखुबाव दोननांगोन। रोखा खालामनानै लानांगोन जे बिसोरो नौनि बाश्रा एबा सल'खौ खोनासंनो नेनानै दं, बेखौ बिसोरो गोलाव समहालागैसिम गोसो खांबाय थागोन।

खोनासंग्राफोरजों फोनांजाबनानै थानो हानायनि गियाना जेसेबांनो थागोन आरो गोनांथार बाश्रा नडब्ला मुजिथाव रावजों जेसेबां खोथा बुंलांनो हागोन एसेबांनो सासेनि बिबुंधिया जर गोनां एबा (Effective) जागोन। नौनि डिग्रिया जायखियानो जाया मानो राइजोफोरनि सिगाडव बाश्रा बुंनायनि गुणखौ बांहोनायनि सुजुग दं। नौहा गमामायैनो बेफोरनि माबाफोर आंखाल दडब्ला बेफोरखौ सौसिबोनायनि सुजुग दं।

अदेबानि मोनफ्रोमबो Presentation फोर आलादा-आलादा आरो Presentation होग्राफोरनि गियान रोंगथि (Skill) फोराबो



गुबुन गुबुन जायो । थिख बिब्दिनो बिसोरनि गोहो आरो लोरबांथिफोरबो गुबुन-गुबुन जायो ।

Effective Speech आ जादों खोनासंजाथाव; जाय बिबुंधिया रोखा, रग' आरो सुंदोब । जेब्ला जों माबा मोनसे बुंगोन अब्ला जों बुंनो लानाय आयदानि सायाव गोथौ आरो गुवार गियान थानाय जानांगौ । जाहाथे जोंनि बुंनायखौ खोनासंगिरिफोरा खस्त खालामाब्लानो गोनो-गोथो गैयाब्लानो आरो गोख्रैयैनो बुजिलांनो हायो । बे नोजोरखौ लानानैनो बेनिखायनो जों गोथों रावजों बुंलांनंगौ । जोंनि बिबुंधिया बेले-बेजे एबा बांद्राय नेमखान्थि बाहायनानै बुंनाय जानो नाड ।

जोंनि बुंनाय बाथ्राफोरनि गेजेरजों जोंनि गुबै बाथ्राफोरा रोखायैनो बुंलांनंगौ ।

Effective Speech आव नोजोर होनो गोनां मोनबा बाथ्राफोरखौ गाहायाव सावरायलांनय जाबाय ।

**(क) फोथायनाय (Confidence):-** राइजोफोरनि सिगाडव बाथ्रा बुंनंगौ जायोब्ला फोथायनाया जोबोद गोनां जानानै फैयो । नोंनि सायाव फोथायनाय लानानै बाथ्राखौ बुडोब्ला, नोंखौ नों बुंलांबाय थानाय आयदानि सायाव गोथौ गियान दं होननानै फोथायनाय फैगोन । नोंनि खोनासंगिरिफोरा नोंनि सायाव फोथायनो हमगोन, आरो बेनिखायनो नों नोंनि सायाव फोथायनाय लाखि । फोथायनाया नोंखौ बांसिन Credible and believable (मानगोनांसिन आरो फोथायथावसिन) खालामगोन । नोंनि फोथायनायखौ गमामायैनो दिन्थिनो थाखाय नों बाथ्रा बुंबाय थानाय समाव नोंनि साहसखौ दिन्थिनांगोन । जदि नों नोंनि खोनासंग्राफोरनि सिगाडव गोगोमै आरो साहस गोनाडै-गसडोब्ला बिसोरो अब्ला नोंनि सायाव फोथायनाय आरो साहस बांबोगोन । बेनि उल्थायै जदि नों गिलुं-गिलुं एबा गुबुनैसो दिन्थियोब्ला, अब्ला नों फोरमान जागोन जे नों सासे सांग्रा गैयै (Insicere) आरो खोनासंग्राफोरा नोंनि फारसे गोसो होनानै खोनासंनय नड ।

**(ख) गोख्रों आबेग (Passion) :-** गोसो होथाबनानै खामानि मावनाया देरहासातनायनि मोनसे मन्थ बेखौ जों मिथिगौ । बेनि खायनो जों जा हाबा मावगोन बेफोराव जेब्लाबो गोसो गुदुं जानानै मावनांगौ । मोदोम गोथैजों जों मोनबो खामानिखौ देरहासातनो हाया ।

थिख बिब्दिनो बाथ्रा बुंनायावबो बेखौ गोसोयाव सोनानै लानांगौ जे जोंनि बाथ्रानि गोहोमखौ खोनासंग्राफोरनि गोसोयाव सोनो थाखाय जों बाथ्रा बुंनायजों लोगो-लोगो गोख्रों आबेगखौ दिन्थिनांगौ । नोंनि गोसो गुदुंखौ नुनानै खोनासंग्राफोरा हमदांनो हाथों जे नों मोनसे गोनांथार आयदानि सोमोन्दै फोरमाय गासिनो दं । नोंनि मोजां मोननायानो खोनासंग्राफोरखौबो मोजां मोनहोनो थुलुंगा होगोन । बिसोरो बुजिलांगोन जे नों जाय आयदानि खौरां होनो नाजादों बेयो जोबोर ओंथि गोनां । नोंनि गोसो थुलुंगा होनायजोंनो बिसोरो नोंनि बाथ्राखौ खोनासंलांबाय थागोन, अब्ला नोंनि थांखियाबो जाफुंगोन ।

**(ग) ओंथि बह्हा बाथ्रा बुंनाय (Ability to be succinet):-** नों जेसेबांखि रंजाहोनो हाग्रा आरो खोनासंग्राफोरखौ खोनासंहोबाय थानो हाग्रा बाथ्रा बुंनो गोरों एबा बिबुंधि होनो गोरों जायामानो नोंनि बिबुंधिखौ गुसुं खालामनायाबो जोबोत गोनां । गुसुं खालामनायजों लोगोसे गोनां गोनां बाथ्राफोराबो ओंखारबोनांगोन जायखौ इंराजी रावजों to the point होननानै बुडे । बेखौ मोनथिनानै लाखा जे खोनासंनो फैनाय सुबुंफोरनि गोसो मोजोमनानै खोनासंनयनि समा गोलाव नड एबा बिसोरो गोलाव सम नोंनि बाथ्राखौ गोसो मोजां मोन्नानै खोनासंबाय थानाय नड । बेनिखायनो नों खोनासंग्राफोरनि गोसोखौ एबा नोजोरखौ नोंनि बिबुंधि एबा दिन्थिनायनि गेजेरजों थाबैनो बोनानै लानांगोन । बेनिखायनो नोंनि बाथ्रा बुंनायनि जागायनाया गोरोंन्थि गैयै आरो गोहोम खोख्रैनो हानाय (smoothly and effectively) जानांगौ । जदि नोंनि बाथ्रा बुंनाया गोलावद्राय जालाडोब्ला गुसुं-गुसुं आव बोखावनानै लां । मोनफ्रोमबो खोन्दोफोरानो आलादा-आलादा बेखेवथि एबा ओंथि गोनां जानांगोन । जुदि फिसा रुमाव सावरायनाय जादोंब्ला खोनासंग्राफोरखौबो बाहागो लानो होनांगोन । अब्लासो बिसोरो गावसोरखौबो बे हाबाफारिनि सासे एंगारनो हायै बाहागो हिसाबै साननानै लानो सुजुग मोनगोन आरो नोंनि आद्रा थानाय बिबुंधि एबा बाथ्राखौ खोनासंनो सम होगोन ।

**(घ) सल' बुंनो हानायनि रेंगथि (ability to tell a story) :** गासैबो सुबुंफोरानो सल' फोरखौ मोजां मोनो आरो बुजिनायावबो गोब्राब जाया । सल' बुंनानै एबा

सल' खिन्थानानै खोनासंग्राफोरनि गोसोखौ मोजोम होनानै लानो हायो। Effective Speech आवबो नंगुबै आरो गोथौ-गोथौ खोथाफोरखौ सल' बुंदेरनानै खोनासंग्राफोरनि गोसोयाव सोनानै होनायाव गोरलै जायो। गोथौ खोथा आरो सैथो खोथाफोरखौ खोनासडै-खोनासडै बारुरु जानाय आरो आन्दायनाय गोसोखौ सल' बुंदेरनायनि गेजेरजों रेजें खालामनानै लानो हायो आरो सल' आव सोमजिनाय जाथायखौ खोनासंग्राफोरा गावबा-गावनि जिउआव सोमजिनाय बबेबा जाथायजों जरा फोनांजाबनानै लानो सुजुग मोनगोन। होमब्लाबो बिसोरो गोसो मोदोम होनानै खोनासंलांबाय थागोन।

सल' बुंनाय एबा खोनासंनायनि गेजेरजों गोबां बानजायनाय मोनो जैरै:-

- (i) सैथो गाइसननो हानायनि सुजुग।
- (ii) खोनासंनो हानायनि रेंगथिखौ बांहोनाय।
- (iii) सानहाबनो हासिनग्रा खालामनाय।
- (iv) हरिमुवारि गियानखौ बांहोनाय।
- (v) जगा जग (फोनांजाब communication) नि रेंगथि बांहोनाय।
- (vi) गोसोखांनो हानाय (memory) नि गोहोखौ बांहोनाय।
- (vii) समाजारि रेंगथिखौ बांहोनाय।

बेनिखायनो नॉनि बिबुंधि होनाय एबा माबाफोर presentation होनायनि गेजेर-गेजेर सल' बुंदेरनाय थायोब्ला बेयो बांसिन गोहोम गोनां आरो मोजोमथावसिन जायो। खोनासंग्राफोरा बुजिनानै लागोन जे बेयो खालि बिबुंधि एबा presentation ल' नड। बेनि खायनो नॉनि बिबुंधिनि आदबजो गोरोब लांनाय सल' फोरखौ साखाफारा लाखानांगौ। सल'नि गेजेरजोंनो बुंलानो लानाया सैथो बाथ्राखौ फोनां जाबलांफानो नाजानांगौ। नॉनि सैथो बाथ्रा आरो आयेनखौल' फोरमायलाडब्लानो नॉनि जिउनि

रेंगथि आरो सल'नि गेजेरजों बै थार बाथ्राखौ फोरमायलां। बेफोरजों गोरोबनाय नॉनि जिउनि जेबो सल' एबा रेंगथि गैयाब्ला जारिमिननि बबेबा सल'खौ लानानै फैनांगौ।

**(ड) खोनासंग्राफोरनि सांग्रांथि लाखिनाय:-**  
बिबुंधि होग्रा नॉ आरो खोनासंग्राफोरनि गेजेराव खाथिथार सोमोन्दो दं, नॉनि थाखाय बिसोर खोनासंग्रा, बैसोरनि थाखाय नॉ बिबुंधि लाखिग्रा। बेनिखायनो फारनैनि गेजेराव बुजिलायनाय आरो हागौब्ला सिनायलायनाय जायोब्ला मोजां जायो। नॉ बै खोनासंग्राफोरनि समाजारि मान थाखो, रंखावरियारि हालोत, सोल्लोथायारि, धोरोमारि आरो बैसोफोरखौ मिथिनानै लानो हायोब्ला नॉनि speech आ बांसिन effective जागोन। बेजों लोगोसे बिसोरनि हुदा आरो लुबैनायफोरखौ मिथिबावयोब्ला साबसिनबाव। खोनासंग्राफोरनि बैफोर खोथाफोरखौ मिथिखानानै बुंनाय नॉनि बिबुंधिया जोबोत गोहोम गोनां जासिनगोन। बिसोरनि सोमोन्दै नॉ मोनगो खानाय गियानखौ लानानै नॉ बुंलानाय फंफ्रोमबो बाथ्राफोरा बिसोरनि जिउनि जाथायजों गोरोबलांगोन आरो बिब्दिनो गोहोम गोनांसिन जालांगोन।  
**फोजोबनाय:** गोजौयाव बेखेवबोनायनि गेजेरजों effective speech नि सोमोन्दै मिथिनो मोनबाय जे बेयो जादों मोनसे रोखोमनि सम्पति एबा गहेना। बे गहेना एबा सम्पतिखौ गासैबो मानसिफोरानो मोनजोबा। बेखौ सोल्लोनानै दानानैबो लानो हायो। रेंगथिनि गेजेरजोंबो बेखौ सोरजिनानै एबा फुवारनानै लानो हायो।

बाथ्रा बुंग्रा एबा बिबुंधि होग्राहा गावनि सायाव फोथायनाय थानांगौ। बेनि अनगायैबो गावनि गोसोयाबो जोबोत गोसो गुदुं (Passionate) जानांगौ। जेसेबांखि बाथ्रा बुड गुसुं आरो ओंथि गोनां जानांगौ। गोबांथार बाथ्राफोरखौ खोनासंग्राफोरनो मिथिहोलांनायनि गेजेर-गेजेर सल' खिन्थादेरलांनानांगौ आरो बिबुंधि होग्राया खोनासंग्राफोरनि फारसे गियान थाखा जोबनांगौ।

# “HYBRID CULTURE AND ITS IMPACT ON BODOS : A Short Discourse”

Dr. Sunil Phukan Basumatary

“According to A Glossary of Cultural Theory- ‘a hybrid combines unlike parts and is the result, in botanical animal life, of the cross-breeding of different species or varieties or, in another application, of cross-fertilization of different languages. In Cultural Theory these meanings have been extended to refer to the mixed or hyphenated identities of persons or ethnic communities, or of texts that express and explore this condition, sometimes themselves employing mixed written and visual discourses. In its more textual reference, hybridity is therefore close to the meanings of ‘collage’ and ‘BRICOLAGE’, derived from the AESTHETICS MODERNISM. ( Peter Brooker. P. 126). In this discourse, keeping this meaning and discourse in view, the present author is going to focus on the Bodo community and its culture vis-à-vis the celebration of Bwisagu fwrbw or festival considering the cultural theory in a nutshell. ““The Bodos are racially Indo-Mongoloid and linguistically Sino-Tibetan Assam Burmese group of people have been living in this part of land since pre-historic period of time. They have also been found concentrating in its neighboring Indian states like Nagaland, Arunachal Pradesh,

Manipur, Tripura, West Bengal, Bihar etc.,and, foreign countries like Bangladesh, Nepal, Bhutan, Thailand, Indonesia etc. And the Bodos are known as Mech in West Bengal and Nepal also at certain parts of Goalpara district and Dibrugarh district as well, as Boro or Bodo Kachari in the rest of districts in Assam except N.C hills where they have been known as Dimasa and as Kokborok in Tripura state. “Thus the highest tribal population in Assam, India, is traced mainly to the Mongoloid and Austroloid stocks. As such the Boros (the Bodos), the Rabhas, the Karbis, the Misings, the Dimasas, the Deuris, the Chutias, the Tiwas and so forth are direct descendants of



Indo-Mongoloid group.“ “Endle is of the opinion that the religion of the Bodos is something animistic like. Though animistic nature of worship and belief present in their religion, the Bodos are quite against this notion of remark on them as they believe that they too worship the God. Dr P. C Bhattacharya observes: The worship of Bathou and the erection of the altar of this su-

preme God (Bathou) with the Sizu plant by the Boros in their courtyard are note-worthy features of rural life. In addition to the domestic worship of Bathou in the courtyard, there is the common place of worship for the community as a whole. (Descriptive Analysis of the Bodo Language p.8). “But due to continuous undergoing process of assimilations and Sanskritization, the vast bodies of demography position of Boro have been dwindling at different times and period since the time immemorial. Then the advent of the British in Assam and adjoining states of North-East India have also made their presence felt in terms contributing some grammars, oral literature and translation works towards the development Bodos language and literature in the last decades of 19th century and thus the Bodos have been found converted into Christianity too since then along with different tribes of this region. Though the Bodos converted into Christianity and also accepted Hinduism like Brahma Dharma or so under the devout Gurudev Kalicharan Brahma in the first decades of 20th century, they had not given up the culture of wearing Dokhona, habit of speaking Bodo language, medium of instruction as Bodo in the later stage and food habits like pork eating and other tribal food items and merry making festivals like Bwisagu and Domasi as well. Hence one must witness amongst present Bodos the hybridity of culture in terms of songs, music and dresses and in nature of religions, literature and even in language which can never be denied as a real fact of the matter and history of the community Peter Burke opines about hybridity as such: ‘The price of hybridization, especially the unusually rapid hybridization that is characteristic of our time, also includes the loss of regional traditions and local roots. It is surely no accident that the present age of cultural globalization, sometimes viewed more superficially

as ‘Americanization’, is also the age of reactive nationalisms or ethnicities..(Cultural Hybridity. p7) “To say with to regard to the Bwisagu Fwrbw or festival we know that the Bodo people along with other allied tribes have been observing the Bwisagu celebration since pre-historic period. This is crystal clear from this remark made by Dr Praphulladatta Goswami: ‘Cattle worship is an Aryan cultural trait, but in Assam the cultural pattern which took into itself this trait is an important non-Aryan festival- the Springtime Bihu, which is the subject-matter of this study.’ ( Bohag Bihu of Assam and Bihu Songs. P.3). Then we can say that the Bwisagu celebration belonged to the non-Aryan Mongoloid people. But today Bihu or Bwisagu becomes national festival of Assam and it is also observed by Assamese people at different metropolitan cities in India and abroad besides at local, rural, town, city etc... So the Indo-Mongoloid people can no longer claim this colorful festival Bwisagu is only theirs as such it has rather become heartstrings of all sections and communities of Assam today ““Hence Bwisagu or Bihu the spring time festival itself becomes hybridized in present style and fashion as it can hardly maintain either the original form in terms of text or contents, musical instruments or costumes, traditional roots or origin and so and so forth. Though it is a rural and agro-culture related merrymaking, it doesn’t have its logic and root, heart and soul attachment after being performed on stages at different part of the world. ““So it is the need of hour for all to preserve the nucleus and roots of the Bwisagu celebration and Bodo Culture as well since while it is the time of hybrid culture, at the same time it is also the time of nationalization to survive as an ethnic ‘the Bodos’ distinctively in present context and scenario having our hybrid culture and identity is quite obvious and discernible fact.



# बर' फोरनि दोरोडारि समाज : गोदान हारिमुआरि जांख्रिखांनाय आरो सोलायनायनि गुथाल

सिमानि बर'



सोलायनाया जादों मोनसे मिथिंगायारि खान्थि जायखौ जों नेवसिनो हाया। बेयो बुहुमनि मोनफ्रोम बेसादाव गासै समावनो नुजाबाय थायो। जोंनि सुबुं समाजाबो बेनि गुबुन नडा। सम आरो थासारिजों लोगोसे गोबां गोहो (force)आरो जाहोन (factors) फोरजों गोहोम खोख्लैजानायनि जाहोनाव मोनसे हारिनि समाजारि दाथाय आरो हारिमुवा गोदान-गोदान महर लायो आरो सोलाय-सोल'जागासिनो थायो। मोनसे समाज आरो हारिमुनि सोलायनाया सुबुं सोदोमस्त्रिनि जौगानाय, सान्नाय-हनाय आरो मावनाय-दानायजों गोथौवै सोमोन्दो दं। दिनै जों बर' समाजनि जाय हारिमुवारि थासारियाव दड, बियो जौसे बोसोरनि सिगां गुबुनमोन आरो से जौथायनि उनाव गोबां सोलाय सोल' जाहैगोन।

समाजारि सोलायनायनि बे दाहारा बबेबा मोनसे हारियावलदि फैयो बे नडा बेयो बुहुमनि मोनफ्रोमबो हारि आरो माहारिनि गेजेरावनो फैयो। नाथाय खायसेनि बिथिडाव खम आरो खायसेनियाव बारयै नुजाथियो। समाजारि दाथायनि बेबादि गुबुन-गुबुन थासारिजों मोगा-मोगि जानानानै थाद'नाय गैयि सोलायनाय आरो जौगानायनि सोमान्दै फोरमायनो थानानै R. M. MacIver आरो Charles H. Page बिथांमोना 'Society An Introductory Analysis' आव औरै फोरमायदों- "The social structure is subject to incessant change, growing, decaying, finding renewal, accomodating itself to extremely variant conditions and suffering vast modifications in the course of time."

मोनसे हारि एबा समाजनि समाजारि दाथायखौ मोजाडै बुजिनो थाखाय बेनि जारिमिनारि खान्थि (historical process) आरो सोलिबाय थानाय (continuity) आयदा मोनैखौबो रुजुनानै बेनि नुजाथिनाय फारागथिखौ नायनायनि गोनांथि दं। अब्लासो सोलायनायनि लामाखौ संनानै दिहुन्नो हायो। बेनिखायनो आगुनि समाज आरो हारिमु सोलायनाय आयदानि सायाव फरायसंनायनि जोबोर गोनांथि दं होन्नानै गोबां समाज बिगियानगिरिफोरा फोरमायलांदों। मानोना बे आयदानि सायाव फरायसंनाया जोंनो समाज आरो हारिमु सोलायनाय, दावगानाय, समजों लोगोसे नुजाथिनाय जारिमिनारि फारागथिफोरखौ रोखा-रोखायै आसि दिन्थिनानै होयो। जायनि थाखाय मोनसे समाजनि सिगांनि आरो दानि थासारिखौ गोरलैयै बुजिनायजों लोगोसे सोलायनायनि दिग एबा लामाखौ मोनथि मोन्नाय जायो।

बर'फोरनि गेजेराव नैजि जौथाइयाव गोदानै जोनोम मोन्नाय दोहोरोमारि सोमावसारनाय आरो हारियारि आफाद एबा गौथुमफोरनि समाज फोसाबनायजों दोरोडारि समाज आरो हारिमुवाव माबादि सोलायनायनि गुथाल लाबोनो हादों बेनि सायाव बेवहाय नायबिजिरनो लानाय जादों।

इंराजि सोदोब 'Cultural Renaissance' खौ फोरमायनो बेवहाय बर'नि 'हारिमुवारि गोदान जांख्रिखानाय' सोदोबखौ बाहायनाय जादों। नैजि जौथायनि जागायजेन्नाया बर' समाज आरो हारिमुनि थाखाय मोनसे माइल खुन्थिया (milestone)। बर'फोरनि दोरोडारि समाज आरो हारिमुनि गेजेराव गोदान जांख्रिखानाय आरो सोलायनायनि सोमोन्दै बुडोब्ला नैजि जौथायनि गिबि जिथाय जागायजेन्नायनिफ्राय बुंनो हायो। बै समा बर'फोरनि थाखाय मोनसे खैफोद गोनां सममोन। गोबां बर'फोरनो मुगैजानायनिफ्राय बासग'नो थाखाय गावनि राव आरो हारिमुखौ नागारनानै सोरबा शर'निया, सोरबा ख्रुप्टान, बांगाल आरो गुबुन-गुबन दोहोरोमाव बारस्लायलानो हमबायमोन। सोलौंथायनि आंखाल, खौसेथि गैलायै आरो गोबां समाजारि गुलाय-गुजायनि थाखाय हारिया मिरौ-जिरौ जालांदोंमोन। बेफोर जाहोनफोरखौ लानानै बै समनि सानैसो सांग्रांथि गोनां लेखा गोरों सुबुंफोरनि गोसोआव हारिखौ लानानै सानखांनाय फैदोंमोन। गावनि राव, दोहोरोम, समाज आरो हारिमुखौ लानानै मोनसे हारियारि सांग्रांथि जाखांदोंमोन, समाजखौ फोसाबनानै सोलौंथाय आरो खौसेथिनि हेफाजाबै हारिखौ फिन खेबसेबाव बहुमाव गेरेमसा महरै दाफिन्नायनि।

गबुन रावै बुंनो थाडोब्ला सुथि मोनखांरोडि बर'फोरनि गेजेराव मोनसे हारियारि सांग्रांथि एबा हारियारि जावरिखांनाया जागायजेन्ना होमो। हारिनि गेजेराव बै समाव नुजाथिनाय समाजारि सांग्रांथियानो दोहोरोमारि सोमावसारनायजों लोगोसे गोदान-गोदान हारियारि आफादफोरनि जोनोम जाहोदोंमोन जाय गोबां समाज फोसाबनायजों लोगोसे हारिखौ दाफामफिन्नायनि बाथ्राफोर सानखांहोदोंमोन। बेफोरनि गेजेराव गुरुदेब कालिचरण ब्रह्मनि दोहोरोमारि सोमावसारनाय लाबोनायानो बयनिखुइबो सिगांसिन नाजानायमोन। बेजों लोगोसेनो गुबुन-गुबुन हारियारि आफाद आरो लाइसिफोरा फारि-फारियै जोनोम जाबोदोंमोन। गोदानै जोनोम मोन्नाय हारियारि आफादफोरा लाइसिनि हेफाजाबै थुनलाइ सोरजिनानै हारियारि सांग्रांथि लाबोनायनि गोबां हाबा मावदोंमोन। बर' समाज आरो हारिनि थाखाय बेयो मोनसे गोदान जारिमिनारि मुगानि जागायजेन्नाय होन्नानै बुंनो हायो।

बर' हारिखौ फोसाबनो थाखाय बै समाव मोनै बिथुन सोलिदोंमोन। मोनसेया जादों दोहोरोमारि सोमावसारनाय आरो नैथिया जादों गुबुन-गुबुन हारियारि आफादफोर दानानै हारिनि गेजेराव सांग्रांथि लाबोनाय।

**दोहोरोमारि सोमावसारनाय:** बर'फोरनि दोहोरोमारि सोमावसारनाया जागायजेनदोंमोन इं 1906 माइथाइयाव जेब्ला गुरुदेब कालिचरण ब्रह्म बिथाड बर'फोरनि गेजेराव ब्रह्म धोरोमखौ फोसावजेनदोंमोन। बिथानि गुबै थांखियानो जादोंमोन दोहोरोमनि हेफाजाबै गुलाय-गुजाय जानाय बर' समाजखौ फोसाबनानै खौसेथियाव लाबोनाय आरो मुगैजानायनिफ्राय रैखाथि होनाय। बै समनि बर'फोरनि गेजेराव नुजाथिनाय माहारियारि गुलाय-गुजाय, मुगैजानाय आरो गुबुन धोरोमाव बारस्लायलानायखौ हमथानायनि मोनसे गोख्रों हाथियार महरै ब्रह्म धोरोमखौ फोसावनाय जादोंमोन आरो बेनो बर' समाजनि माखासे इसिडारि हारिमुवाव सोलायनायनि गुथाल लाबोजेनदोंमोन। मानोना गुबुन दोहोरोमाव बारस्लायलानाय बर'फोरा गावनि हारि, राव आरो हारिमुखौ थारलायै नागारनानै गुबुननि हारि, राव आरो दोहोरोमखौ बोजबनानै लाहैदोंमोन। नाथाय ब्रह्म दोहोरोमखौ नाजावनाय बर'फोरा बर' हारियावनो थानानै समाज आरो हारिमुखौ सोदांनायनि राहा लादोंमोन। आरो बे सोदांनायानो जोंनि हारिमु सोलायनायनि गुथाल लाबोजेनदोंमोन। बै समाव बर' समाजाव सोलिनाय हारिनि गाजि आसारखान्थि, जानाय-लौनाय, दोहोरोमनि मुडै गोबां

जिब-जुनार बोलि होनाय, जौ लॉना गोदोनानै थानाय, अमा फिसिनाय बायदिसिना अगेन हुदाफोरा हारिनि सिलिंखार आरो फोजोबस्त्रानाय लाबोदोमोन। ब्रह्म धोरोमाव बेफोरनि हेंथायै गोखोडै गसंथानानै फोजोबस्त्रानायनि राहा लामा लादोमोन।

बर'फोरनि दोहोरोमनि बिथिडव बै समनि थाखाय बेयो जौनि मोनसे alternate way मोन जायखौ बै समनि बर'फोरा नायगिरदोमोन। आरो जायफोर बर' हारिनि बाथौ धोरोमजों सरजाबफानानै थानाय माखासे बारगा गाजि नेमखान्थिफोरखौ लानानै हारिनि फारसे मुगैखानानै दडमोन बिथांमोना ब्रह्म धोरोमखौ नाजावनानै लायो। बेबादिनो दोहोरोम आरो हारिमुनि गुबुन-गुबुन बिथिडव हिन्दुनि गोबां नेमखान्थिफरा बर'फोरनि गेजेराव हाबफैजेन्नायनि खाबु मोनो। हम जैग्य होनानै आनान गसाइ अबंलावरिखौ फुजिनायजों लोगोसेनो समाजनि गासैबो हाबा-हुखा, फुजा-फोरबो, मागो-पुरनिमा, दौल जाश्रा बायदिफोरखौ आवाथि सावनानै फुजिनाय नेमखान्थिया हाबफैजेनो। समाजनि बायदिसिना हाबा-हुखाफोरखौ जौ-अमानि सोलायै साहा-सिनि, मिथाय बायदिसिनाफोरजों खुंफुंनयनि नेमखान्थि दानानै होयो। बेफोर नेमखान्थिफोरखौ ब्रह्म दोहोरोमारि बर'फोरनि गेजेरावल' दानानै होदोमोनब्लाबो लासैनो गासै बर'फोरनि गेजेराव माखासे नेमफोरखौ गोसारदलालानाय नुनो मोनो। आथिखालाव हाबानि समाव साहा-सिनिजों बिबान लांनय साहा-मुरि, गय-फाथै होनाया बेनिनो मोनसे बिदिन्थि आरो बेखौ आथिखालाव गासै बर'फोरनि गेजेरावनो नुनो मोननाय जायो।

गुरुदेब कालिचरण बिथानि मावनाय हाबा-हुखाफोरा दोहोरोम फोसावनायावल' थाबथानानै थायाखैमोन। समाज फोसावनायजों लोगोसेनो सोलेंथाय गोसारहोनाय फरायसालि गायसन्नायनि बायदिसिना खामानिफोरखौबो बिथाड गोसो होथावनानै मावलांदोमोन। थारैनो बै समनि गुलाय-गुजाय जानाय बर' समाजखौ फोसावनो आरो खौसेथियाव लाबोनो थाखाय बिथांड ब्रह्म धोरोम सिबियारिफोरनि गेजेराव गोदान सिबिखान्थि आरो नेमखान्थिफोर दानानै होदोमोन। जेराव गोजाम समाजनि गाजि हुदाफोरखौ फोसावनानै गोदानै जिउ खुंनयनि लामा दिन्थिनानै होदोमोन। 'बर'नि पाण्डुलिपि' आरो 'खामानि नेम' बायदि बिजाबफोराव जों बेफोरनि सोमोन्दै मोन्नो हायो।

बेबादिनो बर'नि गोजाम दोहोरोमारि फुजिनाय हारिमुवाव मोनसे आरोबाव सोलायनाय खान्थिया नुजाफैदोमोन

इं 1955 माइथाइयाव। बे गोदान खान्थिखौ लाबोनानै होफैदोमोन मुस्त्रि जयनारायण बसुमतारिया। बिथाड सासे ब्रह्म धोरोमनि सिबियारिमोनब्लाबो इं 1955 माइथायनि 26 जानुवारियाव दिल्लीनि गनतनत्र दिबसआव गाव फोरोंनानै लांनय बर'नि खेराइ-कृस्त्रिखौ दिन्थिफुंनानै फेनायनि उनावनो ब्रह्म धोरोमनि फारसे गोसो गोयै जालांदोमोन। बर' हारि, हारिमु आरो बाथौनि गेजेराव थानाय गोथौ सोमोन्दोखौ मोन्दानानै, बाथौ दोहोरोमानोदि बर' हारिमुनि गुबै सिनस्त्रि बे बाथ्राखौ बिथाड सानखानो हादोमोन। बेनिखायनो हारिमुखौ जुगामियै फोथानानै लाखिनो थाखाय बाथौखौनो फोसावनानै लानो थाखाय इं 1955 माइथायाव बिबार बाथौ दोहोरोमखौ गाइसनजेनो। बै समनिफ्रायनो बाथौ दोहोरोमाव बिबार-प्रसाद आरो फिथाइ-सामथाइफोर होनानै बावनायनि नेमखान्थिया जागायजेन्नो हमो। बाथौजों सोमोन्दो गोनां दोहोरोमारि फोरबो-खेराइ, गारजा, समाजारि हाबा-हुखा, आसारखान्थिफोराव गोबां सोलायनाय नुजाथिफैयो। खेराइ-गारजाखौ बिबारजों बावनाय, अरायजोर (permanent) थानसालि एबा मन्दिर लुनाय, बाथौ मन्दिराव जुलि होनाय, बायदिसिना हुदाया बर'नि दोहोरोम आरो समाजाव हाबफैयो।

सुबुं दोहोरोम महरै सिनायथि मोनबोनाय बाथौवाव दोहोरोम बिजाब लिरनाय, मन्दिर एबा थानसालि लुनाय, दोहोरोमनि सायाव सरसा खालामनाय हुदाया बर'नि जारिमिनाव गिबियै जागायजेन्नो हमो। 'बर'नि बाथौ धोरोम बिजाब' (दिहुनगानै इं 1977, दिहुनगिबि माइथायखौ मोन्नाय जायाखै) आनो बाथौ दोहोरोम, खेराइ, गारजा आरो फुजिनायनि मोनथोरफोरखौ लानानै लिरनाय बर'नि गिबिसिनि बिजाब। इं 1955 माइथायाव गंसे मन्दिर गाइसनजेनो आरो आबुडै लुफुंनयनि उनाव 1977 माइथाइयाव बे मन्दिरखौ बेखेवजेन्नाय जायो। बेनो बर'नि जारिमिनाव गिबिसिनै जोनोम मोन्नाय बाथौ मन्दिर। बै समनिफ्रायनो बर'फोरनि बाथौ दोहोरोम सिबिखान्थियाव मन्दिर लुनायनि हुदाया जागायजेनो आरो लासैनो बर' हारिमुवाव गुवारै गेवसारनो खाबु मोनो।

बेबादिनो बिथानि नाजानायावनो बाथौ दोहोरोमखौ फोसावनाय आरो फोसावनायनि हाबाया जागायजेनो। आसामनि ग'वालपारा, दरं, कामरुप, लक्षिमपुर, कार्बि आंलं, ग'लाघाट, शिब'सागर आरो सोनाब बेंगलनि गुबुन-गुबुन जायगाफोराव थानानै बिथाड गावनि बिबार बाथौ दोहोरोमखौ फोसावहैयो। इं 1984-85 माइथाइयाव बे दोहोरोमारि आफादआ "नाइगाव

सिब' बाथौ आफाद" मुडै रेजिस्टर जायो ।

मुंखजाथावदि, ई 1992 माइथायनि 16 मे खालाराव बे बिबार बाथौ दोहोरोमनिफ्रायनो दालाइ गावस्नानानै आरोबाव मोनसे All Bathou Religious Union (ABRU) मुंनि गोदान आफाद एबा गौथुम जोनोम जायो । गोजाम बोलि खान्थिखौ एंगारनानै आर'ज मेथाइनि हेफाजाबै बिबार-प्रसाद, फिथाइ-सामथाइ होनानै बोराइ बाथौखौ फुजिनायानो बे दोहोरोमनि गुबै थांखिमोन । दुलाराय आसामनाडै बर'फोरनि गेजेराव मोनफ्रोम जिला आरो ओनसोलजों लोगोसे गंफ्रोमबो गामिफोराव गंफा गंफा बाथौ थानसालि एबा सिबिसालि गाइसन्नानै आर'ज गाबनानै बाथौ फुजिनायनि मोनसे खान्थि दायो आरो सफथानि मोनफ्रोम गोथार मंगलबाराव ओनसोल एबा गामिनि थानसालियाव जथुमनानै बयबो बाथौ आर'ज गाबनाया बर'नि हारिमुवाव फैजेनो । बे हुदाया बर'फोरनि थाखाय मोनसे गोदान दोहोरोमारि खान्थि । बेयो बर'फोरनि दोरोडारि दोहोरोम सिबिखान्थियावलदि सोलायनाय लाबोदों बे नड । बर'नि जोनोम, हाबा, गोथै गारनाय आरो गुबुन-गुबन समाजारि हाबा-हुखाफोरावबो दोरोडारि दामजुनि हेफाजाबै फिरि-फिरि मोनसेनि उनाव मोनसे आर'ज मेथाइ खन्नानै खुंफुनायनि मोनसे गोदान खान्थि बर' समाजाव होफैदों जाय गासै इसिडारि हारिमुवावनो गोदान आरो सोलायनायनि दाहार लाबोदों हादों । बे दोहोरोमारि सोमावसारनायानो बर'फोरनि गेजेराव गोख्रोंसिन महर मोन्नो हायो आरो मिरु आफादनि नाजानायाव आथिखालाव गुवारै गोसारबाय आरो आसामजों लोगोसे बेंगल, नेपाल बायदि हादरफोराव थानानै गोदान बाथौ दोहोरोमनि फुजिखान्थिफोरखौ फोसावनानै बर'नि बाथौ दोहोरोमआरि खौसेथि लाबोनो नाजानाय नुनो मोनो । आथिखालाव मागो दाननि नैथि मंगलबारखौ गोथार बाथौ सान हिसाबै फालिनाय जायो आरो 2016 माइथाइनिफ्राय बि.टि.सि. सरकारा बे सानखौ बन्द सान हिसाबै फालिबोदों । ई 2018 मायथाइनिफ्राय आसाम सरकाराबो बे सानखौ मोनसे State Holiday महैरै फोसावनाय जायो ।

**हारियारि आफादफोरनि जोनोम जानाय:** बर'नि गेजेराव बै समाव जोनोम मोन्नाय हारियारि आफादफोरा हारिनि अल'खद थासारिखौ मोन्दानानै समाज फोसावनायनि

हेफाजाबै हारियाव खौसेथि आरो सांग्रांथि लाबोनो नाजादोंमोन । बे बिथिंडाव ई 1912 माइथाइयाव जोनोम मोन्नाय बर'नि गिबिसिन आफाद "हावराघाट बर' सन्मिलनी" नि बाथ्राखौ मुंख'नो हायो । आफादनि हेफाजाबै दिहुनजानाय "बर'नि फिसा अ' आयेन" मुंनि बिजाबाव बै समाव बर'नि दोहोरोम आरो समाजखौ



फोसाबस्त्रांनो थाखाय लानाय माखासे थांखि आरो हाबाफारिफोरा रोखा-रोखायै बेरखांनानै दड' । बिजाबखौ फरायोब्ला जों एरैबादि मोन्दानो हायोदि जेन बे आफादा बै समनि बर' हारिखौ फोजाखांनोसो नाजादोंमोन । बेवहाय बर'नि दोहोरोम आरो समाजनि माखासे गेना-गोरोन्थि एबा गात्रि हुदाफोरखौ फोजोबस्त्रांनानै हारिखौ थार सोरांनि लामाजों दैदेनलांनो थाखाय बोसोनथि आरो राहा-लामा लानाय नुनो मोनो । बेल' नड बिथांमोना बर'फोरनि गेजेराव सोलोंथाय





गोसारहोनो थाखायबो थांखि लानाय जादोंमोन । बे थांखियानो जाबाय सबा-समिथि दानानै मोनसे systematic fund नि हेफाजाबै आंखालाव गोलैनाय गोरिब नख'रनि फरायसाफोरनो फरायनो थाखाय रांनि अनसुंथाय होनाय आरो सोरबाफोर रांनि आंखालाव गोलैनाय हारिनि सोमोन्दै लिरनाय बिजाबफोरखौ साफायनानै दिहुन्नो हायाखैब्ला बेखौ सेबखानानै दिहुन्नो थाखाय रांनि हेफाब होनाय ।

इं 1919 मायथाइयाव जोनोम मोन्नाय “बर’ सत्र सन्मिलनी”आबो लाइसि दिहुन्नानै हारिनि राव आरो थुनलाइ जौगानायनि हाबा मावदोंमोन । इं 1924 माइथाइयाव आफादनि खुगा लाइसि महरै जोनोम मोन्नाय बिबारा थुनलाइयारि सोरजिफोरनि हेफाजाबै बर’ हारिनि सुबुंफोरनि गेजेराव हारियारि सांग्रांथि लाबोनो नाजानाय नुनो मोनो । बिबार लाइसियाव नुजानाय बिथांमोन्नि गोबां खन्थाइ आरो रायथाइ सोरजिफोरनो हारिखौ लानानै लिरनायमोन । बिबारनि उनाव अलंबार, हाथरखि-हाला आरो गोबां लाइसिफोरा जोनोम मोनो जेराव थुनलाइनि हेफाजाबै हारि फोजाखानाय आरो खौसेथि लाबोनो नाजानायनि सानस्रि बेरखानाय नुनो मोनो ।

बेबादिनो बर’फोरनि गेजेराव इं 1950 माइथाइयाव बर’ लिटारेरि क्लाब आरो बर’नि अनसाइ आफादआ जोनोम मोनो जाय बर’नि हारिमु, राव आरो थुनलाइखौ फोथानानै लाखिनायनि थाखाय हाबा मावदोंमोन । इं 1952 माइथाइनि 16 नबेम्बरव बर’ थुनलाइ आफादा जोनोम मोनो । बे आफादनि नाजानायावनो बर’ राव आरो थुनलाइनि हाबाफोरा गोबां जौगानो हायो । हांखोनि जेंनानिफ्राय लानानै फरायसालियाव बिजों महरै गायसन्नाइसिम बर’ थुनलाइनि बिहोमाया मुखजाथाव । दिनैसिम बर’फोरनि गेजेराव मोनसेनि उनाव मोनसे गोबां हारियारि आरो राजखान्थियारि आफादफोर जोनोम जाबोबाय जायफोर हारिनि सायाव हाबा मावनानै गोबां बिहोमा होबोनो हादों । मोनसे समाज आरो हारिनि सोलायनाया सानसेयावनो जोनोम मोन्नाय बेसाद नड । बेयो मोनसे फारिखान्थि जाय गोबाव समनिफ्राय खोलोबै खोलोब evolution नि गेजेरजों जौनि समाजाव नुजायो बयनिबो अब’दान एबा बिहोमाजों ।

दिनै जों बर’ फोरनि आगुनि दोहोरुम आरो समाज होन्नानै बुडोब्ला नैजि जौथायनि सिगांनि बाथ्राफोरखौ रोखा-रोखायै मोनथिनो हानाय जाया । मानोना बर’ फोरनि गेजेराव जेबो लिरनायनि सोमोन्दै बिजाबफोर मोन्नाय जायामोन । खृष्ट्यन

मिसनारिफोरा इं 1826 माइथाइनि इयाण्डाबु गोरोबथानि उनाव आसामाव हाबफैनायनिफ्राय बर’फोरनि सल’बाथाफोरखौ बुरखानानै एफा एनै लिरलांदोंमोनब्लाबो बर’ समाजनि रोखा लिरथाय जेबो मोन्नो हानाय जाया । बेनिखायनो बर’ समाजनि बागै रोखा लिरनायनि बाथ्रा बुंब्ला इं 1915 माइथाइनिफ्रायसो मोन्नाय जायो । बेनि सिगां बर’ समाजा मामोन बेखौ रोखायै मोनथिनाय जाया ।\*

## जिउनि जोबथा बुब्लिसिम्बो

आलेरा बर’

आं अनबाय थागोन नोंखौनो  
गोसो मोदोम जिउ होसोमना....  
आं हास्थायबाय थागोन नोंखौनो  
अराय, नोंखौ मोनथारगोननि मिजिं  
लाना  
जिउनि सानसुथिर समाव आंनि  
साया महरै नोंखौनो आं  
हांख्राइबाय थागोन....  
आं मोजां मोनबाय थागोन रजे नोंखौ  
गोर्बो बिखाजों, बे जोनोमाव  
नडब्लाबो फैगौ’ जोनोमाव  
नोंजोंनो गोजोनै संसार जानो आं  
आरज’ गाबगोन....  
आं नाजागोन अराय नोंखौनो  
आंनि आंगो खालामनो, जिउ  
जोबजासिम नोंखौनो आं  
हास्थायगोन जिउयै माहामै....  
आं नेनानै थागोन रजे जोनोम-जोनोम  
नोंखौनो इसोरनाव बिबाय  
थागोन....  
गोर्बोनि अन्नायखौ नोंनो बिलायना  
जिउनि जोबथा बुब्लिसिम्बो नोंखौनो  
मोजां मोनबाय थागोन अराय  
गोर्बो बिखाजों ॥



# Are we prepared for JOBS?

**Ranjan K Baruah**

The common point of worry for any student is getting a job after finishing college or university. Well, jobs are not merely joining the government departments or agencies or institutes but there are many other options in the private sectors, corporate or even opportunity to be self employed. Are we ready for a job is the key concern? Most of us are not very much familiar with many things when it comes to recruitment drives by corporate or any other private players.

Recently there was a recruitment drive by Air India SATS Airport Services Private Limited at Kokrajhar where many students participated and few have been able to get selected for different positions. This was one of the largest drives for the aviation industry where aspirants from different parts have participated. I would like to mention a few basic required preparations by aspirants to be selected through this kind of process.

One of the important things is to have our Curriculum Vitae (CV) which is like Bio Data or Resume ready with us once we join college. It may be short but the best part is to make a CV and keep it ready with us. Every alternate semester or year we can modify and update our CV. The term curriculum vitae and its abbreviation, CV, are also used especially in academia to refer to extensive or even complete summaries of a person's career, qualifications, and education, including publications and other



information. We are more familiar with Bio Data than CV but it is preferable to start making one's CV from college days.

Let us not get confused with these terms like CV or resume as I have seen that many students are not aware of these terms. CV, resume and biodata are considered highly important for finding jobs as they represent one individual before aspirants are short listed. When looking for jobs, applicants submit these professional documents, which may enhance probabilities of getting shortlisted and hired. It is good for aspirants to understand the difference so that they can prepare their documents accordingly. A CV is more detailed than a resume. Biodata is a detailed document that provides a comprehensive summary of a candidate's life along with career information. Resumes are more of an overview of a candidate's career. We shall publish more on making effective CV in our forthcoming editions.

Initially group discussions (GD) are being held before taking personal interviews for selecting for jobs. GD is a type of discussion that involves people sharing thoughts, understanding, ideas or activities. People in the group discussion are connected with one basic idea or one common topic and based on that idea or topic, everyone in the group represents his/her perspective. Topics are given on the spot mostly which are generally common topics or topics related to current affairs or any other important topic. Recruiters look for the confidence level of the aspirants when they are in the group and how they are presenting

on the topic. Aspirants who are confident and put forward their ideas or thoughts actively are generally short listed for the personal interview or one to one interview.

Aspirants who are short listed through the GD are invited for the personal interview. A Personal Interview (PI) is a meeting organized by a recruiter in which he evaluates a potential employee for prospective employment. This may be one to one or sometimes a panel of experts taking interviews of one individual. Generally

basic questions are asked to analyze the candidates. After PI is done short listed candidates are announced by the recruiters on the spot or after a few days.



Aspirants appearing in personal interviews or participating in group

discussion must remember that they wear formal dress. Though there is no exact dress code, casual dresses must be avoided and more focus must be on formal dresses. Formal dresses are applicable for boys and girls. Apart from dress it is important to have proper hair cut and others like for boys proper shaving or trimming is good. Access of jewellery should be avoided and one must be careful while using any fragrances.

Graduates or final year students may prepare themselves for this kind of placement drives which are held in different locations and places. Apart from the qualification, one of the important skills is communication in English. One should be able to communicate effectively and confidently in English. Most of our aspirants do not qualify in GD as they

are not confident in English. Let us all prepare and learn different languages if we want to get quick jobs after our studies. More emphasis can be put on communication through English. Communication does not mean that one must be an expert in that language but it is important that an aspirant must be able to communicate in English. For preparing for jobs, aspirants may browse the internet and find information related to preparation.

One of the areas of concern is to get rid of frauds who promise to give jobs and run away after taking money. Aspirants must be careful from different agencies or individuals who promise to give jobs or placement against money. We hear paying bribes or advance money for getting jobs even in private sectors. This practice must be stopped and aspirants must trust their qualification, talents and skill instead of any short cut means like bribes or advance money. Aspirants must look at the credibility of placement agencies before registering with them to avoid inconvenience in future.

Aspirants may start preparing from the day you are in college for recruitment or placement else things might be a little late. One may use the internet and see videos and mock sessions online to get more ideas about this kind of interview process. There are many articles available online and offline which give ideas to aspirants. Let us not only focus on government jobs and waste some time as we can prepare for both if planned well. We should remember that all of us are not going to get government jobs and hence the best thing is to keep preparing for campus placement or other placement drives so that we get placement ahead of our peers.

*(Ranjan K Baruah is a career mentor, skill trainer, motivational speaker and can be reached at [bkranjan@gmail.com](mailto:bkranjan@gmail.com) or 8473943734 for any career related queries)*

## गावखौ...गावनि थाखाय

धिर्ज्य ज्योति बसुमतारी

सिमांखौ सुजुनायनि उनाव जिउखौ समाइना खालामनोब्ला  
मुलुगनि गोथां मुस्त्रिखौ गावनि गोरबोआव फज'नानै दोन

नाथाय

बालाहामायावबो जिउनि फिथिखा मोनलोडे  
गैयामोनब्ला....बेदुइनफोरा मेथाइ रोजाबनो रॉनाय नडमोन

नैबे फंसे बाश्रायाबो सैथो दे लोगोफोर

गावखौ फोथाइनाया जिउनि बैथा

बे बैथायानो नॉनि बराद

आरो बे बरादानो नॉनि थांनाय-थैनाय

जों बयबो मिथिगौ

जॉनि जिउफोरा दा जाननुनि फैसालियाव

हाबलाय ओंखारलाय खालामनो हायो

गोरबोनि रावफोरा जानबुंनि बेन्दोंजों मानबायलांनो हायो

आरो सोलेरफोरा थं गोमायो

बेनिखायनोथ' बुंदों

जेसेबां हायो

फोथाय गावखौ

सिनाय गावखौ

गावनि खालाम मुलुगखौ...



# निखाउरि मोदाइ आरो राजखान्थियारि दैदेनगिरिफोरनि बिफाव

## रत्नेस्वर बसुमतारी

सिरां जिल्लानि टुक्राझार जौसिन फरायसालिनि जि थाखोनि मेलेमगोनां फरायसा सुबुंसार नार्जारिया गावबागावनि बारहांनो लानाय जिउखौ फोजोबस्त्रांना लानाया आंखौ जोबोर गोथौयै दुखुमोनहोनायनि अनगायैबो सरकारारि खुंथाइ बिदाथि आरो सुबुं समाजनि बागै रागाजोंखानाय आरो रायखानो गोनां खालामदों। बे जाथाया जोबोद साननोगोनां आरो बिजरना नायनोगोनां दि भारता उदांसि जानायनि बोसोर स्त्रिजि बारलांनाय उनावबो भारतारि सुबुं समाजाव दुखिया निखावरि सुबुंनि अनजिमाया खमायलाडखै बारायलांदोंसो। फंसे बाथ्रायाव बुंनो थाडेब्ला जौसेनि स्त्रिजि बाहागोआनो दुखिया निखाउरि थाखोनि।


जों बयबो मिथिगौदि बयबो मानसिनोनां थांना थानोब्ला मोजोमसे ओंखाम, जिख्लाबसे सि आरो अखा सान्दुंनिफ्राय रैखा मोननो न'-बां नांथारगौ जायो। नाथाय साननोगोनां बाथ्रायानो जाबाय जौनि भारत हादरावबो सुबुं हामलायहोग्रा सरकार थासेयावबो समाजनि गासै थाखोनि गुबैयै लोरबां दुखिया थाखोनि जायखिजाया हारि-हारिसा सुबुं समाजनि मानसियानो जेरैबो जेथिंबो दावगालांनायनि खाबु एबा सुबिदाफोरखौ मोनजोबनो हायाखै। बिदि लोरबां निखाउरि थाखोनि फरायसाफोरा आथिखालाव

सोलोंथाइ लानो हाथाव कम्पिउटार, लेपटप, इन्टारनेट, स्मार्ट म'बाइल आरिनि आंखालावबो दिनैनि सोलोंथाइ लानो हाथाव राहाफोरखौ रां-रुफानि आंखालाव लानो हाथाव। बेराफार्सेथिं भारत सरकारा हादरनि बयबो गथ'-गथाइनो सोलोंथाइ लानो हानाय मोन्थाइनि खोथा फोस्त्रावबोदों। नाथाय मोगथाडव बे थांखिखौ जाफुंहोनो हायाखै।

दिनै गासै बुहुमनां कर'ना भाइरासा गाग्लोबनायनि जाउनाव हाजार-हाजार, लाख-लाख मानसिफोरनिल अब'थिरा जिउ जोबलांनाय उनाव बे गिथाव-बाथाव बेरामनिफ्राय बारग'होनो थाखाय लकडाउन होनाय लोगो-लोगो फालांगि-फसंथान, बेसाद दिहुननाय, फाननाय-बायनाय कारबारफोरा बन्द' जालांनायनि जाउनाव रांखान्थिनि मन्दा बिथाथि जाबोदों। लोगोसे स्कुल, कलेज, इडनिभारसिटिफोरखौबो बन्द' खालामना लाखिनो गोनां जानायाव फरायसाफोरा समनि सोलोंथाइ लाना दावगालांनायाव जेरैबो-जेथिंबो हेंथा सोमजिनयाव सुख'नो हाथावि खहा जाबोदों। फंसे बाथ्रायाव बुंनो थाडेब्ला गासै थाखोनि आरो पेसानि सुबुंफोरानो गावबागावनि पेसा मथै मावना जानो मोनैयाव होरलां-होरथां जानो गोनां जादोंसै। बे सुखुथावि-गोजोनथावि थासारिनि मोगा-मोगि जानोगोनां जानायाव बे गिथाव-बाथाव कर'ना

भाइरासजों जुजिनोब्ला आरो बेनि गाग्लोबनायनिफ्राय बारग'नोब्ला खुगा गन्थं खोबथेनाय मास्क गाननाय, ससियेल डिसेट्ट मानिनाय, सेनिटाइजर खालामनाय राहानि अनगायै मोनबो राहा गैथारा। लोगोसे गावबागावि सोलेरनि बेराम होबथाहानाय गोहो (Immunity) बांहोनो बायदिसिना जानाय आदारफोरखौ हाजासे जानाय लोगोसे 'Yoga' खालामनाय सर' खालामना गावखौनो सोलोरारि, गोसोयारि, दोहोरोमारि गोहोगोरा साबजाथाव-हामजाथाव खालामना बे बेरामनि गाग्लोबनायनिफ्राय बारग'नायनि थार राहा।

दानिया फैनोसै फरायसा सुबुंसारो गोदनायाव दौलें होनानै अबथिरा



थैलानोगोनां जानायनि थाखाय सिगांग्रो बिमा-बिफाया लोगोसे नखरनि मानसिफोरखौ दायनिगिरि खालामथाव। बेनि उनाव जाय फरायसालियाव फरायसाया फरायोमोन बे फरायसालिनि फोरोंगिरिफोरा गाहाइयै गाहाइ फोरोंगिरि/गोरायुं, गामिनि दैदेनगिरिफोर, रां-रुफा गोनां मानसिफोर आरो जोबथारनायाव सरकार थामहिनबा बि.टि.ए.दि./बि.टि.सि.नि गाहाइ हाग्रामा महिलारिखौ हमफाना गासै इ.एम.आरो एम.सि.एल.ए. लोगोसे बर' एम.एल.ए., एम.पि.आरो साथाम आसाम सरकारनि मन्थिफोरा गावबागावखौ सुबुंसारआ थैनोगोनां सोमजिखानाय बिथाथिनि थाखाय दायनिगिरि होनना सिमान लायोब्ला इयुनालागि सुबुंसार बादि गैजारोडि दुखुया निखाउरि नख'रनि रावबो मेलेमगोनां फरायसाया थानो-जानो, न'-बां आरो रां रुफानि आंखालाव अबथिरायै गावनि जिउखौ फोजोबस्ताना लानो गोनां जानाय नड।आं रावखौबो दायनिगिरि खालामनो लुबैयाखै। नाथाय समाजाव थानाय साफ्रोमबो सुबुनि बागै जों साफ्रोमबो नोगोरारिहा थानाय बिबान आरो मावनांगौ हाबानि खोथाखौसो सांग्रां खालामनो आरो बुंथिनो नागिरनो थानायावसो दायनि खोथाखौ अजद दैखानोगोनां जादें।

गिबियावनो सुबुंसारनि बिमा-बिफाखौ जों दायनिगिरि होनना बुंग्रोनां नांगोन मानो होनोब्ला जुलि लाल्ला' जानाय नड, जुलिनि उनाव जोनोम होनाय गथ'-गथायखौ मोजाडै जाहोनो-लौहोनो, गानहोनो-जोमहोनो हानांगोन। थुखैयै-लोबै गेदेर-गोलाव खालामना उन्दै बैसोनिफ्राय गथ'-गथाइनि सावस्त्रिखौ गोगो देहानि साबखांहोनाय, फरायसालियाव फरायहोनायाव जोबोद सांग्रां लानाय, जोथोन लानाया साफ्रोमबो बिमा-बिफानिनो गिलिर बिबान। बेफोरनि थाखाय नख'रनि रांखान्थियारि बिथाथिखौ जेरै हागौ गोगोम आरो साबखांहोनो नाजानाया बिमा-बिफानि मावनांगौ बिबाना गिलिरखा। मानोना रांखान्थियारि बिथाथिया मोजां नडब्ला गथ' गथाइखौ सोलोंथाय लाहोनायाव थोजासे रांखाउरिनि गोनांथि जाहैयो। जों नुनो मोनो गोबां नखरनि बिमा-बिफाया एबा बिगुमाफोरानो इउनाव जानो गोनां बेराम-खामाराव आरो गथ'-गथाइनि सोलोंथाय लानायाव गोनां जाहैनो हानाय रां रुफाखौ मोनस'नो रां दोन्थुमनो हाथाव समाव गरसेबो फैसा दोनथुमलाडियाव थामहिनबा नायै-बेदरै, जौयै जाजोबनायाव एबा दाउबफोरबादि जेसेनो मोनो एसेनो उदै बुगार-बुगार जानाय आखलनि थाखायनो गोबां बर' नख'रानो रां-रुफा गैजारोडै जानाडे। बिदिखायनो आथिखालाव अनलाइनजों

सोलोंथाइ लानो आरो आन्जाद होनो बाहायनाय राहाफोरखौ जेरै-कम्पउटार, लेपटप, एनड्रइड स्मार्ट पन आरिखौ गावबागावनि गथ'-गथायनो जगायनो हायाखै। मानोना बेफोर बेसाद बायनो रोजा-रोजा गोबां रांनि गोनांथि जायो। गुबैयै स्मार्ट मबाइलनि बेसेना खमैबो 7-8 रोजा रां नडब्ला बायनो हाया। बिदिब्ला सुबुंसारनि बादि दुखिया न'खरनि बिमा-बिफाया जायहा बायहं-जिहं न'-बां,बिदि बोथिसे जाना बोथिसे रानना थानाय बिगुमाया बोरै, मा राहाजों एसेबां रोजा-रोजा रां खरसा खालामना बायनो हालायखो? हागौमोन बिमा-बिफाया आं गोजौआव बुंबोनाय बादि रां बुथुमनाय-दोनथुमनायाव सांग्रां आरो सोलोगोरा जानायमोनब्ला। दिनैनि मुगायाव 7 रोजा रांनि स्मार्टपन होना सुबुंसार बायसा मेलेमगोनांथार फरायसाखौ नख'रा आरो समाजा बेसेनगोनां सुबुडरि सम्पद हिसाबै मोननो हागौमोन। नाथाय मेलेमगोनां-बेसेनगोनां सुबुंसारखौ जों सानस'ना मोन्दाडसै। बेनिखायनो जों सुबुंसारा फरायनाय टुक्राझार जौसिन फरायसालिनि मेनेजिं कमिटि फोरोंगिरिफोरखौ जों गुबैयै फरायसालिनि गाहाइ फोरोंगिरि गोरायुं बिथांमोनखौ जों जौनि नोजोराव बांसिन दायनिगिरि होनना बुंथारनांगोन। फरायसालिनिनो सोरबा सासे फोरोंगिरिया मिडियायाव बुंफोरनाय नुदोंमोन। बिथाड बुंनाय बादिब्ला सुबुंसारा मेलेमगोनां (Meritorius) फरायसामोन। बोसोरारि आन्जादफोरा 70% निफ्राय 80% पार्सेन्टनिबो बारा नम्बर मोनबोनाय खोथाखौ फोरमायदोंमोन।

गोजौआव बुंथिनाय फोरोंगिरिनि खोथाखौ खोनानाय लोगो-लोगो गोबां बाथ्राया आनि गोसोआव जाखाफैदोंमोन। बेफोरनि मादाव गुबै खोथायानोमोन आथिखालाव जों बयबो मिथिखागौदि सरकारि फरायसालियावनो जा, प्राइभेट फरायसालियावनो जा फरायसालिखौ मुंदांखा खालामनो जुनै जा फोरोंगिरिफोरा फरायसाफोरखौ बायदिसिना लामा दिन्थिनायजों, बोसोन होनायजों जोबोद मदद आरो गाइद होनाय नुनो मोनो। बिदियाव सोरबा जोबोर मेलेमगोनां फरायनायाव गोसो मोदोम होसोमना नाजानाय फरायसाफोरखौ माल्लाबा एखुथिया जोथोन लानायबो नुनो मोनो। जोबोर मेलेम गोनां दुखुथिया सुबुंसार बायसा नायल'-जाल' फरायसा सासेखौ बियो फरायनाय फरायसालिनि फोरोंगिरिफोरनि मादाव हेडमास्टाराबो अनलाइनजों सोलोंथाइ लानाय आरो अनलाइनजों आन्जाद होनो स्मार्टपन जगायना होनो हायैया बै टुक्राझार जौसिन फरायसालिनि थाखायल' दुखुनांथाव-

लाजिथाव नड, दुलाराय बर' हारिनि थाखायनो दुखुनांथाव आरो लाजिथाव खोथा।

रां-रुफायाल' गेदेर नड सुबुं सम्पदासो बांसिन बेसेन गोनां। फंसे बाश्रायाव सुबुं सम्पदखौ रांजोंबो बायना मोना। जोंनि नोजोराव टुक्राझार फरायसालिनि मेनेजिं कमिटि आरो फोरोंगिरिफोरा फरायसा समाजनि बागै फोरोंगुरु हिसाबै गावसोरनि बिबानखौ गोसो-गोथारै बानस'नायमोनब्ला बिदि जाथाया जाखाडमोन बुंजायो। रावबो नडब्लाबो स्कुलनि गाहाइ फोरोंगिरिया मेलेमगोनां होनना मिथिनाय दिननिफ्राय आरो बेराफार्सेथिं फरायसानि नख'रा दुखियाथाय होनना मिथिनाय दिननिफ्राय बे आंखाल आरो जायखिजाया जेंनानिफ्राय बारग'नाय राहा होनानै सोलोंथाइ लानो हानायनि बागै गाइड होनांगौमोन। नाथाय मिथिनो मोननाय बादिब्ला फोरोंगिरि बिथांमोना मोनबो साबजाथाव आरो बानजाथाव जोथोन लायाखिसै। जायनि जाउनाव सुबुंसारा अनलाइनजों सोलोंथाइ लानो मोनैयाव आरो आन्जाद होनो हायियाव गावनि दावगालांनय लामाखौ खोमसिबादि नुहुरनायाव मानसि हिसाबै थांना थानायनि ओंथिखौ दांग्रोमना मोनाखिसै। जाउनाव गावखौनो-गाव सिथारना लानायसै।

दानिया फैदिनि जोंनि राजखान्थियारि दैदेनगिरि बर' हारिनि रैखागिरि, समाज सिबियारिनि बिफाव आरो सुबुंसारमोननि बादि दुखिया निखाउरि फरायसाफोरा रांनि आंखालाव सोलोंथाइ लानो हायैनि थाखाय राजखान्थिगिरिफोरा दायनिगिरि नंगौना-नड एसे सा-साज्राडैब्लाबो बिजिरना नायदिनि। सुबुंसारनि बिफा जापान नार्जारिया आरो बिमाया मिडियानि सिगाडव गाव जोनोम होना गेदेर-गोलाउ खालामनाय, लेखा फोरोंनो होनानानै बै मेट्रिक आन्जादल' होनोगोनां मेलेमगोनां फरायसा फिसाखौ अब'थिरा जिउ फोजोबना लानो गोनां जानायाव गुबैयै दुखिया-निखाउरि जानायनि थाखाय सानावनो खोमसि नुनायसै। कर'ना भाइरासनि बहुमनां गाग्लोबखानायनि जाहोनाव फरायसालिफोरखौ बन्द' खालामना लाखिनोगोनां जानायाव आथिखालाव लासै-लासै अनलाइननि गेजेरजों सोलोंथाइ लाहोना आरो आन्जाद होनो स्मार्ट फन मोननो हायियाव फिसा सुबुंसारा फरायसा जिउनि लामाखौ खोमसि नुहुरना गावनि जिउखौनो फोजोबस्राना लांनांबाय होनना गावनि निखाउरि हाल-सालखौ दुसिना खाफाल दाखाइ-दाखाइ बिखा सौयै-सौयै आसाम सरकारा, बि.टि.सि सरकारा थामहिनबा जिल्ला खुंथाइगिरि (DC), महखुमा खुंथाइगिरि

(SDO) आरो गुबैयै बर' मनथिफोर, एम.एल.ए.फोर, इ.एम., एम.सि.एल.ए.फोर भि.सि.दि.सि. नि सियारमेन, सोद्रोमाफोर थासेयावबो रावबो सासेबो नायफिनैयाव हखाव-हसि खुगासिना गोसो-गोरबोआव बुंफबना थानाय दुखु-दाहा, अजदफोरखौ इलेक्ट्र'निक मिडियायाव गाबै-गाबै बुंफुसारना होनायखौ जाय नुदों आरो खोनादों बयनिबो गोसो-गोरबोआ खासि-बिसि मोनखागोन।

सुबुंसारनि बिमा-बिफानि दुखु-दाहा आरो अजदफोरखौ खोनानो मोननानै सुबुंसारनि दुखिया नख'रनि बादि आरोबावदि बेसेबां रोजा-रोजा, लाख-लाख गोरिब नख'रनि दुखु-दाहाजों रायजो जानाय गुबैयै बोथिसे जाना बोथिसे रानना थानाय बायह'-जिह' न'-बां हा-हु गैजारोडि दुखुथिया नखरनो बर' दैदेनगिरि राजखान्थिगिरिफोरा जैरैबादि सिगांग्रो मोननांगौ मोन्थायफोरखौ मोनहोना राहालानांगौमोन बिदि मोनबो बिथांखि लानाय नुनो मोनाखै। माबेबा ओनसोलनि सानैसो गोरिब नख'रनो बिघासे-बिघानै हा होनानै आखाइ सुनाय नुनो मोनो, राजखान्थिनि गोहो-बोलो साजायग्रा बंगरिफोरखौ। खायफा न'-बां गैजायै नख'रसे-नख'रनै गोरिब-गुन्द्रानो सरकारि स्किमनि गेजेरजों न'-बां लुना होदोंब्लाबो गोबाडनो दिनैसिमबो मोनजोबनो हायाखै एबा होयाखैसै। बेराफार्सेथिं गोरिब निखाउरिनि जायगायाव गोनां नख'रफोरासो खाबुफोरखौ भि.सि.डि.सि. नि सोद्रोमाफोरा रानना लासावनाय होनना खोनानो मोनो।

थार बाश्रा बुंनो थाडेब्ला बर'फोरा बाजि बोसोर सिगांनिफ्राय आलादा हादाब दाबि खालाम-खालाम सोमावसारबोनाय उनाव 2003 माइथायाव बि.टि.सि. जारखुंथाइखौ मोननायनि उनाव बि.टि.सि. ओनसोलनि बर'फोरनि गांनय लुबैनायखौ एसे एनैयैब्लाबो सुफुंनो खाबुमोनो। आलादा हादाब नडब्लाबो भारतारि संबिजिरनि दथि दफायाव बड'लेण्ड टेरिट'रियेल काउनसिल (बि.टि.सि.) थामहिनबा बड'लेण्ड हालामारि जारखुंथाइ मोननाय उनाव क'क्राराझार, सिरां, बागसा आरो अदालगुरि बे गंत्रै जिल्लानि बर'फोरखौ लाफाना गुबुन-गुबुन ट्राइबेल-नन ट्राइबेलफोरनि रांखान्थि, सोलोंथाइ बिथिं दावगाहोनायनि लोगोसे बि.टि.सि. ओनसोलनि हान्था-मेला रोगानाय आरो सरजाबनाय राहाखौ दावगाखांहोना बर' दैदेनगिरिफोरा राजखान्थि आरो राडरि गोहो बोलोखौ दिल्लि आरो दिसपुरनिफ्राय डिसेन्ट्रेलाइसड राहा-लामाजों मोननो गोहो जायो। जाउनाव लेनथियै

बोसोरजिस्त्रि बि.टि.सि. खौ हाग्रामा महिलारिनि दैदेननायाव बि.पि.एफ. हान्जानि दैदेनगिरि मावथिफोरा खुनायनि गोहो बोलोखौ मोनो । बिथांमोना हाजासे बि.टि.सि.नि दावगाखांनाय माखासे खामानि मावफुंनो हादोंब्ला गुबैयै हान्था-मेला, सोलोंथाइ, टुरिजिम, सावस्त्रि आबार आरियाव दावगाखांनाय नुनो मोन्दों । बिन थिखाय बि.टि.सि.नि गोरा गाहाइ हाग्रामा महिलारि आरो बि.पि.एफ. हान्जाखौ राज्यो राजाया बाखनायनो नांगोन । नाथाय दुखुनांथाव बाश्रायानो जाबाय हाग्रामा महिलारि दैदेननाय बि.पि.एफ. हान्जानि खायफा दैदेनगिरि मावथिफोरा बि.टि.सि.खौ खुनायनि मुडव मिरु सरकार आरो आसाम सरकारा हरनाय कौटि-कौटि रांफोरखौ एसे-एनै दावगानाय खामानि मावफलाना खावसेनि गोबांसिन रांफोरखौ गावबागावनि सिफियाव सोना लानायनि जाउनाल जापान नार्जारिमोन बादि गोबां दुखिया लोरबां थाखोनि नखरफोरा सरकारनि स्किमनि सिडव न'-बां गैजारोडि-निखाउरिफोरनि गोबांसिनानो दिनैसिमबो मोनबो मोनाखिसै जायनि जाउनाव जापान नार्जारिनि न'-बांआ बायह'-जिह' जानायनि लोगोसे मेलेमगोनां फिसा सुबुंसारखौ खोमाना लानोगोनां जादोंमोन ।

आं आगोलावनो बुंबोखादोंदि सुबुं सम्पदानो मोनसे हारि आरो गंसे हादरनि थाखाय साबसिन आरो गेदेरसिन सम्पथि बुंजायो । बि.टि.सि. खुंगोरा आरो सामलायग्रा हाग्रामा, चन्दन, प्रमिलामोननि हान्जाया आथिखालाव मोनबो गोयिनिफ्राय जागायना कौटिपति जानानै जेरैबो-जेथिंबो जै-जै, मै-मै जानायनि उनावबो आसामनि कंग्रेस दोलो आरो ए.जि.पि. दोलोजों दाजानाय सरकारजों आरो खुंथाइ मावख'गिरिफोरजों नासयजानाय, सोबख'जानाय गोरिब-गुन्द्रा निखाउरि बर' फिसाफोरखौ आरो गुबुन ट्राइबेलफोरखौ रैखाथि होनो होनना जयै सोमावसारनो थानायनि उनाव गोरोबथानि गेजेरजों बि.टि.सि.खौ खुंनो गोहो मोनना राजखान्थियारि गोहोजों रांखान्थियारि गोहोबो मोननानै बिथांमोननि लोगोसे थाम्पै होग्राफोरनि लोगोसे थिखादारफोरजों लोगो जाज्जायना बि.टि.सि. हालामनि दावगानाय आरो जौगानायनि मावबिखान्थिनि रां रुफाफोरखौ गोबां बिबांखौ गावबागावनि गेजेराव रानना लानाय बाश्राखौ राइजो-राजाखौ मिथिया होनना दासान,मिथिगौ ! लोगोसे गोरिब-गुन्द्राफोरनि न'-बां साबखांहोनायनि बिखान्थिनि रांखौबो खावसेगाहाम लाखोमाना जानायनि जाउनाव सुबुंसारनि बिफा जापान नार्जारिमोनबादि

आरोबावदि निखाउरि नखरफोरा सरकारनि मोननो गोनां अनसुंथाइ खाबुफोरखौ बि.टि.ए.डि. नि खुंगिरि, सामलायगिरि, सालायगिरिफोरा होयाखिसै । बे खोथाया साननि सोरां बायदि सैथो । जायनि जाहोनाव बि.टि.सि. नि दा बि.टि.आर. नि गोरिबफोरा दिनैबो गोरिब जानानै दंसै । बेनिखायनो आं खावलायोदि बि.टि.आर. नि गाहाइ मावफुं सोद्रोमा प्रमद बर' जेरै जेथिंबो नासयजानाय-नेवसिजानाय दुखिया-निखाउरिनि जौगानाय मोन्थाइनि बागै सिगांग्रो खामानि मावो ।\*\*

## सोदोब

### ग'पीनाथ हाज'वारी

राम बोरलानि गोफार जिलिर  
सोदोबनि थार दोहोरोम  
जानला मोनला दाबाहाय  
मोनगोन दुखु जिउआव  
ग'लाब बिबार नायनो अराय समायना  
मुलुगनि बिबार रानि  
थि नोजोर बोवालासि खाहैयोबा  
मोनगोन जिउआव, सुनि साजा  
सम थासारि बुजिना  
ग'थि-ग'थि सोदोबनि लारि, बाहायो जेबोला  
मोनगोन मान सुबुं समाजाव  
सानै-हयै सोदोब बाहायनाय  
सा-साग्रां बाहायनाय सोदोब  
दड' बेहायनो गुणि अगियानिनि फाराग  
सोरां खोमसि जिउ लामानि  
सहायनो गोनां जायो सोदोब बाहायनायनि  
अननाय होयोब्ला अननाय मोनो  
मोजां सोदोब बाहायोब्ला मोजां सोदोब मोनो  
सोदोब बाहायनायनि सिगां  
सान, गोनांथिनि आबहावा  
गोरों-गोरा गुणि गियानिनि हो सिनायथि  
जौगा हो सुबुं समाज ।




# बर' राव, थुनलाइ आरो हारिमु जौगानायाव बर' बिजोनि बिहोमा

महेस्वर बसुमतारी

**बेखेवसारनाय:** बुहुम बिखायाव थानानै थानाय मोनफ्रोमबो हारि-हारिसानि गाव गावबा राव, थुनलाइ आरो हारिमु थाखानायखौ जों मोनथिनो मोनो। जाय हारिहा गावआरि राव, थुनलाइ आरो हारिमु गैया बे हारिआ आबुं हारि होनजाया आरो फैलाव बुहुम बिखायाव हारि एबा हारिसा महरै थावरिना थानाया गोब्राब जाहैयो। बुहुमलुरारि बिथिडव दाब दाब जायगायाव रायजो जाबोदोंमोनब्लाबो थाजेन बर' माहारिहा जारिमिना रोखायै फोरमायनो हायै समनिफ्रायनो गावनि आंगो राव, थुनलाइ आरो हारिमु थाखानाय मोनसे आबुं माहारि। गुबुन हारिफोरनि बादि बर' हारिहाबो हारि हिसाबै बुहुमाव सिनायथि होनानै थानानै थानो थाखाय गावनि राव' थुनलाइ आरो हारिमु नांगौ बादि दंखायो। बर' रावआ जादों आसामनि बुरलुंबुथुरनि फैलाव सेरफां, साहा आरो सानजा बेंगलाव गोसारना थानाय सा-सानजा भारतनि बैनिखुइबो गोजामसिन राव। गोदो बर' माहारिनि बिमा रावा रावसा एबा दुवान महरै सिनायजायोमोनब्लाबो भारत संबिजदखौ 92 Amendment जों 2003 माइथायनि 10 फेब्रुवारी खालाराव भारत संबिजिदनि 8 थि फारियाव थिसन जानानै गनायथि मोननायनिफ्रायनो आबुं राव एबा हादोरारि राव महरै गनायथि मोनबाय।

**दावगासारनाय :** सिमान लानो गोनां बाथ्राया जादों बर' राव थुनलाइया सुबुं थुनलाइआव गुबुन गोबां रावआरिफोरनि मादाव धोनिसिन। बर' राव, थुनलाइ आरो हारिमु फोजौखानाय आरो फेहेरनाय बेलायाव ड० सुनिधि कुमार चेतार्जीआ थुनजोंयै बानबुंथिना गालांदों "A modern literature is being created in Bodo, which collection of folk poetry, tales and with literary journals". (Kirata Jana KIRITI)



जों बर' माहारिनि गुदि रावनि जोलैया तिब्बेत-बार्मान रावआरि हानजानि होननानै जास्मिनगिरि, बिजिरगिरि एबा मेलेमजिबि बिथांमोना बानबुंथिनायखौ जोडे मिन्थिनो मोनो। सम, बोथोर आरो थासारिजों नारसिनजानाय उनाव लासै लासै जोंनि बर' फिसाफोरा सारा भारतल' नड गुबुन गुबुन हादोरआवबो गोसारना थाहैनो गोनां जाबाय।

**बर' राव जौगानायाव बर' बिजोंनि बिहोमा :** रावआ जाबाय मानसिनि गोसोनि साननायखौ बेखेवनानै होनो हानाय गिबि आरो मैखोम बिजों। 1952 माइथायनि 16 नभेम्बराव बर' थुनलाइ आफाद जोनोम मोननाय उनाव बर' थुनलाइ आफाद, बर' माहारिनि सानथौगिरि आरो राइजो राजानि गोख्रों नाजानायाव 1963 माइथायनि 18 मे खालाराव बर' बिजोंनि गुदि फरायसालि गायसनजानाय जादोंमोन। मोनसे राव आरो बाथ्राजों थुनजोंयैनो बुंनो थाडेब्ला बर' बिजोंनि गुदि फरायसालि गायसनजेननायानो बर' माहारिनि जौगाखांनयानि बेलायाव माइलनि खुन्थिया हिसाबै गनाय जायो। मानो बुंनो थाडेब्ला बर' माहारिनि राव, थुनलाइ, हारिमु, राजखान्थि, रांखान्थि आरो मोनफ्रोमबो बिथिडवको हारिनि थामोनथानि थाखाय बै समनिफ्रायनो बर' बिजोंआ सानथ्र'हायै बिहोमा एबा बाहान्दारि होबोदों। बर' बिजों गायसननाय थाखायनो बर' माहारिनि मोनफ्रोमबो बिथिड जौगाखांनो मोनसे थि लामा एबा राहा मोनदोंमोन।

बर' माहारिया इन्दो-मंगलियद फोलेरनि आरो रावा जादों तिब्बेत बार्मान जोलैनि। भारत हादरनि सा-सानजा फारसे बुरलं बुथुरनि फैलाव सेरफां, त्रिपुरा, सोनाब बेंगलनि साहा आरो सानजाहा, नेपाल आरो बांलादेश दाहोरनि माखासे जायगायाव बर' फोलेरनि मानसिया जिउ खांबोगासिनो दं। गुबुन गुबुन जायगायाव बर' माहारिनि सुबुंफोरा गोसारना थानायखायनो जिउ खांनय आदब खायदा आरो रायलायनाय राव आरो रिसारथिफोराव माखासे फारागथि नुनो मोनो। मोनसे माहारिनिब्लाबो गावनि गोसोनि मोन्दांथिफोरखौ फोरमायनाय रोखोमा आलदा-आलदा। नाथाय बर' बिजोंनि फरायसालि गायसन जेननायनिफ्रायनो रायलायनाय बेलायाव नंजोब्लाबो थुनलाइ सोरजिनाय एबा लिरजानाय जायखिजाया आयदायावनो मोनसे गोरोबनाय (Uniform) मोनबाय आरो बे गोरोबनाया बर' बिजोंनि थाखायसो सम्भव जादों बुंब्लाबो बुंद्रायनाय जानाय नड। बर' बिजोड जोनोम जानाय थाखायनो दाब-दाब जायगायाव गोसारना रायजो जाबोदोंब्लाबो गावसोरनि गेजेराव

मोनसे गोजोन आरो गोरोबनायनि थासारि सोमजि होनो हादों।

बर' राव-थुनलाइया भारत संबिजिदनि 8थि फारियाव थिसन जानाया जों बर' माहारिनि थाखाय थारैनो जोबोद गोजोनथाव बाथ्रा। 1952 माइथायनि 16 नभेम्बराव जोनोम मोननाय बर' थुनलाइ आफादनि मावसोमनाय, बर' राइजो आरो सरकारनि (गाहाइ मन्थ्रि बिमला प्रसाद सलिहा) मदतजों गिबि गिबि बर' रावखौ 1963 माइथायनिफ्राय गुदि फरायसालियाव सोल्लोंथाइ राव महरै बाहायनो खाबु मोननानै दिनैसिम बर' रावा दलामै दावगा लांनो खाबु मोनबाय।

बर' बिजों गायसननाय मावफारिफोरखौ गाहायाव फारियै होनाय जाबाय-

1/ 1963 माइथायनि 18 मे खालाराव गुदि फरायसालि।

2/ Vide order no. EMI-167166/TP-2 dated 2nd April, 1968 जोंनि जहै 1968 आव गोजौ सोल्लोंसालि।

3/ GU Vide circular no- 4 of 1977 आरो बर' थुनलाइ आफादनि Memo no- G/VC/Com/17/77/14331/ dated 26th May, 1977 जों गुवाहाटी मुलुग सोल्लोंसालियाव थाखो XI & XII आव गोदान भारतारि राव महरै गायसनजानाय।

4/ Dated 24th July, 1980 माइथायाव Degree level आव गुवाहाटी मुलुग सोल्लोंसालियाव MIL

5/ NEHU vide memo no. CD-C/C.56/80-81/246-249, 1981 माइथायाव NEHU आव MIL.

6/ डिब्रुगड़ मुलुग सोल्लोंसालिनि vide order no DU/RG/2894 dated 22nd August, 1994 जों डिब्रुगड़ मुलुग सोल्लोंसालिनि फरायसालिमाफोराव Degree level आव MIL

7/ गुवाहाटी मुलुग सोल्लोंसालिनि vide order no- ML/AC/Spl/1/97/5812-13 dated 25th Nov. 1997 नि जहै बर' बिजोंजों MA.

Dibrugarh University vide letter no. M/AR/99/66 dated 31st July 1999 जों डिब्रुगड़ मुलुग सोल्लोंसालियाव Elective Subject,

8/ गाहाइ आयदा (Major Subject) हिसाबै गुवाहाटी मुलुग सोल्लोंसालियाव vide order no-M/AR/2006/55 dated January, 2006 जों गायसनजायो आरो बर' बिजोंआ XI आरो XII थाखोआव Advance Study महरै Assam

Higher Secondary Education Council, Guwahati Vide Notification No. AHSEC/ACA/CS/11/96/184664-185564 dated 31st July, 2006 आव गायसनजाबाय ।

गुदि फरायसालि जागायजेननायनिफ्रायनो दिनैसिम आसामनि गुवाहाटी मुलुग सोलोंसालि, बडलेण्ड मुलुग सोलोंसालि आरो डिब्रुगड मुलुग सोलोंसालियाव आबुं बिफान महरै गायसन जाबाय । बेनि अनगायैबो आसाम मुलुग सोलोंसालि आरो North Eastern Hills मुलुग सोलोंसालियावबो गोदान भारतरि राव (MIL), इलेकतिभ आरो मेजर आयदा गायसन जाबाय । आरोबाव मोनसे गोजोनथाव बाश्राया जादों दायै CBSC course आवबो सैनिक सोलोंसालि, JNV आरो Kosyuribai Gandhi Vidyalaya यावबो बर' रावखौ MIL महरै सोलोंथाइ लानो हानाय जाबाय । जायनि थाखाय दिनै जौनि बर' फरायसा -फरायसुलिफोरा गावनि बिमा रावजों गोजौ थाखोनि सोलोंथाइ लानाय सिमाड मोखथां महर मोननो हाबाय । दिनै बर' रावा बर' बिजोंनि थाखायसो मुलुग सोलोंसालिनि राव, आसामनि लोगो सरकारि राव, साहित्य अकाडेमिजों गनायथि मोननाय राव, हादोरारि मानथाखो मोननाय राव हिसाबै बहुमाव सिनाय जाबाय ।

**थुनलाइ जौगानायाव बर' बिजोंनि बिहोमा:-** सुबुं सोदोमस्त्रिनि जौगानाय एबा दावगानायाव रावनि जेरैबादि बिहोमा दं, बिदिनो हारि मोनसे जौगानायाव थुनलाइनिबो गोबां बिहोमा दं आरो थुनलाइनि फेहेरनाय एबा जौगानायाव बर' बिजोंनि बिहोमाखौ रावबो खान्थिजों रुजुजाया । बर' थुनलाइया सोरजिनायनिफ्रायनो गोजौ थाखोनि जायगा मोनहैनायसिम बर' बिजोंनि बिहोमाया बैनिखुइबो बांसिन ।

हारि मोनसेया आबुं एबा गेरैमसा महर मोननांगौब्ला बे हारिनि थुनलाइनि फारसेबो जोबोद जौगाखांनायनि गोनांथि दं आरो थुनलाइनि बाखिखौ धोनिंसिन खालामो हारिनि गाव रावनि बिजोंआसो । दिनै बर' बिजोंजों सोलोंथाइ लानो खाबु मोननायनिफ्रायनो बर' माहारिनि थुनलाइया बांसिनै गोसार लांनायखौ जों बयबो मिथिखागौ । बर' रावआ दिनै भारत संबिजिदिनि 8थि फारियाव गनायथि मोननाय आन्दोआवबो बर' बिजोंनि बिहोमा दं । माहारिनि रावा गावनि बिजोंजों थुनलाइ फारसेनिफ्राय आबुं महर मोनामोनब्ला हयतो एसेबां गोरलैयैनो बर' रावा दिनै भारत संबिजिदजों गनायथि मोनजानाय नड मोन । ओंखायनो थुनलाइ सोरजिनाय बेलायावबो बर'

बिजोंनि बिहोमाखौ रावबो गनायालासै थानो हानाय नड । बर' बिजोंआ मोनसे गोखों लामायाव सफैनाय लोगो लोगो माहारिनि थुनलाइ सोरजिनाय हाबायाबो आगोलनिखुइ गोरलै जाना फैबाय । बर' थुनलाइनि मानदान्दाया गुबुन जौगाखांनाय माहारिफोरनि थुनलाइनि समानै स्त्रें स्त्रेंयै गसंफानो गोहो बोलो मोनबाय । मोनफ्रोमबो आयदायावनो गुबुन रावफोरजों समानै बादायलायनो हानायनि सम नुजाथिफैबाय । थुनलाइनि बेलायाव दिनै भारत सरकारनि साहित्य अकाडेमिजों गनायथि मोननायजों लोगोसे साहित्य अकाडेमिनि बान्थाबो आवग्रिनो हानाय जाबाय । बर'फोरनि मादाव थुनलाइआव गिबिसिन साहित्य अकाडेमि बान्था मोनगिरि सासे सानथौगिरि, बिजिरगिरि मानगोनां ड० मंगलसिं हाज'वारीखौ लानानै बावयैसो गोदानै साहित्य अकाडेमि बान्था मोननाय मुस्त्री फुकन चन्द्र बसुमतारी हालगै गोबां अनजिमानि बर' थुनलाइगिरिया थुनलाइनि फोथाराव भारत सरकारनि थुनलायारि बान्था साहित्य अकाडेमि बान्था मोननो हाबाय । साहित्य अकाडेमिनि बान्थाल' नड थुनलाइनि बिथिंजों समाज, हारि आरो हादोत जौगानायाव सानथ्र' हायै गोबां बाहान्दारि होनाय थाखाय पद्मश्री बान्थाजोंबो जौनि बर' सानथौगिरि, थुनलाइगिरि रंसारि मदाराम ब्रह्म, ड० कामेस्वर ब्रह्म आरो ड० मंगलसिं हाज'वारी बिथां मोनखौ भारत सरकारा पद्मश्री बान्थाजों मान बाडबाय ।

दिनै जौनि बर' फरायसा-फरायसुलिफोरा बादायारि आनजाद, UPSC, APSC, NET & SLET(National Efficiency Test & State Level Efficiency Test), TET आरो गुबुन-गुबुन बादायारि आनजादफोराव गुबुन गनायथि मोननाय रावफोरजोंनो समानै बाहागो लानो हानाय जाबाय । हादोरनाडै गोबां आनजादफोराव बर' बिजोंआ गनायथि मोननानै बर' राव, थुनलाइनि मानदान्दाखौ जौसिन खालामबाय । बेफोर गासै गाहाम आरो जौगाखांनाय मावफारियानो बर' बिजोंनि बिहोमाजोंसो जादों होननानै जों गनायखानांगोन ।

थुनलाइया सोरजिजायो रावनि दाजाबनाय आरो ओंथिगोनां मेलौदो सोदोबनि हासारजों । थुनलाइनि बिजों महरै रावा हाबा मावोब्लाबो बेखौ मोननै बाहागोआव राननो हायो । मोनसेआ जाबाय गोरलैयैनो बुजिनो हानाय हांखो रेंगौथिनि लिंरनानै दोननाय फोरमान बिलाइ आरो गुबुन मोनसेआ जादों बै रेंगौथिखो मा बायदियै लिंरनानै दोननाय जादों । रावनि मैखोम हाबायानो जादों मानसिनि गोसोनि साननाय ओरो मोनदांनायखौ गुबुननि सिगाडव फोरमायथिनाय आरो थुनलाइनि हाबाया

जादों बै रावनि हेफाजाबजों भुमनि गुबुन गुबुन सुबुनि आइनाखौ ओंथिगोनायै बेखेवनानै होनाय। थुनलाइनि गुबै गुणफोरजों रावनि खायफा जुदा जुदा आखल नुनाय जायोब्लाबो राव आरो थुनलाइआ गरसे फैसानिनो फारनै बिखुं बोल'।

थुनलाइ सोदोबनि ओंथिखौ एरैबादि बिजिर जायो दि- रावखौ साजायनानै मोनसे आबुं महरजों थुननानै दोननाय लाइ एबा बिजाब। रावखौ जथायनानै दोननाय मोनसे खायदा। बेनो जादों थुनलाइ। आरो बेफोर गासै मावफारिजों साजायनानै बर' थुनलाइनि मानदान्दाखौ जौसिन खालामनाय गुबै मन्थ्रआनो जादों बर' बिजोंजों सोलोंथाय लानाय। ओंखायनो थुनजोंयैनो बर' थुनलाइ जौगाखांनायाव बर' बिजोंनि गोबां बिहोमा दं होननानै जों सिमान लानांगोन।

**हारिमु जौगानायाव बर' बिजोंनि बिहोमा :** हारिमु बुडोब्ला थुनजोंयैनो जोडो हारिनि दामग्रा-देग्रा आगजुफोरखौ लानानै रंजानायखौनो बुजियो। नाथाय बाथ्राया थार नडा। हारिमुनि ओंथिया जोबोद गुवार। मोनसे हारिया थांनानै थासान्दियाव मा-मा आइजें आइला बाहायो बेफोर गासैबो हारिनि हारिमु। मोनसे हारिनि मावनाय-दांनाय, जिउ खानाय आदब-खायदा, दानाय-लुनाय, गाननाय-जोमनाय, गाबनाय-मिनिनाय, दामनाय-देनाय, मोसानाय-मुसुरनाय गुबुन-गुबुन आसार खान्थिखौनो हारिनि मोखां एबा हारिमु होननाय जायो। जोनोम मोनजेननायनिफ्रायनो थैनायसिम जायफोर आखल-आखुआ मोनफा हारिनि गेजेराव नुजायो बेफोरनो बै हारिनि हारिमु। सुबुं सासे मोखां नायनानै बै सुबुंनि आखल-आखु सोमोन्दै हमदांनो हानाय बादि मोनफा हारिनि हारिमुखौ नोजोर होब्लानो माहारिखौ मिथिनो हायो। बेनि सोमोन्दै थुनलाइगिरि महिनि महन ब्रह्मआ फोरमायदों एरैबादि- “ हारिमुआ हारिनि महर मोखां। बबेबा हारिनि गुमुखौ मोनथिनो लुबैयोब्ला बे हारिनि हारिमुखौ नायग्रोनांगौ। जायखौ जारिमिना खोन्थानो रोडा बेखौ हारिमुआ बेखवनानै होयो”।

1911-12 माइथायाव जोनोम मोननाय ग'वालपारा महकुमा(दायै जिला) नि हाबड़ाघाट बड़ सन्मिलननि मेल-मिथिंफोरारो रोजाबनाय मेथाइ आरो बाथौ खेराइ फुजायाव माखासे दामग्रा देग्रा बाहायनायानो बर'नि हारिमुआव मोनसे फोजाखांनाय थासारि लाबोदोंमोन। बै समावनो रुंसारि प्रसन्न कुमार खाखलारी, रुंसारि सतिस चन्द्र बसुमतारी, दारेन्द्रनाथ बसुमतारी मोनहा बर'नि गोमालांनो हमनाय राव, थुनलाइजों लोगोसे माहारिनि हारिमुखौ फोथांनायाव आगान होदोंमोन। बर'

बिजोंजों लिरनाय खेमता गाउन, बेनार गाउन, जात्रा गाउन, फावथिना आरो बाथौ धोरामनि खेराइ मोसानायाव बाहायनाय मेथाइ, बैसागु मेथाइ बाइदि बाइदि लिरनानै बर' हारिमुखौ फेहेरनाय खामानियाव गोसो गोदोडै नांथाबदोंमोन। बै समाव बर' बिजोंनि फरायसालि गायसननाय जायाखैमोनब्लाबो बांला आरो असमिया हांखोजोंनो बर' राव हारिमु जौगाखांनाय हाबा मावलांदोंमोन। 1919 माइथायाव सतिस चन्द्र बसुमतारीयानो बर' बिजों एबा बर' राव बाहायनानै सिगांग्रो लांदां साइनानि गान भाउना क'क्राझार Upper Primary फरायसालियाव “नाला बुहा” दिन्थिफुंनोंमोन। बेनि उनाव 1924-25 माइथायाव क'क्राझार मैदेर खर'नि मनिराम इसलारिनि “हामफे फाल्ला” दिन्थिफुंनायानो बर'नि सिगांग्रो फावथिनाय जागायजेननानै बर'नि हारिमुआव जांखिखांनाय थासारि लाबोदोंमोन। बेनि उनाव हारिमुनि बिथिडाव लासै लासै गोबां फावथिनाय, जात्रा गाउन, बैसागु मेथाइआरिफोरा बर' हारि जौगानाय बेलायाव गोबां बिहोमा होबोदों।

बर'नि हारिमु दिन्थिफुंनाय हाबाफोरखौ गावनि हारिनि आवथायावल' लाखियालासैनो गुबुन गुबुन जायगा, हादोरसा आरो आदोरफोरारवबो बिखा फोरदाननानै दिन्थिफुंनो हानाय जाहैबाय। गावनि बिजोंजोंनो गावनि समायना हारिमु हान्जाफोरखौ दाब दाब जायगाफोरार दिन्थिफुंनाय लोगोसे सरकारनि मोनफ्रोमबो हाबाफारियाव बाहोगो लानानै आंगो हारिमुखौ मुलुगनां खालामनो हानाय जाबाय। 1951 माइथायाव रामफलबिलनि जय नारायन ब्रह्मनि दैदेनायाव Shillong आव फालिनाय रिपब्लिक (सुबुंदारा) सान फालिनायाव हारिनि हारिमुखौ दिन्थिफुंनो खाबु मोनदोंमोन। बेनि उनाव दिल्लीयाव 1952 माइथायाव सात्ताबारि गामिनिफ्राय Republic day खुंनाय, 1953 माइथायाव भाउरमारि गामिनि चक्रमुनि ब्रह्मआ दैदेनायाव बर'नि सानाखौ दिल्लीयाव दिन्थिफुंनो खाबु मोनदोंमोन। गोजोनथाव बाथ्रा दि 1957 माइथायाव रुंसारि कामिनि कुमार नार्जरीनि दैदेनायाव Republic day फालिनाय बुब्लियाव बर'नि बागुरुम्बा मोसानाया भारत हादोरनि थागिबि माहारिफोरनि मादाव सेथि बान्था मोननो हादोंमोन आरो थार बाथ्रा बुंनो थाडोब्ला बै समनिफ्रायनो बर'नि बागुरुम्बा मोसानाया हादरनाडै-नो मुंदांखा जानाय लोगोसे जौगानायनि थुलुंगा मोनदोंमोन।

हारिमु जौगानायाव बर' बिजोंनि बिहोमा बुनो थाडोब्ला जोहोलाव निलेश्वर ब्रह्मआ 1951 माइथायनि एप्रिल



दानाव कलिकातानि All India Radio Centre आव मेथाय  
रोजाबनायखौबो मख' थारनांगोन ।

1952 माइथायनि जानुवारि-फेब्रुवारी दानाव निलेश्वर  
ब्रह्मनि नाजानायाव हारिनि हारिमु जौगाहोनो थाखाय प्रसेनजित  
ब्रह्म, समर ब्रह्म चौधुरी, राजेन ब्रह्म, फनि ब्रह्म आरो गोबां  
गोसो गुदुं हारिमु सिबियारिफोरखौ लानानै “अनसाय आफाद”  
दानाय जादोंमोन आरो गोदोसोनाय हारिमु दामनाय-देनायखौ  
बोखांफिननो नाजादोंमोन । दामग्रा-देग्रा, सेरजा-सिफुं आरो  
दामनो गोरों सुबुं बुथुमदोंमोन । जोहोलाउ निलेश्वर ब्रह्मनि  
गोखों नाजानायावनो गिबि गिबि 1952 इं माइथायाव  
कलम्बिया ग्रोमफन कम्पानि लिमिटेत आरो HMV ग्रामफन  
कम्पानिनिफ्राय बर' मेथायनि गिबि लाहानि “थुर्सि रेकर्ड”  
दिहुनो । बै थुर्सि रेकर्डनि मेथाइफोरा जादोंमोन- साननो हायै  
मिथि मोनै, सोरमोन नों, हनै सानजाहा साना सोरां बोगौ,  
बिबनां गदाय, सोरजिगिरि, बिफाडव बानानै, गोसोखानाय  
जोबनायाव, उदां बुथुरनि, मोनहां मोनहाडै-नो आरो मोनैखौ  
मोनगोन होननानै बाइदि-बाइदि ।

बिमा रावनि बिजोंजों हारिमुनि बिथिडव बुंनो  
थाडोब्ला दासिमहालागै भारत सरकारनि गोबां बान्थाबो  
आवग्रिनो हानाय जाहैबाय । International आरो National  
बान्था मोननाय माखासे मोनगिरिफोरनि मुंखौ फारियै मख' नाय  
जाबाय ।

1/ आमेरिकायाव मारिकन Sculpture नि सोमोन्दै  
सोलोंथाइ लानाय एबा Research खालामनाय बहुमदांखा बर'  
फिसा ड0 जनक झंकार नार्जरीनो 1981 इं माइथायाव Inter-  
national “फुलब्राइट” आरो 2001 माइथायाव “ललितकला  
एकाडेमि”नि हादोरारि बान्था होदोंमोन ।

2/ जोंदाव बड' सानि गिबि सावथुन 1986 माइथायाव  
दिहुनजानाय “आलायारन” सावथुना भारत सरकारनि सावथुन  
मुलुगाव होनाय “रजत कमल” बान्था मोननो हादोंमोन ।

3/ 2007 माइथायाव गाव आखायजों बिलिर बिलिर  
दाननानै सोरजिनाय दंफानि बायदि रोखोमनि मुसुखा आरो  
समायना सावगारि एरनो हानाय मुंदांखा बर'नि फिसा ड0 सोभा  
ब्रह्मआ गोदान दिल्लीनिफ्राय “ललित कला रत्न” बान्था

मोननो हादोंमोन ।

4/ 2005 माइथायाव मुस्त्री खिरोद खाखलारीनो  
मेलौदै देखोजों सिफुं सुनो हानायनि थाखाय “ संगित नाटक  
एकाडेमि” बान्था होदोंमोन ।

हारिमु जौगानाय फारसे बेफोर हादोरारि बान्थाफोरनि  
अनगायैबो बर' बिजोंआ गोबां बिहोमा होनायखो जों बयबो  
मिन्थियो । बेफोर गासैखौबो नोजोरोब्ला जोंनि बर' बिजोंआ  
हारिनि हारिमु जौगानायाव बेसेबां मावमिनथाइ एबा बिहोमा  
होनो हादों जों रोखायैनो मिन्थिनो हायो ।

**थास्लिबनाय :** दिनैनि मुगाया जादों बादायलायनाय  
मुगा । मोनफ्रोमबो बिथिडनो दिनै इलेक्ट्रनिक रिमोनलानि  
दाहारजों खारफानो हांखुर जानाय मुगा । ओंखायनो बे बहुम  
बिखायाव हारि हिसाबै जोरनानै एबा थावरिना थानायनि थाखाय  
मोनफ्रोमबो आयदायावनो जों बर' माहारियाबो सांग्रां जानांगौनि  
जोबोद गोनांथि दं । गुबुन गुबुन माहारिनि सुबुंफोरबो मुगाजों  
गोरोबफानानै थांना थानो थाखाय गोबां नाजानो गोनां जादों ।  
बे बायदियैनो बर' आबो हारि महरै जोरनानै थानोब्ला गाव  
हारिनि राव, थुनलाइ, हारिमुफोरखौ फोसाबना लानो थाखाय  
बर' बिजोंनि जोबोद एंगार हायै बिबान दं । बहुमनि बर'  
फिसाफोरखौ खौसेयै लाफानानै बर' हारिखौ मोनसे गेरेमसा  
माहारि दाफुंनायनि गोथार आरो गोजोन सिमां नुदोंमोन बड' फा  
उपेन्द्रनाथ ब्रह्मआ । बिथाड मिजिं थिनाय बादिनो मोनसे  
गेरेमसा हारि जानांगौब्ला बे हारिया मोनफ्रोमबो बिथिनिफ्राय  
समानै जौगालानांगोन । जेरै राव, थुनलाइ, हारिमु, रांखान्थि,  
राजखान्थि, समाजखान्थि, धोरोमारि बायदि बिथिनिफ्राय  
जौगाथारनांगोन, अब्लासो बे हारिया मोनसे आबुं हारि एबा  
गेरेमसा हारि हिसाबै गनायथि मोनगोन । दा खोथाया जाबाय  
बर'नि राव, थुनलाइ, हारिमु फोथांना लाखिनांगौनि बिबाना  
सोरनि ? बेफोर बिबाना जों गासै बर' फिसाफोरनिनो बिबान,  
नाथाय बे बिबानफोरखौ गोबेडै रुजुननांगौब्ला बर' बिजोंनि  
फरायसालिफोरखौ समायना रमायना खालामनानै हारिखौ  
जौगाहोनाय बेलायाव अराय खामानि मावनांगोन ।

(हेफजाब लानाय बिजाब आरो रायथाइ- A Brief Note On Bodo, BWA, बर' हारिमुनि जौगाथाइ- देबेन कसारि, बाथौ खेरइ दामनाय  
मोसानाय- ब्रजेन्द्र कुः ब्रह्म)



## मथ'नि गियान आरो हारि जौगा होनायाव बिमा रावनि गोनांथि

### चिर'ती स्वर्गीयारी

मोनसे हारिखौ थांनानै थानाय होनोब्ला बै हारिआ गावनि मान-मर्यादा फोथांना लाखिनानै थांनानै थानांगौनि खोथाखौनो बुंनय जायो। मोनसे हारिनि थांनानै थानाय आरो हारि जौगानाया राव, हारिमु, थुनलाइ, समाजनि खान्थि आरो आदर्शनि सायावसो सोनारो। बेफोरबादि हारि जौगाखांनायनि गोनां बिथिंफोरा लोरबां जायोब्ला बै हारिया बहुम बिखानिफ्रायनो गोमालाडे। मालाय हारिनि जौगाखांनाय आरो राव-हारिमुनि गाद'बनायजों दासिम गोबां हारि-हारिसाफोरा बे बहुमनिफ्राय माल्लाबानो गोमालांबाय। बेखायनो बिदि थासारियाव हारि-हारिसाफोरखौ फोथांना लाखिनो बांसिन हादरफोरानो दासान्दि राव-हारिमुनि जौगाखांनाय आरो सांग्रांथि लाबोनायनि हाबाफारि लाबोनायखौ जों नुबोदों। NESCO आ Mother Tongue is Empowerment होनना फोसावदों। NESCO आ 1953 माइथायनिफ्रायनो बिमानि रावजों गुदि सोलोंथाइखौ (14 बोसोर बैसोसिम) लानांगौ होनना लोगो हादोरफोरखौ बिथोन होदों। बिमानि राव आरो सोलोंथाइनि सायाव गोबां रिचार्स खालामनायनि उनाव NESCO आ सोलोंथाइनि रिपर्टआव होन्दोंदि-बिमानि रावजों सोलोंथाइ लाब्ला सोलोंथाइनि बिबां आरो मानआ जौगायो आरो मानसनि गियाननि मान आरो रोंगौथियाबो जौगायो। बिमानि रावजोंसो हारि-हारिमु आरो थुनलाइया थांना थायो बिखौ गुबै मन्थ' हिसाबै लानानै NESCO आ राव जौगाखांनायनि माखासे हाबाफारिखौ बहुमनाडै लागासिनो दं।

हारि फोथांना लाखिनायनि गुबै आरो गोनांथार बिथिं बिमानि रावनि गोनांथि बायदि नोजोरजों बे लिरथिखौ लिरनाय जादों। New York Times मुंनि जार्नालनि बादिब्ला (Sept.18, 2007) बहुमनाडै 7,000 (स्त्रि रोजा) रावनि मादाव खावसेआनो जोबलांनायनि लामायाव दं। बिफोर रावनि गेजेरनिफ्राय मोनफ्रोमबो नै सप्तानि गेजेराव मोनसे रावआ बाहाय जायै जानानै फैयो होनना New York Times जार्नालआ मखदों। National Geographic Society आरो "Living Tongue Institute for Endangered Language" मुंनि मोननै गौथुमनि रिसार्च बिजिरनायाव मोननाय जादोंदि बहुमनि रावफोरनि खावसेयानो लिरथि महराव गैया आरो बिफोरनि खावसेयानो फैगौ जौसे बोसोरनि मादाव गोमालांगोन। University of Hawaii आरो Michigan University नि रिचार्स बिजिरगिरिफोरा मोनदों दि अस्ट्र'लिया, निउजिलेण्ड आरो सा-आमेरिका गोजायावनो 80% जौखोन्दो रावफोरा दा गोमानायनि लामायाव। बिफोरनि 9.2% जौखोन्दो रावआनो सा जिनिखुइबो बाडाय मानसिफोराल' बिमानि रावजों

रायलायो । बिथांमोननि बिजिरनायाव मोनबावदोंदि 639 रावनि मादाव दासान्दि जि जौखोन्दो (10%) आनो गोमालांबाय । भारत हादरनि 1635 रावनि मादाव 42 था राव आरो बुंथि रावआनो जोबस्त्रांनयनि लामायाव होनना UNESCO आ मख'दों । बोसोरनै सिगां भारतनि नखर बिफाननि बादिब्लाबो 40 था रावआनो दा गोमानायनि लामायाव होननानै जों मिथिनो मोनो । भारतनि सा-सानजा राइजोफोरनिफ्रायबो 12 राव आरो बुंथि रावआ बावैसो बोसोरनि गेजेराव गोमालांगोन होनना Census Report डाइरेक्ट'रि 2018 आव मख'दों । बिफोर गोमालांनो नागिरनाय रावफोरा मेघालयाव मोनसे, आसाम आरो अरुनाचलआव मोननैखुरै आरो मणिपुराव मोनस्त्रि । दानि बे बिमानि राव गोमालांनय अल'खत समाव भारत सरकारा गोदान सोलोंथाइ खान्थि-2019 (New Education Policy 2019) आव फरायसालिनि सोलोंथाइआव ( थाखो सेनिफ्राय जिनै थाखोसिम) बिमानि रावजों सोलोंथाइ होनायनि गोख्रों थांखि लादों ।

बिमानि रावआ जाबाय जोंनि गोसोनि साननायखौ मालायनो फोरमायनायनि मोनसे आंगो राहा लामा । जोनोम सासे गोरलै गथ'नो देहा-मेलेम गेबें जानो आरो देरनो जिबादि बिमानि आहारनि गोनांथि थिग बिदिनो सासे राफोद मानसि जानो थाखाय बिमानि रावनि गोनांथि । सासे मानसिनो बिनि गोसो, मेलेम, सानस्त्रि आरो समाजाव मोजाडै गोरोबना थानो बिमानि रावनि गोनांथि दड । बेराफारसे साफ्रोम मानसिआनो गावनि हारिनिस्सिम मावनो गोनां खामानि एबा बिहोमाखौबो बिमानि रावखौ मोजाडै रोंब्लासो होलांनो हायो । बिमानि रावआ सासे गथ'नि मेलेमनि आदार, बुधि गेवसारनायनि साबि, हारि आरो हारिमुखौ मिथिनायनि दरजा । बिमानि रावजोंसो उन्दै गथ'नि खोथा रोंगौथिआ दावगायो, सानस्त्रिआ गोगो जायो । सासे मानसिआ साननो आरो बिजिरनो हानाय गोहो, गुबुन मानसिजों सोमोन्दो लाखिनायनि आदबखौ बिमानि रावजोंसो मोनो । बिजोंसो सासे मानसिआ गियाननि गुमुर आरो जिउनि सायाव थानाय गोगो नोजोरखौ नागिरना मोनो । आखल-आखु दानाय, गोदै-रैदोब राव बाहायनायनि आदब सोलोंनाय आरो सासे गथ'नि गोसोयारि आरो बाहायथियारि दावगानायाव बिमानि रावनि गोथौ गोहोम थायो । बिनिखायनो होननाय जायोदि बिमानि राव रोंब्लासो सासे मानसिआ आबुं महर मोनो ।

बिमानि रावजों मानसिनि जिउआव थानाय सोमोन्दोफोरखौ रायनायनि सिगां बिमानि राव माखौ होनो बिखौ मिथिग्रोनाया गाहाम जागोन होनना आं सानो । केमब्रिज

सोदोब बिहुंआ बिमानि रावखौ एरैबादि होनदों- बिमानि रावआ जाबाय सासे गथ'आ सोलोंनो मोनजेननाय राव जायजों गुदि सोलोंथाइखौ लायो आरो बै गथ'आ बोराय जानायसिम रायलायो । माखासे राव बिगियानगिरिफोरनि बादिब्ला जाय रावखौ सासे गथ'आ जोनोमनि उननिफ्राय राव सोलोंजेननानै गेबेडै राव रोंनायसिम सोलोडो आरो न'आव बिमा-बिफा एबा गुबुन मानसिफोरजों बांसिन सम रायलायो बेखौनो बिमानि राव होननाय जायो । गथ'आ उन्दै बैसोनिफ्रायनो न'आव आरो गेलेनायाव लोगोफोरजों जाय रावजों रायज्जायो बै रावआव बि गथ'आ गावनि साननाय आरो मिजिंफोरनि गोथौ आरो रोखा सावगारि मेलेमाव बोनानै लायो । गावनि नुनाय आरो मिथिनाय बहुमनि बागै सावगारि बोनानै बिफोरखौ नांगौबादियै बिजिरनानै लायो आरो गाव रोंनाय बै सोदोबफोरखौ ज'रायनानै, साजायनानै गथ'आ खोथा रायज्जायनो गोरों जायो । बिदिनो बिनि मेलेमआ गेवसार लाडो आरो बिनो बिनि इउन जिउयाव गोहोम खोलैयो । मोनसे रावखौनो न'आव, बाहेरायाव आरो सोलोंसालियावबो बाहायोब्ला सासे मानसिनि बिमानि रावनि गियाना बांलाडो आरो बियो फरायनाय आयदाखौ थाबसिन आरो साबसिन बुजिनो हानाय जायो । जाय मानसिआ गावनि बिमा रावआव गोरोंसिन बिसोरसो मोजां थुनलाइगिरि एबा राव दानस्लायगिरि जायो । उन्दैनिफ्रायनो सासे गथ'आ नख'राव गुबुन राव रायज्जायनानै जुदि गुबुन मोनसे रावजों सोलोंथाइ लायो बियो बै सोलोंथाइ लानाय रावआवल'सो गोरों जागोन, बिनि बिमा रावआव गोथौ गियान गोथैखाय गुबुन गुबुन राव सोलोंनायाव बि गथ'आ हेंथा मोनगोन । बेराफारसे सासे गथ'आ जुदि न'आव रायलायनाय, गुदि सोलोंथाइ आरो बिनि मेलेम गेवसारनाय बैसोसिम मोनसे राव एबा बिमानि रावजोंनो गोगो सोलोंथाइ मोनो अब्ला बि गथ'नि रोंगौथिनि मानआ गोजौ जायो आरो गुबुन गोबां राव सोलोंनायावबो बिमानि रावनि रोंगौथिआनो बिखौ मदद खालायो । बिमानि रावनि गोथौ गियाना माबादि सासे मानसिनि सोलोंनाय आरो जौगालांनयाव गोहोम खोख्लैयो बिखौ सासे करियानि मानसिआ गावनि बिमा-बिफाजों कानाडयाव थांनानानै सिगां मा हालोद जादोंमोन आरो उनाव बोरै जौगानो हालांखो गावनि रावजों फोरमायदों एरैबादि- आं उन्दैयाव गावनि बिमानि रावखौनो न'आव आरो गुदि सोलोंसालियाव बाहायोमोन । गेजेर थाखोआव आं बिमा-बिफाजों बिसोरनि जिउराहानि जुनै कानाडयाव थांनानै इराजि रावजों सोलोंथाइ लानायजों लोगोसे लोगोफोरजोंबो बे रावखौनो बाहायनांगौ जादोंमोन । उन्दैआव आं बांद्राय रायलायग्रा बुंजानायानो उनाव कानाडयाव थानानै

आं बबाहां जालांबायमोन, नख'रावबो इंराजि रायलायनो मोनै आरो फोरोंग्रा गोयैखाय आं सोलोंसालियाव थांनो गाज्जि मोनग्रा जाबायमोन । गावनि रावजों मोनै आरो सोलोंसालियाव बिमानि रावजों फरायनो मोनैखाय आंखौ गोसोयारि लोरबांधिया नारसिनबायमोन, आं सिरि थाग्रा जाबायमोन, नाथाय आंदि इंराजि रावजोंनो सोलोंनांगोन बिखौ मिथिनानै आं लासै लासै गावनि रावनि हेफाजाब लाना इंराजि रावखौ दानस्लाय दानस्लाय सोलोंनो लानायसै आरो आं मिथिबाय दि आंखौ गावनि बिमानि रावआसो मदद खालायबाय । बै बिमानि रावजों रायलायजेननाय आरो गुदि सोलोंथाइ लानाय गथ'साआ इउनाव सासे गोरों गोबां-रावस्लायगिरि जानो हानायनि गुदियावनो बिमानि रावआ मदद होदोंमोन होनना सिमान लादोंमोन । बिथांआ बुंदोमोन दि बिमानि रावआ सासे मानसिखौ गोबां गुबुन राव सोलोंनायाव बिनि गिबि मोनदांथिफोरा आरो बिजिरनो हानाय गोहोआ बिखौ मदद खालायो (Parent-circle.com) । बिथाड सासे रावस्लायगिरि बिजिरगिरि आरो रावनि संदाननायाव बि खोथाया फोरमान जादोंदि सासे मानसिआ जेसेबां बिमानि रावआव गोरों जायो एसेबां बिनि साननाय, मोनदांथि गोहो आरो बिजिरनाय गोहोयाबो बाडे आरो बिदि मानसिआ गुबुन गुबुन रावखौबो थाब सोलोंनो हायो ।

बिदिब्ला गोसोयारि बिगियाननि नोजोरजों नायब्लाबो जों मोनथिनो हायो दि बिमानि रावनि आंखालाव सासे गथ'आ गोसोयारि लोरबांधियाव जब्रा जायो आरो बुजिनो हायैनि सोलोंथाइनि खामानियाव गोसो-खुसियै बाहागो लानो हाया जायो । बिमानि रावनि आंखालाव सासे मानसिआ गावनि आंगो राव-हारिमु; सोदोमश्रीखौ खोमायो, नख'रनि जारिमिनखौ खोमायो आरो समाज आरो समाजनि दुंबुद आंगोथिखौ खोमानानै गावखौ गावनि बिथा खोमानायबादि मोनना हारसिं आरो रैखाथिनि आंखालाव भुगियो । सासे गथ'नि गोसोयारि (Psychological) जौगानायाव बिमानि रावनि गोथौ गोहोम दं । सासे उन्दैआ गावनि नख'राव रायलायनाय रावजों जुदि बाहेरायाव गुबुनजों रायलायनो मोना आरो गोसोनि खोथा फोरमायनो हाया अब्ला बियो गुबुनजों रायलायनो हायैआव गोसोयाव लोरबांधि फैयो, बिनिफ्राय खम रायलायग्रा जायो आरो लासै लासै बियो गोसोनि सांग्रांथिखौ खोमाना लायो । बिदि गथ'फोरा सोलोंसालियावबो गोखों बाहागो लानो हाया जायो, मालायजों गोरोंबनो गोब्राब मोनो आरो सोलोंथाइनि मान एबा गुनआ बाडइ जायो । फारसेथिं बिमानि रावजों फरायनो

मोनैखाय गोथौ आरो गोगो गियाननि आंखाल गुबुन फारसेथिं गोदान रावआ सोदोब नागिरना मोनैनि फोरमायनो हायैनि जेना, बिदि दग'-मग' हालदाव सासे सोलोंसानि सोलोंथाइ लानायनि लामायानो गुसेब जानानै थुंगे लानायनि गिनांगौ थायो । गुदि सोलोंथायनिफ्रायनो जाय गथ'आ बिमानि रावजों सोलोंथाइ लायो बियो गोरलैयैनो गियान बुधुमनो हायो आरो साबसिन लिरनानै आनजादावबो गोजौ मान लाखिनो हायो । सोलोंथाइ लानायाव गोनां जानाय गोरा गोसोखौबो (Confidence) बिमानि रावजों फरायब्लासो मोनो । जायनि जाहोनाव बै फरायसाआ बिमानि रावजों फरायब्ला बिनि फरायनाय माना गोजौ जायो ।

राव-हारिमु, सोलोंथाइ-गियान, समाज-सोदोमस्त्रि बाइदिजों मानसि आरो बै समाजनि गोथौ सोमोन्दो थायो । गोगो सोलोंथाइ लाब्लासो गुवार थुनलाइ सोरजिनो हायो, गुवार थुनलाइनि फोथारावसो गोजौ हारिमुनि जोनोम जायो । गोजौ हारिमुनि गोहोमजों मोनसे हारिनि सोदोमस्त्रिआ थांनानै थायो । गोथार सोदोमस्त्रिगोनां मानसिनि आख'ल-आखु, बाहायथिनि जौनायजोंसो गोजौ सुबुं समाजनि जोनोम जायो ।

बेखायनो सासे मानसिआ आबुडै थांना थांनांगौब्ला बिनो जों बिमानि राव सोलोंनायनि थासारि होनांगोन, अब्लासो जों मोनसे गोगो समाज दानो हागोन आरो बै समाजाव जोनोम मोननाय गथ'निफ्राय समाजा बिनि बिहोमाखौ मोननो हागोन । नैबे लिरथिनि मोनसे लोरबांधिआ जाबाय दि गोथौ आरो गुवार नोजोरजों गोगो सोलोंथाइनि गोहोमा समाज आरो मानसिनि सायाव बोरै गोलैयो बेखौसो सावरायनाय जादों । बे लिरथिजों मोजां नाम्बार लानानै गोजौ सोलोंथाइनि मान लानायखौ बुंनाय जायाखै । मोजां नाम्बार लानानै मोजां जिउ राहा मोननायजों जों उदैखौल' सुफुंनो हायो, गोसोनि गोजोन आरो मोनसे गोगो थासारि समाजाव आसा खालायनो हाया ।

जोबनायाव बेखौनो होननो हायोदि बिमानि रावजों सोलोंथाइ लायोब्लासो गथ'आ सोलोंनायाव रंजानाय मोनो आरो बिनि इउन जिउआ गोजों जायो आरो गावजों लोगोसे समाजखौ गोजौयाव दैखानो हायो । बिमानि रावआसो सासे मानसिनि गुस्थियाव गोदैं मिनिनाय लाबोनो हायो, बियो मोनसे आंगो समाज मोननो हायो, गावनि गोसोनि लुबैनायखौ मोननानै सासे राफोद समाजारि आरो नोगोरारि मानसि हिसाबै बियो मान आवग्रिना लानो हायो । नाथाय सोलोंथाइनि माना गोजौ आरो गोगो जायोब्लासो जों बिमानि रावजों सोलोंनायनि गोथौ गोहोमखौ मोननो हागोन ।



# दुलाराय बर' फरायसा आफादनि मावफारि

## जानुवारि दाननिफ्राय जुन दानसिम

2 जानुवारी, 2022

एबसुनि गाइसनगिबि गाहाइ नेहाथारि मानगोनां रुंसारि कन'केस्वर नार्जारीनि 79थि जोनोम सान फालिनाय-

एबसुनि गाइसनगिबि गाहाइ नेहाथारि मानगोनां रुंसारि कन'केस्वर नार्जारीनि 79थि जोनोम सानखौ रामफलबिल दख'रा एबसुनि बेन्दोडव थानाय कालाइगाव गेजेर फरायसालिनि गेवलां गेलेग्रा फोथाराव 2 जानुवारी, 2022 खालाराव सानसेनि मेहेरगोनां हाबाफारिजों खुंफुंनाय जायो। हाबाफारि बादियै फुंबिलि गोथार आर'जखौ जागायनानै आफादनि गोथार फिरफिलाखौ बिरहोयो मिरु एबसुनि आफादगिरि मानगोनां मुस्त्रि दिपेन बर'आ। रुंसारि कन'केस्वर नार्जारीनि सावगारियाव बिबारखौ बाउजेनो बिथानिनो आंगो बिसि मुस्त्रिमा हिराबाई नार्जारीआ। एबसुनि आफादगिरि मानगोनां मुस्त्रि दिपेन बर'आ मासि लानानै दैदेननाय गेवलां मेलखौ बेखेवनानै होयो मिरु एबसुनि बारग' गाहाइ नेहाथारि, बि.टि.आर. गोरोबथानि सागानगिरि आरो आथिखाल सानजा क'क्राझार समस्टिनि एम.एल.ए. मुस्त्रि लरेन्स इस्लारीआ। हाबाफारियाव गाहाइ आलासि महरै बाहागो लायो मिरु एबसुनि बारग' आफादगिरि आरो आथिखालनि गाहाइ मावफुं सोद्रोमा मानगोनां मुस्त्रि प्रमद बर'आ। बुंथिगिरि महरै बाहागो लायो फारियै एबसुनि बारग' आफादगिरि आरो आथिखालनि आसामनि केबिनेट मन्त्रि मानगोनां मुस्त्रि उर्खाव गोरा ब्रह्म, मावफुं सोद्रोमा मुस्त्रि रन्जित बसुमतारी (फेरेंगा) आरो बारग' मिरु एबसुनि नेहाथारि आरो सोनाब क'क्राझार समस्टिनि बारग' एम.एल.ए. परमेसर ब्रह्मआ आरो बि.टि.आर.नि गोबां मावफुं सोद्रोमा, मेलेमजिबि लोगोसे ओनसोलनि गोबां सानसुमै राइजो राजाफोरनि बाहागो लानायजों एबसुनि गाइसनगिबि गाहाइ नेहाथारि रुंसारि कन'केस्वर नार्जारीनि 79 थि जोनोम फालिनाय हाबाफारिया मोजोडैनो जाफुंसार जायो

18 जानुवारी, 2022

आसामनि गिबि मन्त्रि मानगोनां ड० हिमन्त बिश्व सर्माजों सावरायनाय।

आसामनि गिबि मन्त्रि मानगोनां ड० हिमन्त बिश्व सर्मानि हांख्राइहरनाय लेखायै 18 जानुवारी, 2022 खालाराव एबसुनिफ्राइबो आसु आरो गुबुन-गुबुन फरायसा आफादफोरबादिनो सिमा जेंनानि सायाव सावरायनाय मेलाव नं 1 गेस्ट हाउस, कईनाधरायाव बाहागो लाहैयो। आसामनि गोबाव समनिफ्रायनो नुजाबोनाय सिमा जेंनाखौ लानानै आसामनि गिबि मन्त्रि मानगोनां ड० हिमन्त बिश्व सर्माया गुबुन गुबुन माहारियारि आफाद आरो फरायसा आफादफोरखौ लानानै सावरायनाय जायो। बे सावरायनायाव गाहायै आसाम मेघालयनि सिमानि जेंनानि सायाव गुवारै सावरायनाय जादोंमोन। बे सावरायनायाव मिरु एबसुनि आफादगिरि मानगोनां मुस्त्रि दिपेन बर'जों लोगोसे गाहाइ नेहाथारि मुस्त्रि खनिन्द्र बसुमतारी आरो गेलेमु नेहाथारि मुस्त्रि गनेस बसुमतारीआबो बाहागो लाहैदोंमोन।

27 जानुवारी, 2022

2थि दुलाराय बर' फरायसा आफादा बि.टि.आर.जों लोगोसे आसाम नाडैनो बि.टि.आर. नि 2थि गोरोबथा सानखौ फालिनाय जादोंमोन।

मिरु एबसुनि बिथोन बायदियै दुलाराय बर' फरायसा आफादा बि.टि.आर.जों लोगोसे आसाम नाडैनो 27 जानुवारी, 2022 खालाराव बि.टि.आर.नि 2थि गोरोबथा सानखौ फालिदोंमोन। क'क्राझार जिल्ला एबसुआ बि.टि.आर.नि 2थि गोरोबथा सानखौ कर्माच कलेज नब्लाडव सानसेनि मेहेरगोनां हाबाफारिजों कर'ना एबा कभिड-19 नि होखानाय नेम खान्थिखौ मानिनानै फालिनाय जादोंमोन। हाबाफारि बादियै गोथार आर'जखौ जागायनानै एबसुनि फिरफिलाखौ बिरहोयो मिरु एबसुनि आफादगिरि मानगोनां मुस्त्रि दिपेन बर'

बिथाड। क'क्राझार जिल्ला एबसुनि आफादगिरि कृपेस दैमारिया मासि लानानै दैदेननाय गेवलां सावराय मेलाव मिरु एबसुनि आफादगिरि मानाव गेदेद मुस्त्रि दिपेन बर' बिथाड गहाइ बुंथिगिरि महरै बाहागो लादोंमोन।

चिरां जिल्ला एबसुआबो बि.टि.आर. गोरोबथा सान फालिनायखौ थाइखाझ'रानि दैमालु गेजेर आरो गोजौ फरायसालिनि गेवलां गेलेग्रा फोथाराव खुंफुंदोंमोन। बे गोरोबथा सान फालिनाय हाबाफारियाव एबसुनि लोगो आफादगिरि आरो बाउण्डारी कमिसननि सोद्रोमा मानगोनां मुस्त्रि खोरोमदाव औवारीआ बुंथिगिरि महरै बाहागो लाहैदोंमोन।

बागसा जिल्ला एबसुनि बानजाइनायाव बि.टि.आर. गोरोबथानि 2थि गोरोबथा सानखौ चि.के. दख'रानि बेन्दोडाव थानाय लोखिख बाजार फोथाराव सानसेनि मेहेरगोनां हाबाफारिजों खुंफुंनाय जादोंमोन। बे गोथार सानाव मिरु एबसुनि गहाइ नेहाथारि मानगोनां मुस्त्रि खनिन्द्र बसुमतारीआ गहाइ बुंथिगिरि महरै बाहागो लाहैदोंमोन।

अदालगुरि जिल्ला एबसुआबो 2थि बि.टि.आर. गोरोबथा सानखौ जिल्ला एबसुनि गहाइ मावख'यावनो सानसेनि मेहेरगोनां हाबाफारिजों गाजा गोमजायै खुंफुंनाय जादोंमोन। बे खुंफुंनाय हाबाफारियाव बुंथिगिरि महरै बाहागो लाहैयो मिरु एबसुनि लोगो आफादगिरि मानगोनां मुस्त्रि रोमदोन बसुमतारी बिथाड।

2 फेब्रुवारी, 2022

**सोलोंथाइ मन्त्रि ड० रनुज पेगुजों सावरायनायाव मिरु एबसुनिफ्राय बाहागो लाहैनाय।**

मिरु एबसुनि बिथोन बायदियै दुलाराय बर' फरायसा आफादा बि.टि.आर.जों लोगोसे आसाम नाडैनो 27 जानुवारी, 2022 खालाराव बि.टि.आर.नि 2थि गोरोबथा सानखौ फालिदोंमोन। क'क्राझार जिल्ला एबसुआ बि.टि.आर.नि 2थि गोरोबथा सानखौ कमार्च कलेज नब्लाडाव सानसेनि मेहेरगोनां हाबाफारिजों कर'ना एबा कभिड-19 नि होखानाय नेम खान्थिखौ मानिनानै फालिनाय जादोंमोन। हाबाफारि बादियै गोथार आर'जखौ जागायनानै एबसुनि फिर्फिलाखौ बिरहोयो मिरु एबसुनि आफादगिरि मानगोनां मुस्त्रि दिपेन बर' बिथाड। क'क्राझार जिल्ला एबसुनि आफादगिरि कृपेस दैमारिया मासि लानानै दैदेननाय गेवलां सावराय मेलाव मिरु एबसुनि आफादगिरि मानाव गेदेद मुस्त्रि दिपेन बर' बिथाड गहाइ बुंथिगिरि महरै बाहागो लादोंमोन।

चिरां जिल्ला एबसुआबो बि.टि.आर. गोरोबथा सान फालिनायखौ थाइखाझ'रानि दैमालु गेजेर आरो गोजौ फरायसालिनि गेवलां गेलेग्रा फोथाराव खुंफुंदोंमोन। बे गोरोबथा सान फालिनाय हाबाफारियाव एबसुनि लोगो आफादगिरि आरो बाउण्डारी कमिसननि सोद्रोमा मानगोनां मुस्त्रि खोरोमदाव औवारीआ बुंथिगिरि महरै बाहागो लाहैदोंमोन।

बागसा जिल्ला एबसुनि बानजाइनायाव बि.टि.आर. गोरोबथानि 2थि गोरोबथा सानखौ चि.के. दख'रानि बेन्दोडाव थानाय लोखिख बाजार फोथाराव सानसेनि मेहेरगोनां हाबाफारिजों खुंफुंनाय जादोंमोन। बे गोथार सानाव मिरु एबसुनि गहाइ नेहाथारि मानगोनां मुस्त्रि खनिन्द्र बसुमतारीआ गहाइ बुंथिगिरि महरै बाहागो लाहैदोंमोन।

अदालगुरि जिल्ला एबसुआबो 2थि बि.टि.आर. गोरोबथा सानखौ जिल्ला एबसुनि गहाइ मावख'यावनो सानसेनि मेहेरगोनां हाबाफारिजों गाजा गोमजायै खुंफुंनाय जादोंमोन। बे खुंफुंनाय हाबाफारियाव बुंथिगिरि महरै बाहागो लाहैयो मिरु एबसुनि लोगो आफादगिरि मानगोनां मुस्त्रि रोमदोन बसुमतारी बिथाड।

10 फेब्रुवारी, 2022

**भारतनि नख'र बिफाननि उफ्रा सेक्रेटारि मानगोनां मुस्त्रि पियुस गयेल बिथांखौ लोगो हमनाय।**

दुलाराय बर' फरायसा आफादनि आफादगिरि मानाव गेदेद मुस्त्रि दिपेन बर'नि दैदेननायाव 10 फेब्रुवारी, 2022 खालाराव बि.टि.आर. गोरोबथानि दफाफोरखौ गोरोबथा बादियैनो मावफुंनंगौनि थाखाय सा-सानजा भारतनि नख'र बिफाननि उफ्रा सेक्रेटारि मानगोनां मुस्त्रि पियुस गयेल आरो सा-सानजा भारतनि नख'र बिफाननि बोसोनगिरि मुस्त्रि ए.के.मिश्राजों गुवारै सावरायलायो। गोरोबथानि थांखि बादियैनो

1. बाउण्डारी कमिसननि गेजेरजों सिमा बारायनानै गामि सोसननाय,

2. कार्बिआंलनि बर'फोरनो हाजोआरि मोन्थाइ/ST (H) होनाय,

3. एनडिएफबिनि गाइसनगिबि आफादगिरि रन्जन दैमारीजों लोगोसे जेलाव थानाय गासैबो लिडार/केडारफोरखौ दिहुनाय,

4. बर' लाइमोनफोरखौ पारा मिलिटारीनि गेजेरजों साखियाव थिसननाय आरो आद्रा थाबावनाय दफाफोरखौ गुसुं समनि गेजेराव मावफुंनंगौनि थाखाय

मिरु एबसुनिफ्राइ गोसोखां बिलाइबो गथायनाय जायो। लोगोसे कार्बिआंलंनि बर'फोरनो फैगौ गोलोम बोथोरनि पार्लियामेन्ट जिरायनायनि सिगांनो हाजोआरि मोन्थाइखौ होनो थाखायबो एबसु आरो कार्बिआंलं जिल्लानि मोखां आफादनि दैदेनगिरिफोरजों जथायै आलादायै गोसोखां बिलाइबो गथायबावनाय जायो। बे सावरायहैनायाव मिरु एबसुनिफ्राइ फारियै लोगो आफादगिरि मुस्त्रि खोरोमदाव औवारी, गाहाइ नेहाथारि खनिन्द्र बसुमतारी आरो गेलेमु नेहाथारि गनेस बसुमतारी बिथांमोना बाहागो लादोंमोन।

11 फेब्रुवारी, 2022

**मुंदांखा लिरगिरि आरो आबदुल कालाम फाउण्डेसननि चि.इ.अ. श्रीजन पाल सिंखौ लोगो हमनाय।**

मिरु एबसुनि आफादगिरि मानाव गेदेद मुस्त्रि दिपेन बर'नि दैदेननायाव 11 फेब्रुवारी, 2022 खालाराव बिथांखौ मुंदांखा लिरगिरि आरो आबदुल कालाम फाउण्डेसननि चि.इ.अ. श्रीजन पाल सिंखौ लोगो हमनानै एबसुनि 54थि थान्दै जख'न्थायाव सोल्लोथाइनि सावरायमेलानाव जर'खा आलासि महरै मोननायनि थाखाय हांख्रालाइ गथायनाय जादोंमोन। दुलाराय बर' फरायसा आफादनि 54थि थान्दै जख'न्थाइआ कार्बिआंलं जिल्लानि लांहिन टाउननि हाजोआरि फोथाराव फैगौ 3, 4 आरो 5 मार्च, 2022 आव सान्थामनि मेहेरगोनां हाबाफारिजों गाजा गोमजायै खुंफुं नो थाखाय थि खालामनाय जादों।

चि.इ.अ. श्रीजन पाल सिंआ बर' हारिनि माहारियारि आफाद एबसुनि 54थि थान्दै जखन्थाइजों लोब्बा लाखिनानै 4 मार्च अक्ट'खालि खुंफुंजानो गोनां सोल्लोथाइनि सावरायमेलानाव गावखौ जर'खा आलासि महरै हांख्राइनायाव जोबोद गोजोननायखौ फोरमायनानै हाबाफारियाव गोसो गुदुडैनो बाहागो लाफैनो खोथा होदोंमोन। बे लोगो हमहैनायाव मिरु एबसुनि लोगो आफादगिरि मुस्त्रि खोरोमदाव औवारी, गाहाइ नेहाथारि खनिन्द्र बसुमतारी आरो गेलेमु नेहाथारि मुस्त्रि गनेस बसुमतारी बिथांमोना बाहागो लादोंमोन।

15 फेब्रुवारी, 2022

**दुलाराय बर' फरायसा आफादनि 55थि गायसन्थाइ सान फालिनाय-**

दुलाराय बर' फरायसा आफादनि 55थि गायसन्थाइ

सानखौ मिरु एबसुआ गवालपारा जिल्ला एबसुनि मददजों रंजुलिनि रौमारि गुदि फरायसालि गेलेग्रा फोथाराव सानसेनि मेहेरगोनां हाबाफारिजों खुंफुंनाय जादोंमोन। हाबाफारि बादियै फुंबिलिनि गोथार आर'जखौ जागायनानै एबसुनि फिर्फिलाखौ बिरहोयो मिरु एबसुनि आफादगिरि मानाव गेदेद मुस्त्रि दिपेन बर'आ आरो बड'फा उपेन्द्र नाथ ब्रह्मनि मुसुखायाव बिबारखौ बाउजेनो गवालपारा जिल्ला बर' थुनलाइ आफादनि आफादगिरि मुस्त्रि जयन्त पातगिरिआ। आरोबाव बड'लेण्ड मुंख्ळंफोरनिसिम बिबारखौ बाउजेनो एबसुनि बारग' हारिमु नेहाथारि मुस्त्रि नारायन स्वर्गियारीआ आरो गोजोन आरो खौसेथिनि थाखाय फारौ आरो बेलुनखौ बिरहोजेनो फारियै दुधनै फरायसालिमानि आजिरा मोननाय एस'सियेट प्रफेसर ड० जिबेशर कोच आरो मुस्त्रि अनन्त कुमार बर'आ।

गायसन्थाइ सान फालिथाइजों लोब्बा लाखिनानै "बर' हारिखौ गावनि एखुथा सिनायथिनि गेजेरजों गेरेमसा माहारि महरै दाफुंनायाव दुलाराय बर' फरायसा आफादनि बिफाव" आइदाखौ लानानै सावराय मेलबो लानाय जादोंमोन बे सावरायमेलखौ मासि लानानै दैदेनो मिरु एबसुनि आफादगिरि मुस्त्रि दिपेन बर'आ आरो गेवलां मेलखौ बेखेवनानै होदोंमोन क'क्राझार सरकारि फरायसालिमानि आजिरा मोननाय गोरायुं ड० सुरथ नार्जारीआ।

गेवलां मेलानाव गाहाइ आलासि महरै बाहागो लायो बर' थुनलाइ आफादनि आफादगिरि मानगोनां मुस्त्रि तरेन बर' बिथाड। थांखिजानाय बुंथिगिरि महरै बाहागो लादोंमोन फारियै एबसुनि बारग' लोगो गाहाइ नेहाथारि मुस्त्रि अनसुला गोरा बड'सा आरो दुलाराय राभा फरायसा आफादनि आफादगिरि मानगोनां मुस्त्रि नृपेन खान्दा बिथांमोना। बुंथिगिरि महरै बाहागो लाबावनो हादोंमोन बर' रेबग्रा जथुमनि गाहाइ नेहाथारि मुस्त्रि आनन्द राम दैमारी आरो दुलाराय बर' गुदि फोरोंगिरि आफादनि लेडाइ आफादगिरि मुस्त्रि कामिनि बसुमतारीआ। माननि आलासि महरै बाहागो लायो फारियै मुस्त्रि थानेस्वर ब्रह्म दैमारी (गाहाइ नेहाथारि, दुलाराय बर' गुदि फोरोंगिरि आफाद, आसाम), निरन खाख्लारी (अर्गेनाइजिं सेक्रेटारि, दुलाराय बर' हारिमु आफाद), कनिष्क' हाजवारी (बर' सुबुं हारिमु सरैखा आरो जौगाथाइ आफाद) आरो पुर्ण चन्द्र खाख्लारी (बिफान गाहाइ, बर' बिफान दुधनै फरायसालिमा) आरो हाबाफारियावनो ओनसोलनि सिडव थानाय मेलेमजिबिफोर, फोरोंगिरिफोर, राइजो राजाफोर आरो फरायसाफोरनि मैखोमै बाहागो लानायजों हाबाफारिया मैखोमैनो जाफुंसारो।

चिरां जिल्ला एबसुनि बानजाइनायाव जिल्ला सिंनि गुबुन-गुबुन फरायसालिमानि फरायसाफोरखौ लानानै सावरायनाय ।

चिरां जिल्ला एबसुनि बानजाइनायाव 17 फेब्रुवारी, 2022 खालाराव बासुगाव कलेज, बासुगाव जुनियर कलेज आरो बासुगाव हायार सेखण्डारिनि बर' फरायसाफोरखौ लानानै बर' माहारियारिबादनि सायाव सावराय मेल खुंदों । बे सावराय मेलखौ मासि लानानै दैदेन्दोंमोन चिरां जिल्ला एबसुनि सोलोंथाइ नेहाथारि मुस्त्रि थेबासोन ब्रह्म बिथाड । बे सावराय मेलावनो हांखायनाय लेखायै मिरु एबसुनि गाहाइ नेहाथारि मानगोनां मुस्त्रि खनिन्द्र बसुमतारी बिथाड गाहाइ बुंथिगिरि महरे बाहागो लाहैदोंमोन । सावराय मेलावनो मिरु एबसुनिफ्राइ फारियै गेलेमु नेहाथारि मुस्त्रि गनेस बसुमतारी, सुबुं फोनांजाब नेहाथारि अबित नार्जारी, बासुगाव कलेजनि गोरायुं ड० रनेन चन्द्र मुसाहारी आरो चिरां जिल्ला एबसुनि दैदेनगिरिफोरा बाहागो लायो ।

एबसुनि जारिमिन लिरथुम आफादनि 2थि सावराय जथुम लानाय ।

एबसुनि जारिमिन लिरथुम आफादनि सेयारमेन मानगोनां ड० सुरथ नार्जारीनि मासि लानानै दैदेननायाव 17 फेब्रुवारी, 2022 खालाराव जारिमिन लिरथुम आफादनि बोसोरनि 2थि सावराय जथुमा एबसुनि गाहाइ मावख' बड'फा हाउस बागानसालियाव लानाय जादोंमोन । सावरायलायनायनि गेजेरजों बयनिबो बिबुंथि आरो थांखिजों एबसुनि जारिमिन लिरथुम आफादनि इयुन समाव मावलांनो गोनां हाबाफारिनि सायाव गुवारै सावरायलायो ।

बे सावराय मेलाव एबसुनि आफादगिरि मानगोनां मुस्त्रि दिपेन बर'जों लोगोसे, लोगो आफादगिरि खोरुमदाव औवारी, गाहाइ नेहाथारि खनिन्द्र बसुमतारी, बुंथिगिरि जनक उजिर, सुबुं फोनांजाब नेहाथारि दिनेस ब्रह्म आरो गेलेमु नेहाथारि गनेस बसुमतारी बिथांमोनाबो बाहागो लायो ।

## 22 फेब्रुवारी, 2022

बि.टि.आर. गोरोबथानि 5.2 दफा बादियै आसाम सरकारनि प्रिन्सिपाल सेक्रेटारिनि बानजाइनायाव

एबसु, बि.टि.सि. सरकार आरो आसाम सरकारनि गेजेराव एडबाइजारि कमिटिनि सावरायनायाव बाहागो लाहैनाय ।

बि.टि.आर. गोरोबथानि 5.2 दफा बादियै आसाम सरकारनि प्रिन्सिपाल सेक्रेटारिनि बानजाइनायाव 22 फेब्रुवारी, 2022 खालाराव एबसु, बि.टि.सि. सरकार आरो आसाम सरकारनि गेजेराव एडबाइजारि कमिटिनि सावरायनाया सनितपुर जिल्ला डि.चि. मावखुलिनि कनफारेन्स हलआव सानजौफुनि थि 11 रिंगानिफ्राय जादोंमोन । बे सावरायनायखौ मासि लानानै दैदेनदोंमोन आसामनि केबिनेट मिनिस्टार मानगोनां मुस्त्रि उर्खाव गोरा ब्रह्म (हेन्दलुम & टेक्सटाइल एण्ड सइल कन्जारभेटर, वेलफार अफ बड'लेण्ड डिपार्टमेन्ट)आ । बे सावरायनायाव गाहायै सनितपुर आरो बिस्वनात जिल्लानि गाहाइ जेंना महरे बर'फोरनो हा होनायनि खामानिफोरखौ गोख्रै खालामनायजों लोगोसे सनितपुराव थांनाय 3 फेब्रुवारीनिफ्राय 18 फेब्रुवारीनि गेजेराव हियारिं जानायाव गासै गं 45 एफ.आर.चि , गासै सा 334 बेकतिथ' दाबिदार आरो गं 66 कमिउनिटि दाबिदारा हियारिं फैयैखौ सपतासेनि गेजेरावनो हियारिं खालामनांगौ आरो जायफोर सुबुंफोरा 13 डिसेम्बर 2006 मायथाइनि सिगाडवनो दडमोन नाथाय गुबुन-गुबुन जाहोनाव एफ्लाइ खालामनो थालांदोंमोन बिसोरखौबो गोदानै एफ्लाइ खालामनायनि खाबु होनांगौ होननानै एबसुनिफ्राय हियारिं फैयैनि डाताफोरखौ आबुडै गथायनाय जादोंमोन । बे सावरायनायाव मिरु एबसुनि आफादगिरि मानाव गेदेद मुस्त्रि दिपेन बर'आ बि.टि.आर. गोरोबथानि 5.3 दफा बादियै सनितपुर आरो बिस्वनात जिल्लानि बर'फोरनो हानि मोन्थाइ होनायखौ थाबैनो मावफुंजोबनांगौ होननानै 5.2 दफाजों सोमोन्दो थानाय जेरै सोलोंथाइ आरो गोबां जौगालु खामानिफोरनि जेंनाफोरखौ सम बादियैनो मावफुं जोबनांगोन होननानै वेलफार अफ बड'लेण्ड डिपार्टमेन्टनि आसामनि केबिनेट मिनिस्टार मुस्त्रि उर्खाव गोरा ब्रह्मजों लोगोसे आसामनि प्रिनसिपाल सेक्रेथारि मुस्त्रि मुकेस साहुखौबो खावलायदोंमोन ।

बे सावरायनायाव मिरु एबसुनि आफादगिरि मानाव गेदेद मुस्त्रि दिपेन बर'नि दैदेननायाव मिरुनिफ्राइ फारियै बोसोनगिरि खुंखा स्वर्गियारी, नेहाथारि मुस्त्रि बिरदाव बर', सुबुं फोनांजाब नेहाथारि अबित नार्जारी, सोलोंथाइ नेहाथारि सोमावसार बसुमतारी, सनितपुर आरो बिस्वनात जिल्ला एबसुनि दैदेनगिरिफोर, बर' थुनलाइ आफादनि गाहाइ नेहाथारि मुस्त्रि प्रसान्त बर', मोननै जिल्लानि बर' थुनालाइ आफादनि दैदेनगिरिफोर, सनितपुर जिल्ला एबसुजों दाजानाय जिल्ला एफ.आर.चि.नि आफादगिरि नेहाथारिआबो बाहागो लादोंमोन ।



लोगोसे बि.टि.आर. सरकारनिफ्राइ गाहाइ मावफुं सोद्रोमा मानगोनां मुस्त्रि प्रमद बर', डेपुटि सिफ गबिन्द बसुमतारी, फरेस्ट बिफाननि इ.एम. रन्जित बसुमतारी, बि.के.डाब्लिउ.ए.चि.नि गाहाइ मावफुं सोद्रोमा मुस्त्रि मिहिनिस्वर बसुमतारी, डेपुटि सिफ रमिअ पि. नार्जारी, सनितपुर आरो बिस्वनात जिल्लानि डि.चि. मोननै जिल्लानि डि.एफ.अ. मोननै जिल्लानि ए.डि. चि. रेभिनिउ आरो डिजेस्टार मेनेजमेन्ट/इडुकेसन, मोननै जिल्लानि डिभिज'नेल फरेस्ट अफिसारफोर आरो बि.टि.चि. नि प्रिनसिपाल सेक्रेटारि नरेन चन्द्र बसुमतारीआबो बाहागो लादोमोन।

2 मार्च, 2022

### बड'लेण्ड दाबि सान फालिनाय।

2 मार्च, जारिमिनारि बड'लेण्ड दाबि सान (BODOLAND DEMAND DAY) खौ देग्लाइ मिरु दुलाराय बर' फरायसा आफादा आफादिनि गाहाइ मावख' बड'फा हाउसआवनो फालियो। हाबाफारि बादियै फुंबिलिनि गोथार आर'जखौ जागायनानै आफादिनि फिर्फिलाखौ बिरहोयो मिरु एबसुनि लेडइ आफादगिरि मानगोनां मुस्त्रि खोरोमदाव औवारीआ आरो बड'फानि सावगारियाव बिबारखौ बाउजेनो बुंथिगिरि जनक उजिरआ। फिर्फिला बिरहोनायजों लाखिनाय सुंद बिबुंथियाव मिरु एबसुनि लेडइ आफादगिरि मानगोनां मुस्त्रि खोरोमदाव औवारीआ बयनिसिमबो बड'लेण्ड दाबि साननि गाहाम हामलाइथि बाउहरनानै सोमावसारनायखौ दोन्थ'दोंसो फोजोबाखै होननानै गावनि बिबुंथियाव बुंदोंमोन। जारिमिनारि 2 मार्चखौ आसामनाडैनो दिनै जिल्ला, दख'रा आरो दालाइसा एबसुआ फालिदों।

3 मार्च, 2022

### मिरु एबसुनि 54थि थान्दै जख'न्थाइ खुंफुनाय।

मिरु एबसुनि 54थि थान्दै जख'न्थाइया सान्थामनि मेहेरगोनां हाबाफारिजों कार्बि आंलं जिल्लानि लांहिन नोगोराव थानाय हाजोआरि फोथाराव 3 मार्च, 2022 खालारनिफ्राय जागायदोंमोन। साननि गुबुन-गुबुन हाबाफारिफोरजों लोगोसे मिरु एबसुनि बुंथिगिरि मानगोनां मुस्त्रि जनक उजिर बसुमतारी आरो लोगो बुंथिगिरि

बिबारि बर'आ मासि लानानै दैदेननाय थान्दै मेलखौ बेखेवनानै होदोंमोन बि.आर.एम. सरकारि आयेन फरायसालिमानि एसिस्टेन्ट प्रफेसार ड० प्रहलाद ब्रह्म बिथाड। बे थान्दै मेलाल मिरु एबसुनि आफादगिरि आरो गाहाइ नेहाथारिखौ लाफानानै गासै सा 27 बिबानगिरिफ्रा बाहागो लानायजों लोगोसे सा थामरोजा (3000) निबो बांसिन थान्दै आरो नोजोरबोआरिफोरा बाहागो लादोंमोन।

### 4 मार्च, 2022 :

नैथि साननि गिबि हाबाफारि बादियै फुंबिलिनि गोथार आर'जखौ जागायनानै एबसुनि गोथार फिर्फिलाखौ बिरहोयो मानाव गेदेद मुस्त्रि दिपेन बर'आ। फिर्फिला बिरहोनायजों लोब्बा लाखिनाय बिबुंथियाव बिथाड बि.टि.चि. गोरोबथानि गेजेरजों कार्बि आंलंनि बर'फोरनो हाजोआरि मोन्थाइ होनांगौनि थाखाय दफा लाबोफादोंमोनब्लाबो थानाय गोलाउ समाव सरकारा मावफुंनानै होदिया होननानै दुखु फोरमायना, बि.टि.आर. गोरोबथानि गेजेरजों बै एखे दफाखौनो फिन लाबोफानाय जादों होननानै बे खेबाव बि.टि.आर. गोरोबथा बादियै कार्बि आंलंनि बर'फोरनो हाजोआरि मोन्थाय ST(H) खौ गुसुं समनि गेजेराव होनो एबसुआ मावनांगौ खामानिफोरखौ मावगासिनो दड होननानै गावनि बिबुंथियाव रोखायै बुंथिना होदोंमोन।

एबसुनि 54थि थान्दै जख'न्थाइनि नैथि साननि फुंबिलिनि थिखानाय हाबाफारि बादियै बड'लेण्ड मुंक्लंफोरनो बिबारखौ बाउजेनो एबसुनि बोसोनगिरि मानगोनां मुस्त्रि खुंखा स्वर्गियारिआ। बर'नि गेदेमा अलंबार सुबुंफोरखौ मान बाउनानै आलारि बाथि सावनाय हाबाफारियाव आलारि बाथिखौ फोजोंजेनो साहित्य' अकाडेमि बान्था मोनगिरि मानगोनां ड० प्रेमानन्द मोसाहारीआ।

नैथि साननि थिखानाय हाबाफारि बादियै मिरु एबसुनि लेडइ आफादगिरि मानगोनां मुस्त्रि खोरोमदाव औवारीआ मासि लानानै दैदेननाय “गोदान सोलोंथाइ बिखान्थि 2020 आरो बिमा रावनि बिजोंजों गुन गोनां सोलोंथाइखौ जौगाहोनायाव जुजिनां बिथिं ” आयदानि सायाव गेवलां सावराय मेलाल बेखेवगिरि महरै बाहागो लाहैदोंमोन आसामनि सोलोंथाइ मन्त्रि मानगोनां ड० रनुज पेगु बिथाड।

### 5 मार्च, थामथि साननि हाबाफारि

थिखानाय हाबाफारि बादियै मिरु एबसुनि लोगो आफादगिरि मानगोनां मुस्त्रि खोरोमदाव औवारीआ मासि

लानानै दैदेननाय “गोदान सोलोंथाइ बिखान्थि 2020 आरो बिमा रावनि बिजोंजों गुन गोनां सोलोंथाइखौ जौगाहोनायाव जुजिनां बिथिं ” आयदानि सायाव गेवलां सावराय मेलाव बेखेवगिरि महरै बाहागो लाफैयो आसामनि सोलोंथाइ मन्त्रि मानगोनां ड० रनुज पेगुआ। हाबाफारियाव जर'खा आलासि महरै बाहागो लायो मुंदांखा लिरगिरि, ससियेल इन्टाप्रेनारसिफ, चाइनटिस्ट आरो ए.पि.जे. आबदुल कालाम चेन्टारनि चि.इ.अ. आरो क'-फाउण्डार श्रीजन पाल सिंआ। हाबाफारियाव बुंथिगिरि महरै बाहागो लाफैयो मुस्त्रि जगदिश प्रसाद ब्रह्म (ए.इ.एस. सोलोंथाइ बिथोनगिरि, बि.टि.सि.), मुस्त्रि कृष्ण गपाल बसुमतारी (बिथोनगिरि इउ.एन.एकाडेमि, क'क्राझार) आरो थांखिजानाय बुंथिगिरि महरै बाहागो लायो ड० समुज्जल कुमार भट्टाचार्य (गाहाइ बोसोनगिरि, आसु) आ। लोगोसे बे हाबाफारियावनो गेदेमा सुबुंमोनखौ मानबो बाउनाय जादोंमोन। दुलाराय बर' फरायसा आफादनि 54थि थान्दै जखनथाइजों लोब्बा लाखिनानै 4 मार्च, 2022 खालाराव जर'खा खन्थाइ जथुम हाबाफारिबो खुंफुंनाय जादोंमोन। गौहाटी मुलुहसोलोंसालिमानि सुबुं हारिमु बिजिरसं बिफाननि, बिफान गाहाइ, प्रफेसार अनिल बर' बिथानि मासि लानानै सामलायनाय हाबाफारिखौ आसामनि केबिनेट मन्थि मुस्त्री उर्खाव गोरा ब्रह्म बिथाड बेखेवनानै होदोंमोन। हाबाफारियावनो सानजा क'क्राझार बियाबनि एम.एल.ए. मानगोनां मुस्त्री लरेन्स इसलारी, गागि थुनलाइगिरि फारियै ड० प्रेमानन्द मुसाहारी, साहित्य अकाडेमी बान्था मोनगिरि, मुस्त्री बिसिश्वर बसुमतारी, बारग' लोगो आफादगिरि बर' थुनलाइ आफाद, मुस्त्री अरबिन्द उजीर, साहित्य अकाडेमी बान्था मोनगिरि, मुस्त्री रीतुराज बसुमतारी, आरो गोबां खन्थाइगिरि बिथामोना बाहागो लानानै जाफुंसार खालामदोंमोन।

**थामथि साननि हाबाफारि :-** थामथि साननि हाबाफारि बादियै हारिमुवारि हानजा सुरनाय हाबाफारिखौ फ्लेगअफ खालामनानै होदोंमोन साहित्य अकाडेमि बान्था आजावगिरि अरबिन्द उजिरा।

**8 मार्च, 2022**

**मुलुगनां आइजो सान फालिनाय-**

मिरु एबसुआ बोसोरफ्रोमबो बर' आइजोफोरखौ फारफ्रोमबो बिथिडव सांग्राथि होनाय थांखिजों 8 मार्च “मुलुगनां आइजो सान” खौ जायगा-जायगा खुंबोबाय थाबोदों।

देग्लाइबो मिरु आरो क'क्राझार जिल्ला एबसु जथायै सा

क'क्राझार दख'रा एबसुनि बेन्दोडव थानाय राजा इरागदाव नब्लांआव “Gender Equality Today for a Sustainable Tomorrow” आयखौ लानानै सानसेनि मेहेरगोनां हाबाफारिजों खुंफुंनाय जादोंमोन। हाबाफारि बादियै फुंबिलिनि गोथार आर'जखौ जागायनानै आफादनि गोथार फिर्फिलाखौ बिरहोयो मिरु एबसुनि नेहाथारि रंगिना बरगयारीआ। मुंख्ळं खामफायाव बिबारखौ बाउजेनो लोगो बुंथिगिरि बिबारि बर', मुंख्ळं गाइदे बसुमतारीनि सावगारियाव बिबार बाउजेनो लोगो हारिमु नेहाथारि कनिका बर' आरो मुंख्ळं हेलेना बसुमतारीनि सावगारियाव बिबार बाउजेनो आइजो लिरगिरि गौथुमनि गाहाइ नेहाथारि धिर्ज्य ज्योति बसुमतारीआ। बे गेवलां सावराय मेलाव गाहाइ आलासि महरै बाहागो लायो जनता फरायसालिमानि लोगो बिबुंगोरा ड० चिरुथि स्वर्गियारीआ।

सावराय मेलाव बुंथिगिरि महरै बाहागो लायो फारियै बर' आयजो लिरगिरि गौथुमनि आफादगिरि उत्तरा बैसोमुथियारी। हाबाफारिया आइजोफोरनि खन्थाइ आवरायनाय, मोसानाय आरो मैखोमै बाहागो लानायजों मोजाडैनो मोजां जाफुंसार जायो।

**11 मार्च, 2022**

**सेबानि सेयारमेन मानगोनां मुस्त्रि आर.**

**चि.जैनजों सावरायनाय-**

मिरु एबसुनि आफादगिरि मानाव गेदेद मुस्त्रि दिपेन बर'नि दैदेननायाव दिनै मिरुनि मोनसे थान्दै हानजाया मेट्रिक आनजादनि सायाव सेबानि सेयारमेन मानगोनां मुस्त्रि आर. चि.जैनजों सावरायलायदों। आर.चि.जैनखौ लोगो हमनानै गाहाइयाव होनाय आइदानि सायाव गुवारै सावरायलायनाय जादोंमोन-1. फैगौ 15 मार्चनिफ्राय जानो गोनां मेट्रिक आनजादखौ मोजाडैनो खुंफुंनाय। 2. देग्लाइ 2022 नि मेट्रिक आनजादा 60 जौखोन्दो सेलेबासनि सायावनो जानाय। 3. कभिड-19 जों गाग्लोबजानाय फरायसाफोरखौ आलादा खथायाव आनजाद लिरहोनाय 4. आनजाद समाव जाहाथे कारेन्टआ दसेबो थाड बिनि थाखाय ए.पि.डि.चि.एल. नो लाइजाम हरनानै राहा खालामनाय आरो 5. मोनफ्रोमबो आनजाद हलआवनो चि.चि.टि.बिखौ आबुडै होजोबनाय आइदाफोरखौ लानानै गुवारै सावराय लायो।

लोगोसे बर' बिजोनि सा 17,910 फरायसाफोरनो मिरु एबसुनि आफादगिरि मानाव गेदेद मुस्त्रि दिपेन बर'आ जर'खायै गाहाम हामलाइथि बाउहरनानै मोनफ्रोमबो बिजोनि साफ्रोमबो मेट्रिक आनजाद लिरगोन फरायसाफोरनो हामलाइथि बाउहरो। बे सावरायनायाव सेबानि सेक्रेटारि एन.एन.नाथजों लोगोसे एबसुनिफ्राइ सोलोंथाइ नेहाथारि मुस्त्रि सोमावसार बसुमतारी आरो सुबुं फोनांजाब नेहाथारि सरन्जित नार्जिनारीआबो बाहागो लायो।

**13 मार्च, 2022**

**बि.टि.सि. नि सोलोंथाइ बिफान आरो बि.टि.सि. नि सोलोंथाइ बिथोनगिरिनि बान्जायनायाव सोलोंथाइनि गोबां गोनां-गोनां आयदाखौ सावरायनाय-**

बि.टि.सि. नि सोलोंथाइ बिफान आरो बि.टि.सि. नि सोलोंथाइ बिथोनगिरिनि बान्जायनायाव सोलोंथाइनि गोबां गोनां-गोनां आयदाखौ लानानै दिनै बि.टि.सि. सेक्रेटारियेटनि कनफारेन्स हलाव सावरायनाय जादोंमोन। जथुमनायखौ मोननै खोलोबाव बाहागो खालामनानै गोथौ आरो गेबेडै सावरायनाय जायो। सेथि खोलोब : फुंबिलि 11:00 रिंगायाव गिबि खोलोबनि सावरायनायाव सोनाब बंग' (West Bengal) राज्योआव इं 2015 माइथायनिफ्रायनो बर' राव सोलोंनाय मिरु (Bodo Language Learning Centre) नि सोमोन्दै गुवारै आरो गेबेडै सावरायनाय जायो। मिरु दुलाराय बर' फरायसा आफाद, मिरु बर' थुनलाइ आफाद, सोनाब बंग' बर' थुनलाइ आफाद, सोनाब बंग' दुलाराय बर' फरायसा आफाद, सोनाब बंग' बर' समाज आरो क'क्रझार, चिरां, बाक्सा आरो अदालगुरि जिलानि IS बिथामोना बाहागो लानाय सावरायनायखौ दैदेनदोंमोन बि.टि.सि. नि सोलोंथाइ बिफाननि सेक्रेटारी अमर ज्योति बर्मन, ACS बिथाड।

बि.टि.सि. नि गाहाइ मावफुं सोद्रोमा मुस्त्रि प्रमद बर' बिथाडबो online नि गेजेरजों सावरायनायाव बाहागो लायो आरो बर' राव सोलोंनाय हाबाफारिखौ सोनाब बंग' राज्योआव खालाम लांबाय थागोन होन्नानै बुंथियो आरो बेनि

थाखाय बि.टि.सि. सोरखारनिफ्राय हानायसिम मदद होगोन होन्नानै थांखि लायो। एबसुनि मानगोनां आफादगिरि मुस्त्रि दिपेन बर'बिथाड बे हाबाफारिखौ मोगथाडव आरोबाव साबसिनै जाफुंसार होनो थाखाय माखासे systematic strategy आजवनानै खामानि मावलांनायनि सायाव गोनांथि होनानै एबसुआ अरायबो बे बर' राव सोलोंनाय हाबाफारिखौ जाफुंसार होनो खामानि मावलांगोन होन्नानै बुंथिदोंमोन। जथुमनायनि गेजेरजों NEP 2020 नि खान्थि बादियै सोनाब बंग' राज्योआवबो बर' बिजोंखौ गुदि फरायसालियाव फोरोंथाय होनो हानाय खाबुखौ मोनहोनायनि थाखाय एबसु आरो बर' थुनलाइ आफादजों जथायै सोनाब बंग'नि गिबि मन्थ्रिखौ लोगो हमनानै सावरायनायनि सायाव गोथौयै सावरायो आरो थांखि लायो। बर' राव सोलोंनाय मिरुखौ मोनसे बिमुं होनानै बेखौ मोनसे सामलाय आफाद दानानै मावलांबाय थानो थाखाय थांखि आजवनाय जायो। आरोबाव फैबाय थानाय समाव बर' राव सोलोंनाय मिरुखौ साबसिन खालामनो थाखाय सोनाब बंग' बर' थुनलाइ आफाद, सोनाब बंग' दुलाराय बर' फरायसा आफाद आरो सोनाब बंग' बर' समाजनि जथाय मददजों मावलांबाय थानाय जागोन होन्नानै थांखि लायो। बेनि अनगायैबो चराइदेउ जिला, दिब्रुगड़ जिल्ला आरो सन'वाल कछरी अट'नमास काउन्सिलआवबो बर' राव सोलोंनाय मिरुखौ थाबैनो मावफुंनायनि थाखाय खामानि मावनो थांखि लानाय जायो।

**नैथि जथुम: बेलासिनि 1:00 रिंगा-** नैथि खोन्दोनि सावरायनायाव School Amalgamation आरो School Merger नि सायाव गुवार आरो गोथौयै सावरायनाय जायो। मिरु दुलाराय बर' फरायसा आफाद आरो मिरु बर' थुनलाइ आफादनि बिबानगिरिफोरनि बाहागो लानाय सावरायनायाव बर' बिजोनि फरायसालिफोरखौ amalgamation आरो Merger खालामनायनि सायाव गोखों आरो गेबेडै नायबिजिरनायनि गेजेरजों मावफुंलांनायनि सायाव गोनांथि होनानै सावरायनाय जायो आरो बेनि थाखाय सोरखारखौ राहा लानो खावलायो। Backlog posts, OBB teachers appointment, drop post आरो फरायसालिमाफोराव थालांनाय बिफानफोरखौ regular खालामनाय बायदि बायदि गोबां गोनां-गोनां आयदाखौ लानानै सावरायनाय जायो आरो बेफोरखौ थाबैनो मावफुंनो थाखाय सोरखारखौ नारसिननाय जायो।

हाबाफारियाव मिरु एबसुनिफ्राय फारियै मानगोनां आफादगिरि मुस्त्रि दिपेन बर', लेडइ आफादगिरि मुस्त्रि

खोरोमदाव औवारी, गाहाइ नेहाथारि मुस्त्रि खनिन्द्र बसुमतारी, लोगो गाहाइ नेहाथारि मुस्त्रि दिनेश ब्रह्म, सुबुं फोनांजाब नेहाथारि मुस्त्रि सरनजित नार्जिनारी आरो सोलोंथाइ नेहाथारि मुस्त्रि सोमावसार बसुमतारी बिथांमोना बाहागो लादोंमोन ।

## 25 मार्च, 2022

### आगु रंजालि बैसागु फालिनायनि आलासि हांखायनायनि थांखिजों लोगो हमहैनाय-

दुलाराय बर' फरायसा आफादा बर'नि माहारियारि फोर्बो आगु रंजालि बैसागु फोर्बोखौ फालिनो थाखाय गाहाइ आलासि महरै बाहागो लाहोनायनि थांखिजों भारतनि केबिनेट मिनिस्टार मुस्त्रि अर्जुन मुण्डा (मिनिस्ट्र अफ ट्राइबेल एपियार्स) खौ लोगो हमहैदोंमोन । मिरु एबसुनि आफादगिरि मानाव गेदेद मुस्त्रि दिपेन बर'नि दैदेननायाव मिरुनि मोनसे हानजाया भारतनि केबिनेट मिनिस्टार मुस्त्रि अर्जुन मुण्डा (मिनिस्ट्र अफ ट्राइबेल एपियार्स) खौ लोगो हमनानै हांखाइलाय लाइजामखौ बिथांनि मावख'यावनो गथायदोंमोन । लाइजामखौ मोननानै बिथाड बर'नि माहारियारि फोर्बो आगु रंजालि बैसागु फालिनायाव भारत बाइदि गेदेरथार हादोराव एबसुआ गावखौ गाहाइ आलासि महरै हांखाइनाया गावनि जिउनि थाखाय जोबोद गोग्गाथाव आरो खाफाल गोनां होननानै हाबाफारियाव गोसो गुदुडै बाहागो लाथारगोन होननानै एबसुनो खोथा होदोंमोन । बे हांखाइहैनयाव मिरु एबसुनि लेड्डाइ आफादगिरि मानगोनां मुस्त्रि खोरामदाव औवारीजों लोगोसे नर्थ इस्ट इउट फाउण्डेसननि फाउन्दार मुस्त्रि रन्जन कुमार बरुवायाबो बाहागो लादोंमोन ।

## 30 मार्च, 2022

### 30 मार्च, जोहोलाव बालिराम बर'नि 26थि मुंख्लं सान फालिनाय-

30 मार्च, जोहोलाव बालिराम बर'नि 26थि मुंख्लं सानखौ बोसोरफ्रोमबो फालिबोनाय बादिनो देगलायबो मिरु आरो अदालगुरि जिल्ला एबसु जथायै देउलगुरिनि हरिसिंगा माल्टि पार्पस हिनजावसा गोजौ फरायसालिनि गेलेग्रा फोथाराव सानसेनि मेहेरगोनां हाबाफारिजों गाजा गोमजायै खुंफुनाय जायो । गिबियावनो जोहोलाव बालिराम बर'नि मांख'रसालियाव थांना बिबार बाउजेनो एबसुनि लोगो आफादगिरि मुस्त्रि खोरोमदाव औवारी, जोहोलाव बालिराम बर'नि बिमानि मांख'रसालियाव बिबार बाउजेनो फिसाजो मुस्त्रिमा मनमति बर'आ ।

हाबाफारि बायदियै दुलाराय बर' फरायसा आफादनि फिरफिलाखौ ससे बिरहोयो एबसुनि आफादगिरि मुस्त्रि दिपेन बर'आ, मुंख्लं बालिराम बर'नि सावगारियाव बिबार बाउजेनो बालिराम बर'नि दुइसिन बिनानाव मुस्त्रिमा मनमति बर'आ, गोजोन आरो खौसेथिनि थाखै फारौखौ बिरहोजेनो मुस्त्रि खगेन बसुमतारी, बारग' रादाब बुंथिगिरि एबसु आरो दुलाराय बर' हारिमु आफादनि गाहाइ नेहाथारि मुस्त्रि बिजुइल नेलसन दैमारी बिथांमोना । गेवलां मेल बेखेवगिरि महरै एबसुनि बारग' लोगो आफादगिरि मुस्त्रि रबिनन्द्र मुसाहारी बिथाड बाहागो लादोंमोन, जर'खा आलासि महरै बाहागो लायो आसामनि केबिनेट मन्थि मुस्त्रि उर्खाव गोरा ब्रह्म, बिथाड जर'खा आलासि महरै बाहागो लानानै जोहोलाव बालिराम बर'नि मुडव सेबखांजानाय "मुंख्लं बालिराम बर' " बिजाबखौ बेखेवनानै होदोंमोन ।

हांखायजानाय आलासि महरै बाहागो लायो मिरु एबसुनि बारग' गाहाइ नेहाथारि मुस्त्रि नाथुराम बर' आरो आथिखालनि मासिगिरि आर्टफेद, आसाम, एबसुनि बारग' लोगो आफादगिरि मुस्त्रि बिरसन हायनारि, मुस्त्रि पुरण' बर' बारग' लोगो आफादगिरि एबसु, मुस्त्रि बाबुल बसुमतारी, बारग' लागो गाहाइ नेहाथारि एबसु, मुस्त्रि नरेन बर' बारग' बाथ्रा दान्थे नेहाथारि, एबसु, मुस्त्रि निलकान्त गयारी, बारग' नेहाथारि बर' थुनलाइ आफाद, मुस्त्रि नन्देस्वर दैमारी, समेस्वरि बान्था मोनगिरि, मुस्त्रि मुधुराम बर', बारग' बुंथिगिरि, एबसु । मख'जाथावदि हाबाफारियावनो गोबां मेलेमजिबि, गागि दैदेनगिरि, फरायसालिमाफोरनि गोरायुं, बिबुंगोरा आरो ओनसोलनि मेलेमजिबि आरो रायजो-राजाफोरा बाहागो लादोंमोन ।

मिरुनिक्राइ फारियै लोगो आफादगिरि मुस्त्रि रोमदोन बसुमतारी, गाहाइ नेहाथारि मुस्त्रि दिनेस ब्रह्मजों लोगोसे नेहाथारि मुस्त्रि आनान्द दैमारि, लोगो बुंथिगिरि थरायना बिबारि बर' सुबुं फोनांजाब नेहाथारि बिरखां नार्जारी आरो थुनलायारि नेहाथारि मुस्त्रि समित नार्जारी बिथांमोना बाहागो लादोंमोन ।

## 31 मार्च, 2022

### बड'फानि गोथार जोनोम सानखौ फरायसा सान महरै खुंफुनाय-

31 मार्च, बड'फानि गोथार जोनोम सान "फरायसा सान" खौ मिरु आरो क'क्राझार जिल्ला एबसु जथायै क'क्राझार जिल्लानि सिडव थानाय दत'मानि थुलुंगाफुरियाव दिनै सानसेनि मेहेरगोनां हाबाफारिनि गेजेरजों फालिदों । हाबाफारि बादियै



फुंबिलिनि गोथार आर'जखौ जागायनानै आफादनि गोथार फिरफिलाखौ बिरहोयो मिरु एबसुनि आफादगिरि मानाव गेदेद मुस्त्रि दिपेन बर'आ। बड'फानि मुसुखायाव बिबार बाउजेनो इउ.एन.एकाडेमि क'क्राझारनि बिथोनगिरि कृष्ण गपाल बसुमतारीआ आरो बड'फानि खाम्फायाव बिबारखौ बाउजेनो बड'फा उपन्द्र'नाथ ब्रह्मनि बिबाजै मुस्त्रिमा बिमला ब्रह्मआ। गोजोन आरो खौसेथिनि थाखाय फारौ आरो बेलुन बिरहोयो क'क्राझार फरायसालिमानि आजिरा मोननाय गोरायुं ड० बिनय कुमार ब्रह्मआ। मुंख'जायोदि, 31 मार्च बे गोथार सानखौ आसाम नाडैनो गासै गं 23नि बांसिन जिल्ला, गं 193नि बांसिन दख'रा आरो गं 100 निबो बांसिन दालाइसा एबसुआ फालिदों।

फरायसा सानजों लोब्बा लाखिनानै “बड'फानि सान्थौ आरो सानस्त्रिजों माहारिबाद, सोलोंथाइ, बिगियानारि, समाजबाद आरो रांखास्थि बिथिंखौ जौगाखांहोनानै बर' हारिखौ गेरेमसा माहारि गाइसननायाव बर' लाइमोनफोरनि बिफाव” आयदाखौ लानानै खुंनाय गेवलां सावराय मेलखौ मासि लानानै दैदेनो मिरु एबसुनि आफादगिरि मानाव गेदेद मुस्त्रि दिपेन बर'आ। मेलखौ बेखेवनानै होदोंमोन क'क्राझार सरकारि फरायसालिमानि आजिरा मोननाय गोरायुं ड० सुरथ नार्जारीआ।

सावराय मेलाने जर'खा आलासि महरै बाहागो लायो फारियै एबसुनि बारग' लोगो गाहाइ नेहाथारि मुस्त्रि अनसुला गोरु बड'सा, एबसुनि बारग' लेडाइ आफादगिरि सनाराम बाग्लारी, एबसुनि बारग' गाहाइ नेहाथारि परमेशर ब्रह्मजों लोगोसे आगुनि गोबां दैदेनगिरिफोरा बाहागो लानायजों लोगोसे, गोबां फरायसा आरो ओनसोलनि रायजो-राजाफोरनि बाहागो लानायजों आरो जर'खायै फरायसाफोरनि खन्थाइ आवरायनायजों फरायसा सानखौ गाजा-गोमजायै खुंफुं जादोंमोन।

## 10 आरो 11 एप्रिल 2022

**हादरनि राजथावनि गोदान दिल्लीनि दिल्ली हाटआव आगु रंजालि बैसागु फोर्बो फालिनाय।**

बर'नि हारिमु, दोरोडारि आरो बर'नि माहारियारि फोर्बोखौ जौगासारहोनाय लोगोसे हादरनि आरो मुलुगनि सुबुंफोरनो मिथिहोनाय नोजोर आरो थांखिखौ लानानै हादरनि राजथावनि गोदान दिल्लीनि दिल्ली हाटआव, दुलाराय बर' फरायसा

आफादा 10 आरो 11 एप्रिल, 2022 खालाराव “आगु रंजालि बैसागु” खुंफुंनाय जादोंमोन। मख'नो गोनांदि आगु रंजालि बैसागु फोर्बो फालिथाइ हाबाफारिजोंनो लोब्बा लाखिनानै गोदान दिल्ली राजघाटनि गान्धी हिन्दुस्तानी साहित्य सभा अडिट'रियाम हलआव बड'लजिनि सायाव जर'खा सावराय मेल खुंफुंनाय जादोंमोन।

दुलाराय बर' फरायसा आफादनि मानगोनां आफादगिरि मुस्त्रि दिपेन बर'नि मासि लानानै सामलायनाय हाबाफारियावनो क'क्राझार सरकारि फरायसालिमानि बारग' गोरायुं ड० सुरत नार्जारी, आसामनि केबिनेट मिनिस्थार मुस्त्रि उरखाव गोरु ब्रह्म, दिल्लीनि एम.एल.ए. मुस्त्रीमा आतिचि मारलेना, लक सभानि एम.पि. मानगोनां मुस्त्रि दिलिप चयकिया, राज्य' सभानि एम.पि. मुस्त्रि रोनागोरा नार्जारी, बि.टि.आर.नि गाहाइ मावफुं सोद्रोमा मुस्त्रि प्रमद बर', एम.एल.ए. मुस्त्रि जयन्त बसुमतारी, बि.टि.आर.नि मावफुं सोद्रोमा मुस्त्रि रनजित बसुमतारी, ड० निलुत स्वरगियारी आरो गोबां समाज सिबियारि, लिरगिरि, मुंदांखा देंखोगिरि, महरगिरि, मेलेमजिबि आरो गोबां राज्यो, जिल्ला, दख'रा एबसुनि बिबानगिरिफोरजों लोगोसे रायजो-राजाफोरा बाहागो लोदोंमोन।

## 15 एप्रिल, 2022

**गोदान बोसोर रंजालि बैसागु फोर्बो फालिनाय-**

दुलाराय बर' फरायसा आफादा 15 एप्रिल, 2022 खालाराव क'क्राझार जिल्ला एबसुजों जथायै गोदान बोसोर रंजालि बैसागुखौ बरायनानै क'क्राझारनि के.डि.एस.ए. गेलेग्रा फोथाराव सानसेनि मेहेरगोनां हाबाफारिजों रंजालि बैसागु खुंदों। बर'नि माहारियारि फोरबो रंजालि बैसागुखौ फालिनानै बर'नि हारिमु आरो बर' माहारिखौ बुहुमाव सिनायथि होनाय थांखिजों एबसुआ बोसोरफोमबो रंजालि बैसागुखौ मिरुयै खुंबोबाय थाबोदों।

हाबाफारि बादियै फुंबिलिनि गोथार आर'जखौ जागायनानै आफादनि गोथार फिरफिलाखौ बिरहोयो मिरु एबसुनि आफादगिरि मानाव गेदेद मुस्त्रि दिपेन बर'आ। बैसागुनि फिरफिलाखौ बिरहोयो ड० सुबुं बसुमतारीया आरो गोजोन आरो खौसेथिनि थाखाय फारौ बिरहोयो एबसुनि गाइसनगिबि सोद्रोमा आरो ट्राइबेल संघनि बारग' आफादगिरि मानगोनां मुस्त्रि रन्जित बरगयारीया आरो बैसोयाव उन्दैफोरा गावनि बैसोनि देरसिनखौ मान होनाय हाबाफारिबो लानाय

जादोंमोन। बे रंजालि बैसागु फोर्बो फालिनाय हाबाफारियावो आसामनि केबिनेट मन्त्रि मानगोनां मुस्त्रि उर्खाव गोरा ब्रह्म, राज्य' सभानि एम.पि. मुस्त्रि रोनागोरा नार्जारी, सिदली समस्टिनि एम.एल.ए. मुस्त्रि जयन्त बसुमतारीया बाहागो लाफैदोंमोन। लोगोसेनो देंखोनि राजा बिग्राय ब्रह्म, बुदां बलब ब्रह्म, ड० गोमोथाव ब्रह्म, जोंदाव बड'सा, फुंजा मोसाहारि, मेन'का बसुमतारीजों लोगोसे गोबां देंखोगिरि आरो बर' सावथुननि महरगिरिफोरा बाहागो लानाय आरो गोबां राइजो राजाफोरनि बाहागो लाफैनायाव देग्लाइनि रंजालि बैसागु फालिनाय हाबाफारिया मैखोमैनो जाफुंसार जासिनो। मख'थावनादि, बे रंजालि बैसागु फालिनायाव बादायगिरि महरै गासै गं 18 नि बांसिन दख'रा आफादफोरा बाहागो लाफैदोंमोन।

## 22 एप्रिल, 2022

**एबसु आरो बर' थुनलाइ आफाद आरो इंग्लिस टिचार एश'चियेशन जथायै बि.टि.आर.नि गाहाइ मावफुं सोद्रोमा मानगोनां मुस्त्रि प्रमद बर' बिथांजों सावरायनाय-**

बि.ए.चि.नि गाहाइ मावफुं सोद्रोमा मानगोनां मुस्त्रि कन'केश्वर नार्जारीनि समाव बि.ए.चि.या सा 400 इंग्लिस फोरोंगिरिफोरखौ कन्ट्रेक्टआव थिसननाय जादोंमोन। गोलाउ सम बि.टि.चि. सरकारखौ इंग्लिस फोरोंगिरि गौथुमा गावसोरनि साखिखौ रिगुलार खालामनो थाखाय गोबां खावलाय बोसेयावबो जाफुडैनि बि.टि.आर.नि गाहाय मावफुं सोद्रोमा मुस्त्रि प्रमद बर'जों सावरायनाय जादोंमोन। सावरायनायावो दुलाराय बर' फरायसा आफाद आरो बर' थुनलाइ आफादाबो बाहागो लाफादोंमोन। बे सावरायनायाव एबसुनि सोलोंथाइ नेहाथारि मुस्त्रि सोमावसार बसुमतारी, गेलेमु नेहाथारि मुस्त्रि गनेस बसुमतारी आरो थुनलायारि नेहाथारि समित नार्जारीयाबो बाहागो लादोंमोन।

## 1 मे, 2022

**बड'फा उपेन्द्र नाथ ब्रह्मनि 32थि रूंसारि सान फालिनाय।**

बड'फा उपेन्द्र नाथ ब्रह्मनि 32थि रूंसारि सानखौ मिरु आरो क'क्राझार जिल्ला एबसु जथायै दत'मानि थुलुंगाफुरियाव फालिनाय जादोंमोन हाबाफारि बादिथै फुंबिलिनि गोथार आर'जखौ जागायनानै एबसुनि गोथार फिर्फिलाखौ ससे बिरहोयो मिरु एबसुनि आफादगिरि मानाव गेदेद मुस्त्रि दिपेन बर' बिथाड। बड'फानि

मांख'रसालियाव बिबारखौ बाउजेनो मिरु एबसुनि बारग' गाहाइ नेहाथारि मुस्त्रि परमेशर ब्रह्मआ आरो बड'फानि खाम्फायाव बिबारखौ बाउजेनो जनता फरायसालिमानि गोरायुं ड० सुबुं बसुमतारीया। लोगोसे 32थि रूंसारि सान फालिनायजों लोब्बा लाखिनानै बिफां गायनाय हाबाफारिखौ गाइजेनानै बेखेवो दुलाराय बर' फरायसा आफादनि बारग' गाहाइ नेहाथारि आरो गसाइगाव समस्टिनि एम.एल.ए. मुस्त्रि जिरन बसुमतारीया।

बड'फानि 32थि रूंसारि सान फालिनायजों लोब्बा लाखिनानै मिरु आरो क'क्राझार जिल्ला एबसु जथायै क'क्राझार गोजौसिन थांखिगोबां फरायसालिनि गेवलां गेलेग्रा फोथारनिफ्राइ जागायनानै क'क्राझार टाउनाव थानाय बड'फा चिल्ड्रेन पार्कसिम गोजोन आरो खौसेथिनि थाखाय हानजा सुरनाय जादोंमोन। बे हानजा सुरनायखौ फ्लेग अफ खालामनानै होयो क'क्राझार सोरकारि फरायसालिमानि आजिरा मोननाय गोरायुं मानाव गेदेद ड० सुरथ नार्जारी बिथाड। गोजोन आरो खौसेथिनि थाखाय हानजा सुरनाय हाबाफारिनि थांखि आरो नोजोरखौ बेखेवनानै होयो मिरु एबसुनि आफादगिरि मानाव गेदेद मुस्त्रि दिपेन बर'आ। बड'फानि सानखिखौ साफ्रोमबो बर'सायानो गोर्बोआव फोथांनानै लाखिनांगोन होननानै बड'फाया बर' हारिनिनो खौसेथिनि नेरसोन होननानै बुडे। हानजा सुरनाय हाबाफारियाव बर'नि गुबुन-गुबुन माहारियारि आफादनि दैदेनगिरिफोरजों लोगोसे, मेलेमजिबि, राइजो राजाफोर, फरायसाफोरजों लोगोसे चि.चि.बि.टि.आर.नि दैदेनगिरिफोराबो बाहागो लाफैदोंमोन।

## 12 मे, 2022

**गाइदे आरो हेलेनानि मुंख्लं सान फालिनाय-**

आसाम नाडै एबसुआ गाइदे हेलेनानि मुंख्लं सान फालिदों। आलादा राइजो बड'लेण्ड सोमावसारनायखौ बड'फा उपेन्द्र'नाथ ब्रह्मआ इं 1987 मायथाइनि 2 मार्चनिफ्राइ जागायजेनदोंमोन। बै सोमावसारनायाव आइजोफोरनि बिफावआबो जोबोद गोख्रोंथारमोन। बेबादिनो आलादा रायजो बड'लेण्डखौ सोर्जिथारनांगौनि सोमावसारनायाव 1988 मायथाइनि 12 मेयाव गाइदे बसुमतारी आरो हेलेना बसुमतारीया सुथुरनि आखायाव जिउ खोमानांगौ जादोंमोन। दुलाराय बर' फरायसा आफादनि गाहाइ मावख' बड'फा हाउसआव 12 मे सानखौ एबसुनि गोथार आर'जखौ जागायनानै मुंख्लं गाइदे बसुमतारीनि सावगारियाव बिबार बाउजेनो मिरु एबसुनि गाहाइ नेहाथारि मानगोनां मुस्त्रि खनिन्द्र बसुमतारीया आरो मुंख्लं

हेलेना बसुमतारीनि सावगारियाव बिबार बाउजेनो नेहाथारि रंगिना बरगयारीया।

12 मे, 2022 खालाराव मिरु एबसुनि नेहाथारि रंगिना बरगयारीनि दैदेननायाव मिरुनि मोनसे हानजाया क'क्राझार जिल्ला एबसु जथायै जमदुवार दख'रा एबसुनि बेन्दोडव थानाय सरायबिल आरो मथामबिलाव थानाय मुंखलं गाइदे बसुमतारी आरो हेलेना बसुमतारीनि मांख'रसालियाव बिबार बाउहैदोमोन। हाबाफारियावनो बाहागो लाहैदोमोन मिरु एबसुनि थुनलाइयारि नेहाथारि मुस्त्रि समित नारजारी, लोगो थुनलायारि नेहाथारि मुस्त्रि मनिराम बरगयारी, मावख' नेहाथारि मुस्त्रि बुद्धिराम बसुमतारी बिथांमोनाबो बाहागो लाहैदोमोन।

## 16 मे, 2022

**गुवाहाटी नोगोरमानि VIP Road साखाथियाव थानाय चचल ओनसोलनि चिलसाकु बिलआव न' लुनानै अरायथायै रायजो जानाय सुबुंफोरखौ इभिकशन खालामजानाय थावनियाव खौरां लाहैनाय।**

थानाय 13 मे, 2022 अक्ट'आव गुवाहाटी नोगोरमानि VIP Road साखाथियाव थानाय चचल ओनसोलनि चिलसाकु बिलआव न' लुनानै अरायथायै रायजो जानाय सुबुंफोरखौ दिसपुर रिभिनिड सार्कल, गुवाहाटी नोगोरमायारि जौगाखां खुंथाइ आफाद आरो कामरुप जिला खुंथाय आफादनि जथाय बान्जायनायाव न'-बां सिफायनानै होखार हरदोमोन बेखौनो एबसुनि दैदेननाय मोनसे हान्जाया खौरां लाहैदोमोन। बे दुखुनांथाव जाथायखौ एबसुनि मानिनां आफादगिरि मुस्त्रि दिपेन बर' बिथाड जोबोद गोथौयै दुखु फोरमायो आरो दुखुथिया नख'रनि सोद्रोमाफोरजो लोगो हमलायनानै जाथायनि सायाव आबुं सावरायनाय जायो आरो थाबैनो बेनि नंगुबै राहा लामा लाहोनायनि थाखाय एबसुनिफ्राय जिल्ला सामलायगिरि आरो आसाम सोरखारखौ गोखौयै नारसिनाय जागोन होन्नानै बुंथियो। दुखुथिया नख'रफोरनि रैखाथि आरो नियाय मोननांगौनि थाखाय एबसुआ अराय खामानि मावगोन होन्नानै बिथाड बुंथियो। गुवाहाटी जिल्ला एबसुनि आफादगिरि आरो गाहाइ नेहाथारिजो लोगोसे मोनसे गोखौं हान्जायाबो आफादगिरि बिथांखौ मदद होफादोमोन।

## 17 मे, 2022

**दुलाराय बर' फरायसा आफादा बेसेन नाडै फोरोंगिरि थिसननाय।**

दुलाराय बर' फरायसा आफादनि "आदब आरो गुनगोनां सोलोंथाइ मावथांखि, 2021" नि बायदियै थोजासे फोरोंगिरि गैयै एबा सासेल' फोरोंगिरि थानाय बर' बिजोनि गुदि फरायसालिफोराव "बेसेन नाडै फोरोंथाइ" होनाय हाबाफारिखौ 17 मे, 2022 अक्ट'आव दुलाराय बर' फरायसा आफादनि बानजायनाय आरो बाक्सा जिल्ला आरो जपादं दख'रा एबसुनि हेफाजाबाव बाक्सा जिल्लायाव गिबियै जपादं दख'रानि "जपादं बापुजि गुदि फरायसालि" आव बेखेवनाय जायो। मुंख'जाथावदि "बेसेन नाडै फोरोंथाइ" होनाय हाबाफारिखौ एबसुआ थानाय 11 मे, 2022 अक्ट'आव चिरां जिला आरो जिथि दुवार दख'रा एबसुनि हेफाजाबाव चिरां जिलानि "नांदरबारि गुदि फरायसालि" आव गिबियै बेखेवनाय जादोमोन।

बर' बिजोनि फरायसाफोरखौ गुनगोनां सोलोंथाइ होनायै गोजौ सोलोंथाइ लाहोनायनि थांखि आरो नोजोरखौ बिथा खालामनानै बर' बिजोनि गुदि फरायसालिफोरखौ जर'खायै जोथोन लानो थाखाय एबसुआ 2021 मायथाइयाव आजावनाय "आदब आरो गुनगोनां सोलोंथाइ मावथांखि" नि बादियै आसाम नाडैनो थोजासे नडै एबा सासेल' फोरोंगिरि थानाय बर' गुदि फरायसालिफोराव "बेसेन नाडै फोरोंथाइ" होनाय हाबाफारिखौ मावफुंनाय जादो। एबसुनि गाहाइ नेहाथारि मुस्त्रि खनिन्द्र बसुमतारीया हाबाफारिखौ बेखेवनानानै होदोमोन आरो बे गेवलां सावरायमेल हाबाफारियावनो मानिनां आफादगिरि मुस्त्रि दिपेन बर' बिथाड गाहाइ आलासि महैरै बाहागो लादोमोन।

मुंख'जाथावदि हाबाफारियाव मिरु एबसुनिफ्राय लेडइ आफादगिरि रोमदोन बर', लोगो गाहाइ नेहाथारि दिनेश ब्रह्म, नेहाथारि निजोम बसुमतारी, सुबुं फोनांजाब नेहाथारि बड'सा ब्रह्म, सरनजित नार्जिनारि, बिरखां नार्जारी, गेलेमु नेहाथारि गणेश बसुमतारी, बाथ्रा दान्थे नेहाथारि दिपज्योति कछारी, सोलोंथाइ नेहाथारि सोमावसार बसुमतारी, लोगो सोलोंथाइ नेहाथारि रमिअ कु. बसुमतारी, मावख' नेहाथारि बुद्धिराम बसुमतारी बिथांमोना बाहागो लाहैदोमोन। गोबां फरायसा, फोरोंगिरि, दिथागिरि आरो सानसुमैमोननि बाहागो लानायजो हाबाफारिया जाफुंसार जादोमोन।

## 18 मे, 2022

**मिरु एबसु आरो अदालगुरि जिल्ला एबसुनि बानजायनायाव फोरोंगिरि थिसनलाइ होनायनि हाबाफारिखौ अदालगुरि जिल्लायाव बेखेवनाय।**

दुलाराय बर' फरायसा आफादनि "आदब आरो गुनगोनां सोलोंथाइ मावथांखि, 2021" नि बायदियै थोजासे फोरोंगिरि गैयै एबा सासेल' फोरोंगिरि थानाय बर' बिजोंनि गुदि फरायसालिफोराव "बेसेन नाडै फोरोंथाइ" होनाय हाबाफारि बेखेवनायजों लोगोसे 18 मे "बर' बिजों सान" खौबो दिनै 18 मे, 2022 अक्ट'आव दुलाराय बर' फरायसा आफादनि बानजायनाय आरो अदालगुरि जिला आरो खाग्राबारि दख'रा एबसुनि हेफाजाबाव अदालगुरि जिलायाव गिबियै खाग्राबारि दख'रानि "434 नं बताबारि गुदि फरायसालि" आव मावफुंनाय जादोंमोन। हाबाफारिजों लोब्बा लाखिनानै बिफां गायनाय हाबाफारिखौ एबसुनि मानिनां गाहाइ नेहाथारि मुस्त्रि खनिन्द्र बसुमतारी बिथाड गायजेनानै बेखेवना होदोंमोन। हाबाफारियाव एबसुनि मानिनां आफादगिरि मुस्त्रि दिपेन बर' बिथाड गाहाइ आलासि महरै बाहागो लादोंमोन। मुंख'जाथावदि हाबाफारियाव मिरु एबसुनिफ्राय बोसोनगिरि मुस्त्रि खुंखा स्वर्गियारि, लोगो गाहाइ नेहाथारि मुस्त्रि दिनेश ब्रह्म, नेहाथारि मुस्त्रि निजोम बसुमतारी, मुस्त्रि आनान्द दैमारी, सुबुं फोनांजाब नेहाथारि मुस्त्रि अबित नार्जारी, मुस्त्रि बड'सा ब्रह्म, मुस्त्रि सरनजित नार्जिनारि, मुस्त्रि बिरखां नार्जारी, गेलेमु नेहाथारि मुस्त्रि गणेश बसुमतारी, बाथ्रा दान्थे नेहाथारि मुस्त्रि दिपज्योति कछारी, थुनलाइयारि नेहाथारि समित नारजारी, लोगो थुनलाइयारि नेहाथारि मनिराम बरगयारी, सोलोंथाइ नेहाथारि मुस्त्रि सोमावसार बसुमतारी, लोगो सोलोंथाइ नेहाथारि मुस्त्रि रमिअ कु. बसुमतारी, मावख' नेहाथारि मुस्त्रि बुद्धिराम बसुमतारी बिथांमोना बाहागो लादोंमोन आरो लोगोसेनो गोबां फरायसा, फोरोंगिरि, दिथागिरि, सानसुमै आरो गुबुन-गुबुन आफादफोरनि बिबानगिरिमोना बाहागो लानायजों हाबाफारिया जाफुंसार जादोंमोन।

**20 मे, 2022**

**मिरु एबसु आरो क'क्राझार जिल्ला एबसुनि बानजायनायाव फोरोंगिरि थिसनलाइ होनायनि हाबाफारिखौ क'क्राझार जिल्लायाव बेखेवनाय।**

आदब आरो गुण गोनां सोलोंथाइ मावथांखि बादियै आसाम नाडै बर' बिजोंनि गं 1000 गुदि फरायसालियाव बेसेन नाडै फोरोंथाइ होनाय थांखिजों मिरु एबसुआ 20 मे, 2022 खालाराव क'क्राझार जिल्लानि बेसेन नाडै फोरोंथाइ बादाखौ क'क्राझार

जिल्ला एबसुनि मददाव सालाखाति दख'रा एबसुनि बेन्दोडव थानाय सालाकाटि जलपाइगुरिनि 356 नं नादांगारि गुदि फरायसालियाव बेखेवना होदोंमोन। हाबाफारि बादियै फुंबिलिनि गोथार आर'जखौ जागायनानै बेसेन नाडै फोरोंथाइ बादाजों लोब्बा लाखिनानै लानाय सावराय मेलखौ बेखेवनाहोयो मिरु एबसुनि लेडइ आफादगिरि मानगोनां मुस्त्रि खोरोमदाव औवारीया आरो सावराय मेलान गाहाइ आलासि महरै बाहागो लायो मिरु एबसुनि आफादगिरि मानाव गेदेद मुस्त्रि दिपेन बर'आ। सालाकाटि जलपायगुरिनि 356 नं नादांगारि फरायसालियाव बेसेन नाडै फोरोंथाइ बादाखौ बेखेवनाय हाबाफारियाव बुंथिगिरि महरै मिरु एबसुनि गाहाइ नेहाथारि मानगोनां मुस्त्रि खनिन्द्र बसुमतारीयाबो बुंथिगिरि महरै बाहागो लानायजों लोगोसे मिरुनिफ्राइ फारियै सोलोंथाइ नेहाथारि सोमावसार बसुमतारी आरो मावख' नेहाथारि बुद्धिराम बसुमतारीयाबो बाहागो लादोंमोन।

**20 मे, 2022**

**इभिकशन खालामनायनि हेंथायै धर्ना हाबाफारि लानाय।**

थानाय 13 मे, 2022 अक्ट'आव गुवाहाटी नोगोरमानि VIP Road साखाथियाव थानाय चचल ओनसोलनि चिलसाकु बिलआव न' लुनानै अरायथायै रायजो जानाय सुबुंफोरखौ दिसपुर रिभिनिउ सार्कल, गुवाहाटी नोगोरमायारि जौगाखां खुंथाय आफाद आरो कामरुप जिला खुंथाय आफादनि जथाय बान्जायनायाव न'-बां सिफायनानै होखार हरनाय दुखुनांथाव जाथायखौ 20 मे 2022 खालाराव गुवाहाटी जिल्ला दुलाराय बर' फरायसा आफाद, गुवाहाटी जिल्ला अल आसाम ट्राइबेल संघ, गुवाहाटी जिल्ला मिसिं मेमाख, गुवाहाटी जिल्ला टामाख मिसिं परिन खेबां आरो अल आसाम ट्राइबेल इयुट लिग जथायै 2 घन्टा खुद्रिनाय दिन्थिफुंनाय हाबाफारि लानाय जादोंमोन। दुखुथिया न'-बां सिफायनानै होखारजानाय नख'रफोरनि दोहोन सम्पथि सेव हांगार खालामजानाय मोनफ्रोमबो नख'रफोरनो आसाम सरकारआ थाबैनो न'-बां लुना होनायजों लोगोसे नांगौ रोखोमनि राडारि अनसुंथाइ होनांगौ होन्नानैबो एबसु आरो ट्राइबेल आफादफोर दाबि दैखादोंमोन।

दुलाराय बर' फरायसा आफादआ इभिकचन खालामनायनि सिगां जेबो फोसावलाइ होयै आरो इनायै न'-बांखौ सिफायनानै होनायखौ गोथौ दुखु मोन्नाय फोरमायनायजों लोगोसे जे जायगा एबा हायाव दंमोन बेयावनो नडब्ला गुवाहाटी नोगोरमानि साखाथि-फाखाथि जायगायावनो थानो



हानायनि थाखाय राहा खलामनो आसाम सरकारनि गिबि मन्थ्रि ड० हिमन्त बिश्व सर्मानिसिम गोसोखांलाइ गथायहरनाय जायो आरोबाव इयुन समफोराव ट्राइबेल सुबुंफोरखौ इभिकशन खलामनायनिफ्राय गोजानाव थानो थाखाय आसाम सरकार आरो लोब्बा थानाय अफिसारफोरखौ गोख्रोंडै सोंखारिनाय जादोंमोन। हाबाफारियाव मिरु एबसुनिफ्राइ फारियै बाहागो लायो लोगो गाहाइ नेहाथारि, मुस्त्रि दिनेस ब्रह्म, सुबुं फोनांजाब नेहाथारि मुस्त्रि बिरखां नार्जारी आरो थुनलायारि नेहाथारि मुस्त्रि समित नार्जारीमोनजों लोगोसे गोबां जिल्ला एबसुनि बिबानगिरिफोरा बाहागो लादोंमोन।

### 23 मे, 2022

#### **बेसेन नाडै फोरोंथाइ होनायखौ सनितपुर जिल्लायाम बेखेवनाय।**

आदब आरो गुण गोनां सोलोंथाइ मावथांखि बादियै आसाम नाडै बर' बिजोंनि गं 1000 गुदि फरायसालियाव बेसेन नाडै फोरोंथाइ होनाय थांखिजों मिरु एबसुआ 23 मे, 2022 खालाराव सनितपुर जिल्लानि बेसेन नाडै फोरोंथाइ बादाखौ सनितपुर जिल्ला एबसुनि मददआव सा ढेकियाजुलि दख'रा एबसुनि बेन्दोडव थानाय बातासिपुरनि बिलासिगुरि गुदि फरायसालियाव बेखेवना होनाय जादोंमोन।

हाबाफारि बादियै फुंबिलिनि गोथार आर'जखौ जागायनानै बेसेन नाडै फोरोंथाय बादाजों लोब्बा लाखिनानै खुंनाय सावराय मेलखौ बेखेवनानै होयो एबसुनि बोसोनगिरि मानगोनां मुस्त्रि खुंखा स्वर्गियारीया आरो सावराय मेलान गाहाइ आलासि महरै बाहागो लादोंमोन मिरु एबसुनि गाहाइ नेहाथारि मानगोनां मुस्त्रि खनिन्द्र बसुमतारी बिथाड। बातासिपुरनि बिलासिगुरि गुदि फरायसालियाव बेसेन नाडै फोरोंथाइ बादाखौ बेखेवनानै होनाय हाबाफारियाव मिरुनिफ्राइ फारियै सोलोंथाइ नेहाथारि सोमावसार बसुमतारी आरो सुबुं फोनांजाब नेहाथारि मुस्त्रि अबित नार्जारी बिथांमोनाबो बाहागो लादोंमोन। लोगोसे बे हाबाफारियावनो सनितपुर जिल्ला एबसुनि एफ.आर.चि.नि आफादगिरि मुस्त्रि फैलाउ खुंगुर ब्रह्म आरो सा-ढेकियाजुलि गुदि बर' थुनलाइ आफादनि दैदेनगिरिफोरजों लोगोसे रायजो-राजा आरो फरायसाफोरनि मैखोमै बाहागो लानायजों बेखेवनाय हाबाफारिया मोजाडैनो जाफुंसारदोंमोन।

### 24 मे, 2022

#### **एबसु आरो CCTOA जों आसाम सोरखारा इभिकशन खलामनायनि सायाव सावरायनाय।**

दुलाराय बर' फरायसा आफाद आरो CCTOA नि गोख्रों नारसिन्नायनि थाखाय आसाम सरकारआ थानाय 24 मे, 2022 खालाराव 13 मेआव गुवाहाटीनि बरबारियाव इभिकसन खलामनायनि सायाव सावरायनो थाखाय खावलायनाय लेखा बेलासिनि 1:00 रिंगायाव आसाम सरकार, एबसु आरो CCTOA नि गेजेराव दिसपुरआव ओंथि गोनां सावरायनाय जायो। सावराय मेलनि गेजेरजों आसाम सरकारआ न'-बां सिफायनानै सेव हांगार खलामजानाय नख'रफोरनो हा आरो राडारि अनसुंथाइ होनो थाखायबो राजि जायो। आसाम सरकारनि सोलोंथाइ बिफाननि मन्थ्रि ड० रनज पेगुआ दिनै सावरायमेलनि गेजेरजों इभिकसन खलामजानाय नख'रफोरखौ दिनैनिफ्राय हा एप्लाइ (Apply) खलामनो थाखाय बिथोन होनाय जायो आरो थानो थाखाय हाखौ गुवाहाटी मेट्रआवनो थानो मोननायनिबो सुबिदाखौ आसाम सरकारआ गोख्रौनो मावफुंनो थाखायबो खोथा होनाय जादोंमोन। मख'जाथावदि ड० हिमन्त बिश्व सर्मानि दैदेनाय आसाम सरकारआ इभिकसन खलामजानाय नख'रफोरनो न'-बां बुफायजानायनि थाखाय गोदानै न'-बां लुना लानो हानायबादियै राडारि अनसुंथाइ होगोनो होन्नानैबो आसामनि मन्थ्रि ड० रनज पेगुआ रोखायै मिथिहोदोंमोन।

सावरायनाय मेलआव आसाम सरकारनि जानानै मन्थ्रि मुस्त्रि उर्खाव गोरा ब्रह्म बिथाडबो बाहागो लादोंमोन आरो एबसुनिफ्राइ दुलाराय बर' फरायसा आफादनि आफादगिरि मानगोनां मुस्त्रि दिपेन बर', नेहाथारि मुस्त्रि आनान्द दैमारि आरो ट्राइबेल आफादफोरनि गोबां दैदेनगिरिफोर आरो इभिकसन खलामजानाय माखासे सुबुंफोराबो बाहागो लादोंमोन।

### 25 मे, 2022

#### **बेसेन नाडै फोरोंथाइ बादाखौ बिस्वनात जिल्ला एबसुनि मददआव बेखेवनाय हाबाफारि खुंफुंनाय।**

आदब आरो गुण गोनां सोलोंथाइ मावथांखि बादियै आसाम नाडै बर' बिजोंनि गं 1000 गुदि फरायसालियाव बेसेन नाडै फोरोंथाइ होनाय थांखिजों मिरु एबसुआ 25 मे दानाव बिश्वनात जिल्लानि बेसेन नाडै फोरोंथाइ बादाखौ बिश्वनात जिल्ला एबसुनि मददआव न'दुवार दख'रा एबसुनि बेन्दोडव थानाय देलाइस्त्रिनि रोमै रोमै गुदि फरायसालियाव बेखेवना होदोंमोन। बेसेन नाडै फोरोंथाइ बादाजों लोब्बा लाखिनानै खुंनाय सावराय मेलनि थांखि आरो नोजोरखौ बेखेवनानै होयो मिरु एबसुनि गाहाइ

नेहाथारि मानगोनां मुस्त्रि खनिन्द्र बसुमतारीया आरो सावराय मेलाव गाहाइ आलासि महरै बाहागो लायो मिरु एबसुनि गाहाइ नेहाथारि मानगोनां मुस्त्रि दिपेन बर' बिथाड।

न'दुवारनि रोमै रोमै गुदि फरायसालियाव बेसेन नाडै फोरोंथाइ बादाखौ बेखेवनानै होनाय हाबाफारियावनो मिरु एबसुनिफ्राइ फारियै नेहाथारि निजोम बसुमतारी, आनान्द दैमारी, सोलोंथाइ नेहाथारि सोमावसार बसुमतारी, सुबुं फोनांजाब नेहाथारि मुस्त्रि अबित नार्जारीजों लोगोसे सनितपुर जिल्ला एबसुनि आफादगिरि मुस्त्रि राजेस बसुमतारीयाबो बाहागो लादोंमोन। बे हाबाफारियावनो बिश्वनात जिला बर' थुनलाइ आफाद आरो न'दुवार गुदि बर' थुनलाइ आफादनि दैदेनगिरिफोरजों लोगोसे रायजो-राजाफोर, फोरोंगिरि आरो फरायसा फरायसुलिफोरनि बाहागो लानायजों बेखेवनाय हाबाफारिया मोजाडैनो जाफुंसारदोंमोन।

## 25 मे, 2022

**बिश्वनात जिल्ला दुलाराय बर' फरायसा आफादनि बानजाइनायाव न'दुवारनि अलंबार गेजेर आरो गोजौ फरायसालियाव बर' बिजोंनि फोरोंगिरि आरो अंगनबादि मावथिफोरजों सावरायनाय।**

बिश्वनात जिल्ला दुलाराय बर' फरायसा आफादनि बानजाइनायाव 25 मे, 2022 खालाराव न'दुवारनि अलंबार गेजेर आरो गोजौ फरायसालियाव बर' बिजोंनि फोरोंगिरि आरो अंगनबादि मावथिफोरजों सावरायलायदोंमोन। बे हाबाफारियावनो गाहाइ बुंथिगिरि महरै बाहागो लायो मिरु एबसुनि आफादगिरि मानाव गेदेद मुस्त्रि दिपेन बर' बिथाड। बे सावराय मेलावनो मिरु एबसुनिफ्राइ गाहाइ नेहाथारि मुस्त्रि खनिन्द्र बसुमतारीजों लोगोसे नेहाथारिफोर फारियै निजोम बसुमतारी, आनान्द दैमारी, सोलोंथाइ नेहाथारि सोमावसार बसुमतारी, सुबुं फोनांजाब नेहाथारि अबित नार्जारी, सनितपुर जिल्ला दुलाराय बर' फरायसा आफादनि आफादगिरि मुस्त्रि राजेस बसुमतारी आरो बिस्वनात जिल्ला बर' थुनलाइ आफादनि आफादगिरि मुस्त्रि मतेन ब्रह्मआ बाहागो लादोंमोन।

## 29 मे, 2022

**अदालगुरि जिल्लानि मोन 9 फरायसालिमानि दालाय एबसु आरो फरायसालिमानि फरायसा आफादफोरनि बिबानगिरिफोरजों जर'खा सावरायनाय।**

29 मे, 2022 अक्ट'आव अदालगुरि जिल्ला एबसुनि बेन्दोंआव थानाय गासै मोन 9 फरायसालिमानि दालाय एबसुनि बिबानगिरि आरो फरायसालिमानि फरायसा आफादफोरनि बिबानगिरिमोनखौ लानानै फरायसालिमाफोराव बर' फरायसाफोरा गुन गोनां सोलोंथाइ लानायाव मोगा-मोगि जानाय जेंनाफोर आरो इयुनाव हारिनि गेजेराव नुजानाय माखासे समाजारि जेंनाफोर, बेफोरखौ सुस्त्रानाय बिथिफोरखौ बिथा खालामनानै उदालगुरि फरायसालिमानि नब्लांआव मोनसे **“जर'खा सावरायनाय”** हाबाफारि लानाय जायो। अदालगुरि जिला एबसुनि आफादगिरि मुस्त्री लहित चन्द्र बर'नि सामलायनाय **“जर'खा सावरायनाय”** हाबाफारिखौ एबसुनि मानिनां लेडइ आफादगिरि मुस्त्री खोरोंमदाव औवारी बिथाड बेखेवनानै होयो। गाहाइ आलासि महरै बाहागो लानानै एबसुनि मानिनां आफादगिरि मुस्त्रि दिपेन बर' बिथाड फरायसालिमाफोराव बर' फरायसाफोरा सोलोंथाइ लानायाव मोगा-मोगि जानांनय जेंनाफोरनि सायाव गुवारै आरो गेबेडै सावरायनाय जायो आरो जेंनाफोरखौ बोस्त्रानो थाखाय एबसुआ अराय खामानि मावगोन होन्नानै बुंथियो।

बे जर'खा सावरायनायाव मिरु एबसुनि लोगो गाहाइ नेहाथारि मुस्त्रि दिनेश ब्रह्म, नेहाथारि मुस्त्रि आनान्द दैमारि, लेडइ बुंथिगिरि थरायना बिबारि बर', लोगो सोलोंथाइ नेहाथारि मुस्त्रि रमिअ कुमार बसुमतारी, सुबुं फोनांजाब नेहाथारि मुस्त्रि बिरखां नार्जारी, लोगो थुनलायारि नेहाथारि मुस्त्रि मनिराम बरगयारी, दिल्ली दालाइ एबसुनि बानस' आफादगिरि मुस्त्रि उर्खाव बर', बड'लेण्ड मुलुगसोलोंसालि एबसुनि आफादगिरि मुस्त्रि नब कुमार ब्रह्म, गाहाइ नेहाथारि मुस्त्रि जमर दैमारी आरो बड'लेण्ड मुलुगसोलोंसालियाव फरायसा आफादनि गाहाइ नेहाथारि मुस्त्रि जेक नार्जारी बिथांमोना बाहागो लायो। अदालगुरि जिला एबसुनि बिबानगिरि, दख'राफोरनि बिबानगिरि आरो गोबां फरायसा आरो सोद्रोमामोननि नुजाथिनायजों जर'खा सावरायनाया जाफुंसार जादोंमोन।

## 3 जुन, 2022

**बाक्सा जिल्लानि सिंआव थानाय गुबुन गुबुन फरायसालिमाफोरनि फरायसाफोरजों सावरायनाय।**

मोनक्रोमबो फरायसिलिमानि फरायसा आफाद आरो दालाय एबसुनि बिबानगिरिमोनखौ लानानै फरायसालिमाफोराव बर' फरायसाफोरा गुनगोनां सोलोंथाइ लानायाव मोगा-मोगि जानाय

जेंनाफोर आरो इयुनाव हरिनि गेजेराव नुजानाय माखासे समाजारि जेंनाफोर, बेफोरखौ सुस्त्रानाय बिथिंफोरखौ बिथा खालामनानै के.चि. फरायसालिमानि नब्लांआव 3 जुन, 2022 खालाराव मोनसे “जर’खा सावरायनाय” हाबाफारि लानाय जादोंमोन। बाकसा जिला एबसुनि आफादगिरि मुस्त्रि उमेस दैमारीनि सामलायनाय “जर’खा सावरायनाय” हाबाफारिखौ एबसुनि मानिनां लोगो आफादगिरि मुस्त्रि रोमदोन बसुमतारी बिथाड बेखेवनानै होदोंमोन। गाहाइ आलासि महरै बाहागो लादोंमोन एबसुनि मानिनां आफादगिरि मुस्त्रि दिपेन बर’ बिथाड। बे जर’खा सावरायनायाव मिरु एबसुनि लोगो गाहाइ नेहाथारि मुस्त्रि दिनेश ब्रह्म, थुनलायारि नेहाथारि मुस्त्रि समित नार्जारी, लोगो गेलेमु नेहाथारि मुस्त्रि मिनिसोरां ब्रह्म, के.चि. फरायसालिमानि गोरायुं जौस्त्रां बर’जों लोगोसे बाकसा जिल्ला एबसुनि आफादगिरि आरो जिल्लानि बिबानगिरि नुजाथिनायजों जर’खा सावरायनाय हाबाफारि जाफुंसार जायो।

**4 जुन, 2022**

**क’क्रझारजिल्लानि सिडाव थानाय गुबुन-गुबुन फरायसालिमा आरो मुलुगसोलोंसालिनि फरायसाफोरजों जर’खा सावराय मेल खुंनायाव बाहागो लानाय।**

क’क्रझार जिल्ला एबसुआ जिल्लानि सिडन थानाय गुबुन-गुबुन फरायसालिनि फरायसा-फरायसुलि बिथांमोनखौ लानानै सानसेनि मेहेरगोनां हाबाफारिनि गेजेरजों 4 जुन, 2022 खालाराव क’क्रझार हिन्जावसा फरायसालिमानि नब्लाडव जर’खा सावरायमेल लानाय जादोंमोन। सोलोंथाइजों सोमोन्दो थानाय जेंनाफोरनि सायाव आरो गुबुन-गुबुन समाजारि, रांखान्थि सोमोन्दो थानाय गोबां जेंनानि सायावबो गुवारै सोंनाय फिन्नाइ लोगोसे गोथौयै सावरायनाय जायो। हाबाफारिखौ एबसुनि लोगो आफादगिरि मुस्त्रि खोरुमदाव औवारी बिथाड बेखेवनानै होयो आरो एबसुनि आफादगिरि मुस्त्रि दिपेन बर’ बिथाड गाहाइ आलासि महरै बाहागो लादोंमोन आरो फरायसाफोरजों गुबुन-गुबुन जेंनानि सायाव गोथौयै सावरायो आरो जेंनाखौ हानायमानि मावफुंनो थाखाय खोथा होयो।

हाबाफारियावनो मिरु एबसुनि नेहाथारि थरायना रंगिना बरगयारी आरो सुबुं फोनांजाब नेहाथारी मुस्त्रि सरनजित नार्जिनारी बिथांमोनाबो बाहागो लादोंमोन।

**5 जुन, 2022**

**मुलुगनां आवहावा सान फालिनाय-**

5 जुन “मुलुगनां आवहावा सान” मिरु एबसुआ चिरां जिला आरो जिथि दुवार दख’रा एबसुनि बानजायनायाव मुलुगनां आवहावा सानखौ जिथि दख’रानि बुहुर सालबारियाव 1 रोजानिबो बांसिन बिफां फुलि गायनायजों फालिनाय जादोंमोन। लोगोसेयै जिथि दख’रानि हिरिम्बा नब्लांआव सानसुमै आरो दिथागिरिफोरखौ लानानै रोंगौसाफोरनि सावराय मेलबो लानाय जादोंमोन आरो गोबां बर’ हरि दानाय आरो हरिनि जेंना सुस्त्रानायनि सायाव गुवारै सावरायनाय जादोंमोन। रोंगौसाफोरनि मेलाव एबसुनि मानिनां आफादगिरि मुस्त्रि दिपेन बर’आ गाहाइ आलासि महरै बाहागो लानानै आथिखालाव समायना बुहुमा मोगा-मोगि जानांनाय गिथावना हालुरारि बिदुंजों जुजिनांनायखौ गोथौ दुखु फोरमायो आरो बेनिफ्राय बारग’नायनि मोनसेल’ राहाखौ हाग्रा-बंग्रा सिफायगुंनाय आरो सिलिंखार खालामनायखौ बन्द’ खालामनाय आरो हानायसिम बिफां-लाइफां गायनांगोन होन्नानै बिथाड बुंथिदोंमोन।

कारबि आंलं जिला एबसुनि बानजायनायाव लांहिन मानिकपुर बर’ गोजौ फरायसालियाव खुंफुंनाय मुलुगनां आवहावा सानआव एबसुनि मानिनां लोगो आफादगिरि मुस्त्रि खोरुमदाव औवारि बिथाड बाहागो लानानै सुबुं समाज आरो मिथिंगा बिखानिफ्राय गोमालांनो नागिरनाय बुहुमनि बेसेनगोसा मिथिंगायारि सम्पदफोरखौ सरैखा खालामनो थाखाय बिथाड रायजो- राजाफोरखौ खावलायो।

मुंख’जाथावदि एबसुनि बानजायनायाव गासै मोन 34 जिल्ला आफाद, गासै मोन 229 दख’रा आफाद, मोन 8 मुलुगसोलोंसालिफोर आरो 2000 रोजानिबो बांसिन दालाय आफादफोरा गुदि, गेजेर, गोजौ, जौसिन फरायसालि आरो फरायसालिमाफोराव फिथाइ थायनाय बिफां फुलि गायनायजों “बुहुमनां आवहावा सान” खौ गाजा-गोमजायै फालिनाय जादोंमोन।

**12 जुन, 2022**

**35थि बड’लेण्ड मुंखलं सान फालिनाय-**

12 जुन, 35थि बड’लेण्ड मुंखलं सानखौ एबसुआ

देग्लाइ धेमाजि जिल्लानि बेन्दोंडव थानाय एस.बि. बड' गोजौ फरायसालिनि गेलेग्रा फोथाराव सानसेनि मेहेरगोनां हाबाफारिजों मिरुयै खुंफुंनाय जादोंमोन। हाबाफारि बादियै फुंबिलिनि गोथार आर'जखौ जागायनानै आफादनि फिरफिलाखौ स'से बिरहोयो मिरु एबसुनि आफादगिरि मानाव गेदेद मुस्त्रि दिपेन बर'आ। बड'लेण्ड मुंख्लंफोरनो बिबार बाउजेनो एबसुनि बोसोनगिरि मानगोनां मुस्त्रि खुंखा सर्गियारीया आरो सुजित नार्जारीनि सावगारियाव बिबार बाउजेनो एबसुनि बारग' लोगो आफादगिरि आरो बि.के.डब्लिउ.ए.चि.नि लेडइ चि.इ.एम. मुस्त्रि रमिअ' पि. नार्जारी बिथाड। गोजोन आरो खौसेथिनि थाखाय फारौ आरो बेलुन बिरहोयो मुस्त्रि रजत रामसियारी (गाइस'नगिबि गाहाइ नेहाथारि, लखिमपुर जिल्ला एबसु) आरो ललित चन्द्र बर' (बारग' गाहाइ फोरोंगिरि, एस.बि. बड' गेजेर फरायसालि) आ। लोगोसे मुंख्लं सानजों बिफां फुलिखौ गाइजेनो खौसेथि बर' सुबुं आफादनि आफादगिरि मुस्त्रि मनुरन्जन बसुमतारी बिथाड।

मुंख्लं सानजों लोब्बा लाखिनानै बर' माहारिबाद आरो बड'लेण्ड मुंख्लंफोरनि बिहोमा आयदाखौ लानानै खुंनाय सावराय मेलखौ मासि लानानै दैदेनो मिरु एबसुनि मानगोनां आफादगिरि मुस्त्रि दिपेन बर' बिथाड आरो सावराय मेलखौ बर' थुनलाइ आफादनि मानगोनां गाहाइ नेहाथारि बिथाड बेखेवनानै होदोंमोन। बि.के.डब्लिउ.ए.चि.नि चि.ए.एम. मानगोनां मिहिनिस्वर बसुमतारी बिथाड थांखिजानाय बुंथिगिरि महरै बाहागो लादोंमोन। हाबाफारियावनो माननि आलासि महरै गोबां मेलेमजिबि आरो समाज सिबियारि बिथांमोना बाहागो लादोंमोन।

**14 जुन, 2022**

**16 थि कमल कुमार देरहासाथ बान्था होनाय हाबाफारि खुंफुंनाय।**

एबसुआ देग्लाइनि “16थि कमल कुमार ब्रह्म देरहासाद बान्था-2022” नि मान बाउनाय हाबाफारिखौ सिरां जिल्ला बेंटलनि जांखिखां फोथाराव सानसेनि मेहेरगोनां हाबाफारिजों खुंफुंदों। हाबाफारि

बादियै फुंबिलिनि गोथार आर'जखौ जागायनानै आलारि बाथि फोजोंनानै रुंसारि कमल कुमार ब्रह्मनि सावगारियाव बिबार बाउजेनो हाबाफारिनि जर'खा आलासि मानगोनां मुस्त्रि उत्पल बरकाक'टि, पाटशाला सिक्सापित आदर्श गोजौ फरायसालि, बरपेटानि गोरायुं बिथाड।

एबसुनि आफादगिरि मानगोनां मुस्त्रि दिपेन बर'आ मासि लानानै दैदेननाय 16थि कमल कुमार ब्रह्म देरहासाद बान्था-2022 नि मान बाउनाय हाबाफारिखौ बेखेवनानै होयो मानगोनां मुस्त्रि जगदिश प्रसाद ब्रह्म बिथाड, बिथोनगिरि सोलेंथाइ बिफान बि.टि.चि.। जोबोद गोजोनथाव दि देग्लाय गासै 13 सा बर' बिजोंनि फरायसाफोरा 16थि कमल कुमार ब्रह्म बान्थाखौ नाजावनो हादोंमोन। हाबाफारियावनो जर'खा आलासि महरै बाहागो लादोंमोन मानगोनां पाटशाला सिक्सापित आदर्श गोजौ फरायसालि, बरपेटानि गोरायुं मुस्त्रि उत्पल बरकाक'टि। लोगोसे हाबाफारियाव बुंथिगिरि आलासि महरै बाहागो लादोंमोन फारियै मानगोनां मुस्त्रि जयन्त' बसुमतारी, बारग' लोगो आफादगिरि, एबसु आरो सिदली समस्तनि एम.एल.ए. आरो रनजित बसुमतारी, इ.एम. 14 नं चिरां दुवार, बि.टि.आर.। लोगोसे हाबाफारियाव माननि आलासि महरै बाहागो लादोंमोन फारियै मुस्त्रि थानेस्वर ब्रह्म दैमारी, गाहाइ नेहाथारि, दुलाराय बर' गुदि फोरोंगिरि आफाद, रन्जन कुमार बरुवा, डाइरेक्टर, नर्ट इस्ट इयुट फाउण्डेसन आरो ड० रन्जित कुमार नार्जारी गोरायुं, बेंटल फरायसालिमा।

मख'जायोदि, देग्लाइ बर' बिजोंनिफ्राइ गासै सा 17303 फरायसाफोरा आनजादाव जिरायदोंमोन आरो बिनि गेजेराव गासै सा 1977 फरायसाया सेथि थाखोआव उथ्रिसार जानो हादोंमोन। लोगोसे बिनि गेजेरावनो सा 4 फरायसा थरायना रिम्फि दास (83%), थरायना अनजालि गर (68%), मुस्त्रि नेलसन सर'निया (67.5%) आरो थरायना धन्त्रि बर्मन (63%) बिथाड बर' बिजोडव फरायनानै सेथि थाखोआव उथ्रिसार जानो हायो। 16थि कमल कुमार ब्रह्म देरहासाद बान्था मान बाउनाय हाबाफारिया ओनसोलनि मेलेमजिबि रायजो-राजा आरो गोजौ, गोजौसिन फरायसालि आरो फरायसालिमाफोरनि फरायसाफोर बाहागो लानायजों मोजाडै मोजां जाफुंसार जादोंमोन।





**रुंसारि कन'केस्वर नार्जारीनि 79 थि जोनोम सान फालिनाय**  
 थावनि: कालाइगाव गामिनि गेवलां गेलेग्रा फोथार, रामफलबिल, क'क्राइर, अक्ट': 2 जानुवारी, 2022



**बड'फा उपेन्द्र नाथ ब्रह्मनि 66 थि जोनोम सान फालिनाय**  
 थावनि: थुलुंगाफुरि, दत'मा, क'क्राइर, अक्ट': 31 मार्च, 2022



**बरायनाय आरो सांग्रांथि हाबाफारियाव बाहागो लानाय**  
 थावनि: बातासिपुर क'लेज, शनितपुर अक्ट': 18 जुन, 2022





दुलाराय बर' फरायसा आफादनि 54 थि थान्दै जख'न्थाइनि गेवलां मेल  
थावनि:- हाजोआरि फोथार, लांहिन, कार्बि आंलं जिल्ला, अक्ट' : 3, 4 & 5 मार्च, 2022



एबसुनि 54 थि थान्दै जखन्थाइजों लोब्बा लिखनानै जर'खा खन्थाइ जथुम खुंफुनाय  
थावनि : हाजोआरि फोथार, लांहिन, कार्बि आंलं, अक्ट': 4 मार्च, 2022



मुलुगनां आइजो सान फालिनाय  
थावनि:- राजा इरागदाव नब्लां, तितागुरि, क'क्राझार, अक्ट': 8 मार्च, 2022





**जोहोलाव बालिराम बर'नि 26थि मुख्लं सान फालिथाइ**

थावनि:- हरिसिंगा हिन्जावसा गोजौ फरायसालिनि थांखि गोबां गेलेग्रा फोथार, अक्ट': 30 मार्च, 2022



**बड'फानि 66थि जोनोम सानखौ फरायसा सान महरे फालिनायनि गेवलां मेल**

थावनि:- थुलुंगाफुरि, दत'मा, क'क्राझार, अक्ट': 31 मार्च, 2022



**बड'ल'जिनि सायाव जर'खा सावरायनाय**

थावनि: गान्धि हिन्दुस्तानि साहित्य सभा अदिथ'रियाम, राजगाथ दिल्ली, अक्ट': 10 आरौ 11 एप्रिल, 2022





1 मे, 2022 बड'फा उपेन्द्र नाथ ब्रह्मनि 32थि थैनाय सान फालिनायजों लोब्बा लाखिनानै क'क्राझार गोजौसिन आरो थांखि गोबां फरायसालिफ्राय बड'फा सिलड्रेन पार्कसिम गोजोन आरो खौसेथिनि थाखाय हान्जा सुरनाय।



क'क्राझार जिल्ला एबसुनि बान्जायनायाव बेसेन नाडै फोरोंथाइ बादा बेखेवनाय हाबाफारियाव बाहागो लाहैनाय थावनि : 189 नं थाराइबारि गुदि फरायसालि, क'क्राझार, अक्ट' : 31 मे, 2022



बागसा जिल्ला सिंनि गुबुन-गबुन फरायसालिमानि फरायसाफोरजों जर्'खा सावराय मेलाव बाहागो लानाय थावनि : के. चि. फरायसालिमानि नब्लां, बागसा, अक्ट' : 3 जुन, 2022





**18 मे बर' बिजों सान फालिनाय लोगोसे बेसेन नाडै फोरोंथाइ बादा बेखेवनाय हाबाफारि**  
थाविन : 4 नं बटाबारि गुदि फरायसालि, अदालगुरि, अक्ट' : 18 मे, 2022



**गुवाहाटीनि बरबारियाव इभिकसन खालामनायजानाय नख'रफोरनि जेंना सुसानायनि थाखिजों आसाम सरकारजों**  
सावरायनाय थाविन:- दिसपुर, गुवाहाटी, अक्ट':- 24 मे, 2022



**एबसु आरो ट्राइबेल संध जथायै गोब्राब अखा हानायनि जाउनाव दिमा हासावनि हाफलं आरो मायबंआव**  
मिथिंगाया गोबां खहा खालामजानाय सुबुंफोरखौ नायगिदिं हैनायजों लोगोसे हानायखिनि अनसुंथाइ हैनाय  
थाविन:- हाफलं, दिमा हासाव, कार्बि आंलं, अक्ट':- 27 मे, 2022





अदालगुरि जिल्ला सिनि गुबुन-गबुन फरायसालिमानि फरायसाफोरजों जर'खा सावराय मेलाव बाहागो लानाय  
थावनि : अदालगुरि फरायसालिमानि नब्लां, अक्ट' : 29 मे, 2022



बड'लेण्ड मुंखलंफोरनो बिबार बाउनाय  
थावनि : एस.बि. बड' गोजौ फरायसालिनि गेलेग्रा फोथार, धेमाजि, अक्ट' : 12 जुन, 2022



क'क्राझार जिल्ला सिनि गुबुन-गबुन फरायसालिमानि फरायसाफोरजों जर'खा सावराय मेलाव बाहागो लानाय  
थावनि : महिनि महन ब्रह्म गोसोखां नब्लां, हिन्जावसा फरायसालिमा, क'क्राझार, अक्ट' : 4 जुन, 2022





गौहाटी मेडिकल क'लेजनि गोदान बर' फरायसा बराय फोर्बो आरो फरायसाफोरनि लोगो हमलायनाय हाबाफारियाव बाहागो लाहैनाय, थावनि: GMCH STAFF CANTEEN, 1st Floor, अक्ट':- 12 जुन, 2022



बि.टि.आर. गोरोबथा आरो बारग' एन.डि.एफ.बि.नि केसनि सोमोन्दोयै जर'खा सावराय मेल खुंफुनाय थावनि:- कमाच कलेजनि नब्लां, अक्ट':- 11 जुन, 2022



35थि बड'लेण्ड मुंख्लं सान फालिथाइनि गोवलां सावराय मेल थावनि:- एस.बि. बड' गोजी फरायसालि गेलेग्रा फोथार, चिमेन चाप'रि, धेमाजि, अक्ट':- 12 जुन, 2022





बर' बिजोंजों फरायनानै HSLC आन्जादाव जिथि मासि आवग्रिनो हानाय फरायसाफोरनो 16थि कमल कुमार ब्रह्म देरहासाद बान्था-2022 गथायनाय, थावनि: जाखिखां फोथार, बेंटल, सिरां जिल्ला, अक्ट':- 14 जुन, 2022 जुन, 2022



HSLC आनजादाव जिथि (10) मासि आवग्रिनो हानाय फरायसाफोरनो 20थि सानजारां लक्षेस्वर ब्रह्म बान्था-2022, गथायनाय हाबाफारियाव बाहागो लाहैनाय, थावनि:- उलुबारि खालि मन्दिर नल्तां, अक्ट':- 18 जुन, 2022



मुलगनां आबहावा सान फालिनाय, थावनि : सालबारि, जिथि दख'रा, सिरां, अक्ट': 5 जुन, 2022





क'क्राझार जिल्ला एबसुनि बान्जायनायाव बेसेन नाडै फोरोंथाइ बादा बेखेवनाय हाबाफारियाव बाहागो लाहैनाय  
थावनि : 470 दामदरपुर गुदि फरायसालि, दावखिबारि, क'क्राझार, अक्ट' : 31 मे, 2022



बर' बिजोंजों फरायनानै HSLC आन्जादाव जिथि मासि आवग्रिनो हानाय फरायसाफोरनो 16थि कमल कुमार ब्रह्म  
देरहासाद बान्था-2022 गथायनाय थावनि: जांखिखां फोथार, बेटल, सिरां जिल्ला, अक्ट':- 14 जुन, 2022



बरायनाय हाबाफारियाव बाहागो लाहैनाय  
थावनि: इ.एन. एकाडेमी, बर'बाजार, बिजनी, अक्ट': 14 जुन, 2022





थावनि: जांख्रिखां फोथार, बेंटल, सिरां जिल्ला, अक्ट':- 14 जून, 2022 जून, 2022



बड'लेण्ड सोमावसारनायनि बर'नि गिबि आइजो गायदे आरो हेलेना बसुमतारिनि मुंखलं सान फालिनायाव बाहागो लाहैनाय थावनि: गायदे आरो हेलेना बसुमतारिनि मांखरसालि, सराइबिल, ग'साइगाव, अक्ट': 12 मे, 2022





आगु रंजालि बैसागु फोर्बो फालिथाइ  
थावनि - दिल्ली हाट, गोदान दिल्ली अक्ट' - 10 आरो 11 एप्रिल, 2022



# रंजालि बैसागु फोर्बो फालिथाइ

थावनि : के.दि.एस.ए.नि गेलेग्रा फोथार, क'क्राझार अक्ट' - 15 एप्रिल, 2022

